

萬有文庫

第一集一千種

王雲五主編

水經注

(二)

鄒道元著



商務印書館發行

香

萬有文庫

第一集一千種




商務印書館發行

愛公用  
借圖書  
使用

注經  
(二)

著元道鄺



空軍軍官學校圖書館

登錄號 0810

類號 083.11/1731

書  
空軍軍官學校圖書館



水經注

卷六

汾水 澮水 涑水 文水 原公水 洞過水 晉水 湛水

汾水出太原汾陽縣北管涔山

山海經曰北次二經之首在河之東其首枕汾案近刻其下行東字曰管涔之山其上無木而下多玉

案山海經作其上無木而多草其下多玉汾水出焉西流注於河案西近刻十三州志曰出武州之燕京山亦管涔之異名

也其山重阜脩巖有草無木泉源導於南麓之下蓋稚水濛流耳又西南夾岸連山聯峯接勢劉淵族

子曜嘗隱避於管涔之山案避近刻作居夜中忽有二童子入跪曰管涔王使小臣奉謁趙皇帝獻劍一口置

前再拜而去以燭視之劍長二尺光澤非常背有銘曰神劍御案御上近刻有服字除衆毒曜遂服之劍隨時變

為五色也後曜遂為胡王矣汾水又南與東西温溪合水出左右近溪案近刻脫左字聲流翼注水上雜樹交

蔭雲垂煙接自是水流潭漲波襄轉泛又南逕一城東憑墉積石側枕汾水俗謂之代城案此下近刻重一城字

又南出二城間其城角倚翼枕汾流世謂之侯莫干城蓋語出戎方傳呼失實也汾水又南逕汾陽縣

故城東川土寬平岠山夷水地理志曰案近刻作故地理志衍故字脫曰字汾水出汾陽縣北山西南流者也漢高帝十

004759315

一年封靳彊為侯國。後立屯農積粟在斯。謂之羊腸倉。山有羊腸坂。在晉陽西北。石墜縈行。案近刻作縈委。若

羊腸焉。故倉坂取名矣。漢永平中治呼沱石臼河。按司馬彪後漢郡國志常山南行唐縣有石臼谷。案此

十九字亦注蓋資承呼沱之水。轉山東之漕。案近刻資承訛作杏乘。漕訛作費。自都慮至羊腸倉。案慮近刻訛作慮。將憑汾水

以漕太原用實。秦晉苦役連年。轉運所經。凡三百八十九隘。案三近刻訛作二。死者無算。拜鄧訓為謁者。監護

水功。訓隱括知其難。立具言。肅宗。肅宗從之。全活數千人。和熹鄧后之立。案熹近刻訛作憲。叔父陔以為訓積

善所致也。案原本及近刻並脫。陔字今據後漢書補。羊腸即此倉也。又南逕秀容城東。案近刻脫此七字。魏土地記曰。秀容。胡人徙

居之。立秀容護軍治。東去汾水六十里。案汾近刻訛作汾。南與酸水合。水源西出少陽之山。東南流。注於汾水。

汾水又南出山。東南流。洛陰水注之。水出新興郡。西流逕洛陰城北。又西逕孟縣故城南。春秋左傳昭

公二十八年。分祁氏七縣為大夫之邑。以孟丙為孟大夫。洛陰水又西。案近刻脫洛陰二字。逕狼孟縣故城南。王

莽之狼調也。左右夾澗幽深。南面大壑。俗謂之狼馬澗。舊斷澗為城。有南北門。門闔故壁尚在。洛陰水

又西南逕陽曲城北。魏土地記曰。陽曲。胡寄居太原界。置陽曲護軍治。其水西南流。注於汾水。汾水又

南逕陽曲城西南注也。

東南過晉陽縣東。晉水從縣南東流。注之。案近刻南字訛在東字下。

太原郡治晉陽城。秦莊襄王三年立。案莊近刻訛作昭。尚書所謂既脩太原者也。春秋說題辭曰。高平曰太原。

原端也。平而有度。廣雅曰：大鹵，太原也。釋名曰：地不生物曰鹵。鹵，鹽也。案近刻鹽訛作盧。脫一鹵字及也字。穀梁傳曰：中

國曰太原。夷狄曰太鹵。尚書大傳曰：東原底平大而高平者，謂之太原。郡取稱焉。魏土地記曰：城東有

汾水南流。水東有晉使持節都督并州諸軍事鎮北將軍太原成王之碑。水上舊有梁青莽殞於梁下。

案青莽近刻 豫讓死於津側，亦襄子解衣之所在也。汾水西逕晉陽城南，舊有介子推祠，祠前有碑。廟

字傾頽，惟單碑獨存矣。今文字剝落，無可尋也。

又南，洞過水從東來注之。案過近刻作渦下同。

汾水又南逕梗陽縣故城東，故榆次之梗陽鄉也。案鄉近刻訛作縣。魏獻子以邑大夫魏戊也。京相璠曰：梗陽

晉邑也。今太原晉陽縣南六十里榆次界，有梗陽城。案近刻訛作地。汾水又南，即洞過水會者也。

又南過大陵縣東。

昔趙武靈王遊大陵，夢處女鼓琴而歌，想見其人。吳廣進孟姚焉。即於此縣也。王莽改曰大寧矣。汾水

於縣左迤為鄔澤。廣雅曰：水自汾出為汾陂。其陂東西四里，南北十餘里。陂南接鄔。地理志曰：九澤在

北并州藪也。呂氏春秋謂之大陸，又名之曰漚洩之澤。俗謂之鄔城泊。案近刻脫泊字。許慎說文曰：漚水出西

河中陽縣北沙。案近刻西。南入河，即此水也。漚水又會嬰侯之水。山海經稱謁戾之山，嬰侯之水出於其

陰，北流注於祀水。案祀近刻訛作祀。水出祀山，其水殊源共舍。案近刻訛作其合。注於嬰侯之水，亂流逕中都縣南。

俗又謂之中都水。侯甲水注之。水發源祁縣胡甲山。案近刻源訛作原。祁訛作平。有長坂。謂之胡甲嶺。即劉歆遂初

賦所謂越侯甲而長驅者也。蔡邕曰。侯甲亦邑名也。在祁縣。侯甲水又西北歷宜歲郊。逕太谷。謂之太

谷水。出谷西北流。逕祁縣故城南。自縣連延。西接鄆澤。是為祁藪也。即爾雅所謂昭餘祁矣。賈辛邑也。

辛貌醜。妻不為言。與之如皋射雉。雙中之。則笑也。案左傳魏子引叔向稱賈大夫事。杜預云。賈國之大夫是也。此誤以為賈辛。王莽之示縣

也。又西逕京陵縣故城北。王莽更名曰致城矣。於春秋為九原之地也。故國語曰。趙文子與叔向遊於

九原。曰。死者若可作也。吾誰與歸。叔向曰。其陽子乎。文子曰。夫陽子行并植於晉國。不免其身。智不足

稱。叔向曰。其舅犯乎。文子曰。夫舅犯見利不顧其君。仁不足稱。案近刻脫此。二十三字。吾其隨會乎。納諫不忘其

師。言身不失其友。事君不援而進。不阿而退。案近刻脫此。十六字。其故京尚存。案故字。近刻訛在其字上。漢興。增陵於其下。故

曰京陵焉。侯甲水又西北逕中都縣故城南。城臨際水湄。案城臨。近刻訛作臨城。春秋昭公二年。晉侯執陳無宇

於中都者也。漢文帝為代王。都此。武帝元封四年。上幸中都。宮殿上見光。赦中都死罪以下。侯甲水又

西合於嬰侯之水。逕鄆縣故城南。晉大夫司馬彌牟之邑也。謂之鄆水。俗亦曰慮水。慮鄆聲相近。故因

變焉。又西北入鄆陂。而歸於汾流矣。

又南過平陶縣東。文水從西來流注之。

汾水又南與石桐水合。即綿水也。水出界休縣之綿山。北流逕石桐寺西。即介子推之祠也。昔子推逃

晉文公之賞。而隱於綿上之山也。晉文公求之不得。乃封綿爲介子推田。曰以志吾過。且旌善人。因名斯山爲介山。故袁山松郡國志曰。界休縣有介山。綿上聚子推廟。王肅喪服要記曰。昔魯哀公祖載其父。孔子問曰。寧設桂樹乎。哀公曰。不也。桂樹者。起於介子推。子推。晉之人也。文公有內難。出國之狄。子推隨其行。割肉以續軍糧。後文公復國。忽忘子推。子推奉唱而歌。文公始悟。當受爵祿。子推奔介山。抱木而燒死。國人葬之。恐其神魂實於地。案實近刻故作桂樹焉。吾父生於宮殿。死於枕席。何用桂樹爲。余按。夫子尙非璠璣送葬。安能問桂樹爲禮乎。王肅此證。近於誣矣。石桐水又西流。注於汾水。汾水又西南。逕界休縣故城西。王莽更名之曰界美矣。城東有徵士郭林宗。宋子浚二碑。宋沖以有道司徒徵。案此句有脫誤。未詳。林宗。縣人也。案近刻辟司徒。舉太尉。以疾辭。其碑文云。將蹈洪崖之遐迹。紹巢由之逸軌。翔區外以舒翼。超天衢以高峙。稟命不融。享年四十有二。案近刻建寧二年。案近刻正月丁亥卒。凡我四方同好之人。永懷哀痛。乃樹碑表墓。昭銘景行云。陳留蔡伯喈。范陽盧子幹。扶風馬日磾等。遠來奔喪。持朋友服。案近刻心喪。其年者。如韓子助。宋子浚等二十四人。其餘門人著錫衰者千數。案此下近文故。蔡伯喈謂盧子幹。馬日磾曰。吾爲天下碑文多矣。皆有慙容。惟郭有道無愧於色矣。汾水之右。有左部城。側臨汾水。蓋劉淵爲晉都尉所築也。

又南過冠爵津。

汾津名也。在界休縣之西南。俗謂之雀鼠谷。數十里間道險隘。水左右悉結偏梁閣道。纍石就路。縈帶巖側。或去水一丈。或高五六尺。案近刻脫水字。五字尺訛作丈。上戴山阜。下臨絕澗。俗謂之為魯般橋。蓋通古之津隘矣。亦在今之地險也。

又南入河東界。又南過永安縣西。

故蕘縣也。周厲王流於蕘。即此城也。王莽更名黃城。漢順帝陽嘉三年。改曰永安縣。霍伯之都也。

歷唐城東。案此四字原本及近刻並誤入注內。接霍伯之都也。下以體例考之。乃經之書法與注異。今改正。

薛瓚注漢書云。堯所都也。東去蕘十里。汾水又南。案近刻訛作又東。與蕘水合。水出東北太岳山。禹貢所謂岳

陽也。即霍太山矣。上有飛廉墓。飛廉以善走事紂。惡來多力。見知周武王伐紂。案近刻脫武字。兼殺惡來。飛廉

先為紂使北方。還無所報。乃壇於霍太山。而致命焉。得石棺。銘曰。帝令處父。不與殷亂。賜汝石棺。以葬

死。遂以葬焉。霍太山有岳廟。廟甚靈。鳥雀不棲其林。猛虎常守其庭。又有靈泉。以供祭祀。案近刻作事。鼓動

則泉流。聲絕則水竭。湘東陰山縣有侯曇山。上有靈壇。壇前有石井。深數尺。居常無水。及臨祈禱。則甘

泉湧出。周用則已。亦其比也。蕘水又西流。逕觀阜北。故百邑也。原過之。從襄子也。受竹書於王澤。以告

襄子。襄子齋三日。親自剖竹。有朱書曰。余霍太山山陽侯天使也。三月丙戌。余將使汝反滅智氏。汝亦

立我於百邑。襄子拜受三神之命。遂滅智氏。祠三神於百邑。使原過主之。世謂其處為觀阜也。蕘水又

西流逕永安縣故城南。西南流注於汾水。汾水又南逕霍城東。故霍國也。昔晉獻公滅霍。趙夙爲御。霍公求奔齊。案霍公求近刻。作霍哀公下同。晉國大旱。卜之曰。霍太山爲祟。使趙夙召霍君奉祀。晉復穰。蓋霍公求之故居也。汾水又逕趙城西南。穆王以封造父。趙氏自此始也。汾水又南。霍水入焉。水出霍太山。發源成潭。漲七十步而不測其深。西南逕趙城南。西流注於汾水。

又南過楊縣東。

澗水東出穀遠縣西山。西南逕霍山南。又西逕楊縣故城北。案楊縣二字近。刻訛作霍字上。晉大夫僚安之邑也。案僚

刻訛作僚。公去安。應劭曰。故楊侯國。王莽更名有年亭也。其水西流入於汾水。汾水逕楊城西。不於東矣。魏土

地記曰。平陽郡治楊縣郡西。有汾水南流者是也。

西南過高梁邑西。

黑水出黑山西。逕楊城南。又西與巢山水會。山海經曰。牛首之山。勞水出焉。西流注於潏水。疑是水也。

潏水即巢山之水也。水源東南出巢山東谷。北逕浮山東。又西北流與勞水合。亂流西北逕高梁城北。

西流入於汾水。汾水又南逕高梁故城西。故高梁之墟也。春秋僖公二十四年。秦穆公納公子重耳於

晉。害懷公於此。竹書紀年。晉出公十三年。案近刻訛。作三十年。智伯瑤城高梁。漢高帝十二年。以爲侯國。封恭侯

酈疥於斯邑也。案疥近刻。訛作介。

又南過平陽縣東。

汾水又南逕白馬城西。魏刑白馬而築之。故世謂之白馬城。今平陽郡治。汾水又南逕平陽縣故城東。

晉大夫趙彘之故邑也。應劭曰。縣在平河之陽。堯舜並都之也。竹書紀年。晉烈公元年。韓武子都平陽。

漢昭帝封度遼將軍范明友為侯國。王莽之香平也。魏立平陽郡。案魏近刻治此矣。水側有堯廟。廟前

有碑。魏土地記曰。平陽城東十里。汾水東原上。有小臺。臺上有堯神屋石碑。永嘉三年。劉淵徙平陽。於

汾水得白玉印。方四寸。高二寸二分。龍紐。其文曰。有新寶之印。王莽所造也。淵以為天授。改永鳳二年。

為河瑞元年。汾水南與平水合。案平水近刻水出平陽縣西壺口山。案近刻尚書所謂壺口。治梁及岐

也。其水東逕狐谷亭北。春秋時狄侵晉。取狐廚者也。又東逕平陽城南。東入汾。俗以為晉水。非也。汾水

又南歷襄陵縣故城西。晉大夫卻擊之邑也。故其地有擊氏鄉亭矣。西北有晉襄公陵。案近刻脫縣蓋

即陵以命氏也。案命近刻王莽更名曰幹昌矣。

又南過臨汾縣東。

天井水出東陘山西南。北有長嶺。嶺上東西有通道。即鉞陘也。穆天子傳曰。乙酉。天子西絕鉞陘。西南

至鹽是也。案鹽近刻其水三泉奇發。西北流。總成一川。西逕堯城南。又西流入汾。案流字近

又屈從縣南西流。

汾水又逕絳縣故城北。竹書紀年：梁武王二十五年，案朱謀埠云：當絳中地壙，西絕於汾。汾水西逕虜  
祁宮北，橫水有故梁，截汾水中，凡有三十柱，柱徑五尺，裁與水平，蓋晉平公之故梁也。物在水，故能持  
久而不敗也。又西逕魏正平郡南，故東雍州治。案近刻脫雍字。太和中，皇都徙洛，罷州立郡矣。又西逕王澤。案  
本訛作王橋，近刻訛作正橋，考原過受竹書于王澤，即此地，今改正。澮水入焉。

又西過長脩縣南。

汾水又西與古水合。水出臨汾縣故城西黃阜下，其大若輪，西南流，故溝橫出焉。案溝橫，近刻訛作橫溝。東注於

汾，今無水。又西南逕魏正平郡北，又西逕荀城東，古荀國也。汲郡古文：晉武公滅荀，以賜大夫原氏也。

古水又西南入於汾。汾水又西南逕長脩縣故城南。漢高帝十一年，以為侯國，封杜恬也。案杜，近刻訛作莊。有

脩水出縣南，而西南流入汾。汾水又西逕清原城北，故清縣亭也。城北有清原，晉侯蒐清原，作三軍處

也。汾水又逕冀亭南。昔白季使過冀野，見郤缺耨，其妻饁之，相敬如賓。言之文公，文公命之為卿，復與

之冀。京相璠曰：今河東皮氏縣有冀亭，古之冀國所都也。杜預釋地曰：平陽皮氏縣東北有冀亭，即此

亭也。汾水又西與華水合。水出北山華谷，西南流，逕一故城西，俗謂之梗陽城，非也。梗陽在榆次，不在

此。按故漢上谷長史侯相碑云：侯氏出自倉頡之後，踰殷歷周。案歷，近刻訛作立。各以氏分，或著楚魏，或顯齊

秦。晉卿士蔣斯其胄也，食采華陽。今蒲坂北亭，即是城也。其水西南流，注於汾。汾水又逕稷山北，在水

南四十許里。山東西二十里，南北三十里，高十三里。西去介山十五里。山上有稷祠，山下稷亭。春秋宣公十五年，秦桓公伐晉，晉侯治兵於稷，以略狄土。案近刻脫伐字，是也。

又西過皮氏縣南。

汾水西逕鄴丘北。案鄴近刻訛作鄴下同。故漢氏之方澤也。賈逵云：漢法三年祭地，汾陰方澤，澤中有方丘，故謂

之方澤丘，即鄴丘也。許慎說文稱從邑癸聲。案癸近刻訛作登。河東臨汾地名矣。在介山北，山即汾山也。其山

特立，周七十里，高三十里。文穎言在皮氏縣東南，則可三十里。案則近刻訛作側。乃非也。今準此山，可高十餘

里。山上有神廟，廟側有靈泉，祈祭之日，周而不耗。世亦謂之子推祠。揚雄河東賦曰：靈輿安步，周流容

與，以覽於介山。嗟文公而愍推兮，勤大禹於龍門。晉太康記及地道記，與永初記，並言子推所逃隱於

是山，即實非也。余按介推所隱者，綿山也。文公環而封之，為介推田，號其山為介山。杜預曰：在西河界

休縣者是也。汾水又西逕耿鄉城北，故殷都也。帝祖乙自相徙此，為河所毀，故書敘曰：祖乙圮於耿。杜

預曰：平陽皮氏縣東南耿鄉是也。盤庚以耿在河北，迫近山川，乃自耿遷亳。案此下近刻衍後字。晉獻公滅耿。案近

刻作滅之。以封趙夙。後襄子與韓魏分晉，韓康子居平陽，魏桓子都安邑，號為三晉。此其一也。漢武帝行幸

河東，濟汾河，作秋風辭於斯水之上。汾水又西逕皮氏縣南。竹書紀年：魏襄王十二年，秦公孫爰率師

伐我，圍皮氏。翟章率師救皮氏，圍疾西風。十三年，城皮氏者也。漢河東太守潘係穿渠，引汾水以溉皮

氏縣故渠尚存。今無水也。

又西至汾陰縣北。西注於河。

水南有長阜。背汾帶河。阜長四五里。廣二里餘。高十丈。汾水歷其陰。西入河。漢書謂之汾陰。睢。應劭曰。睢丘類也。汾陰。男子公孫祥望氣。寶物之精。上見。祥言之於武帝。武帝於水獲寶鼎焉。遷於甘泉宮。改其年曰元鼎。即此處。

澮水出河東絳縣東澮交東高山。

澮水東出絳高山。案絳近刻作詳亦曰河南山。又曰澮山。西逕翼城南。按詩譜言。晉穆侯遷都於絳。暨孫孝侯。

改絳為翼。翼為晉之舊都也。後獻公北廣其城。方二里。又命之為絳。故司馬遷史記年表稱獻公九年。

始城絳都。左傳莊公二十六年。晉士蔿城絳以深其宮。是也。其水又西南合黑水。案此下近刻衍嶺字水導源東。

北黑水谷。西南流逕翼城北。右引北川水。水出平川。南流注之。亂流西南入澮水。澮水又西南與諸水。

合。謂之澮交。竹書紀年曰。莊伯十二年。翼侯焚曲沃之禾而還。作為文公也。案此句有訛舛未詳又有賀水。東出。

近川。西南至澮交。入澮。又有高泉水。出東南近川。西北趣澮交。注澮。又南。紫谷水。東出白馬山。白馬川。

遁甲開山圖曰。絳山東距白馬山。謂是山也。西逕熒庭城南。案熒近刻訛作榮而西出紫谷。與乾河合。即教水。

之枝川也。史記白起傳稱涉河。取韓安邑。東至乾河。是也。其水西與田川水合。水出東溪西北。至澮交。

入澮。又有于家水。案于近刻。訛作女。出于家谷。竹書紀年曰：莊伯以曲沃叛，伐翼，公子萬救翼，荀叔軫追之。至

于家谷，有范壁水，出於壁下，並西北流，至翼廣城。昔晉軍北入翼廣，築之，因即其姓以名之。二水合而

西北流，至澮，交入澮。澮水又西南與絳水合，俗謂之白水，非也。水出絳山東。案此下近刻。衍至字。寒泉奮湧，揚波

北注，懸流奔壑，一十許丈。案一十近刻。訛作十一。青崖若點黛，素湍如委練，望之極為奇觀矣。其水西北流，注於

澮。應劭曰：絳水出絳縣西南，蓋以故絳為言也。史記稱智伯率韓、魏，引水灌晉陽，不沒者三版。智氏曰：

吾始不知水可以亡人國，今乃知之。汾水可以浸安邑，絳水可以浸平陽。案原本及近刻，並訛作汾水。可以浸平陽，絳水可以浸安

邑。今據戰國策史記。資治通鑑訂正。時韓居平陽，魏都安邑。魏桓子肘韓康子，韓康子履魏桓子，肘足接於車上，而智氏

以亡。魯定公問一言可以喪邦有諸，孔子以為幾乎。余觀智氏之談矣，汾水灌安邑，或亦有之。絳水灌

平陽，未識所由也。案原本及近刻，亦安邑平陽互訛。今據括地志及胡三省注通鑑所引此文訂正。

西過其縣南

春秋成公六年，晉景公謀去故絳，欲居郇瑕。韓獻子曰：案原本及近刻，六年訛作元年。晉景公訛作土。晉悼公韓獻子訛作魏獻子。今據左傳改正。土

薄水淺，不如新田。有汾澮以流其惡，遂居新田。又謂之絳，即絳陽也。蓋在絳澮之陽。漢高帝六年，封越

騎將軍華無害為侯國。縣南對絳山，面背二水。古文瑣語曰：晉平公與齊景公乘，至於澮上，見乘白驂

八駟以來，有大狸身而狐尾，隨平公之車。公問師曠對首陽之神，有大狸身狐尾，其名曰者，飲酒得福。

則微之。蓋於是水之上也。案此有脫誤。朱謀瑋云。太平廣記引汲冢瑣語。晉平公至澮上。見人乘白驢。尾其名曰首陽之神。飲酒于霍太山而歸。其逢君子澮乎。君其有喜。

又西南過虓祁宮南。

宮在新田絳縣故城西四十里。晉平公之所構也。時有石言於魏榆。晉侯以問師曠。曠曰。石不能言。或憑焉。臣聞之。作事不時。怨讟動於民。則有非言之物言也。今宮室崇侈。民力彫盡。石言不亦宜乎。叔向以爲子野之言君子矣。其宮也。背汾面澮。案也。近刻訛作地。西則兩川之交會也。竹書紀年曰。晉出公五年。澮絕於梁。卽是水也。

又西至王澤。注於汾水。案澤原本及近刻並訛作橋。下注內不誤。

晉智伯瑤攻趙襄子。襄子奔保晉陽。原過後至。遇三人於此澤。自帶以下不見。持竹二節。與原過曰。爲我遺無卹。原過受之。於是澤所謂王澤也。

涑水出河東聞喜縣東山黍葭谷。

涑水所出。俗謂之華谷。至周陽。與洮水合。水源東出清野山。世人以爲清襄山也。其水東逕大嶺下。案

刻脫逕字。西流出。謂之哈口。又西合涑水。鄭使子產問晉平公疾。平公曰。卜云臺駘爲祟。案駘近刻訛作台。下同。史官

莫知。敢問。子產曰。高辛氏有二子。長曰閼伯。季曰實沈。不能相容。帝遷閼伯於商丘。遷實沈於大夏。臺

駘。實沈之後。能業其官。帝用嘉之。國于汾川。案近刻脫于字由是觀之。臺駘。汾洮之神也。賈逵曰。汾洮二水名。司馬彪曰。洮水出聞喜縣。故王莽以縣為洮亭也。然則涑水。殆亦洮水之兼稱乎。

西過周陽邑南。

其城南臨涑水。北倚山原。竹書紀年。晉獻公二十五年正月。翟人伐晉。周有白兔舞於市。即是邑也。漢

景帝以封田勝為侯國。案此下近刻有也字涑水西逕董澤。陂南即古池。東西四里。南北三里。春秋文公六年。蒐

於董。案此句下近刻衍澤字即斯澤也。涑水又與景水合。水出景山北谷。山海經曰。景山南望鹽販之澤。北望少

澤。其草多藟蓊。秦椒。其陰多赭。其陽多玉。郭景純曰。鹽販之澤。即解縣鹽池也。按經不言有水。今有水

焉。西北流。注於涑水也。

又西南過左邑縣南。案左邑縣近刻訛作其縣

涑水又西逕仲邨。邨北又西逕桐鄉。城北。竹書紀年曰。翼侯伐曲沃。大捷。武公請成於翼。案成近刻訛作城至

桐。乃返者也。案近刻桐訛作洞。下衍庭字漢書曰。武帝元鼎六年。將幸緱氏。至左邑桐鄉。聞南越破。以為聞喜縣者

也。涑水又西與沙渠水合。水出東南。近川西北流。注於涑水。涑水又西南逕左邑縣故城南。故曲沃也。

晉武公自晉陽徙此。秦改為左邑縣。詩所謂從子於鵠者也。春秋傳曰。下國有宗廟。謂之國。在絳曰下

國矣。即新城也。王莽之洮亭也。涑水自城西注。水流急濬。輕津無緩。故詩人以為激揚之水。言不能流

移束薪耳。水側卽狐突遇申生處也。春秋傳曰：秋，狐突適下國，遇太子。太子使登僕曰：夷吾無禮，吾請帝以畀秦。對曰：神不歆非類，君其圖之。君曰：諾。請七日見我於新城。西偏及期而往，見於此處。故傳曰：鬼神所憑，有時而信矣。涑水又西，逕王官城北。城在南原上。案近刻脫城字。春秋左傳：成公十三年四月，晉侯使呂相絕秦曰：康猶不悛，入我河曲，伐我涑川，俘我王官，故有河曲之戰是矣。今世人猶謂其城曰王城也。

又西南過安邑縣西。

安邑，禹都也。禹娶塗山氏女，思戀本國，築臺以望之。今城南門臺基猶存。余按禮：天子諸侯，臺門隅阿相降而已，未必一如書傳也。故晉邑矣。春秋時，魏絳自魏徙此。昔文侯懸師經之，琴於其門，以爲言戒也。武侯二年，又城安邑，蓋增廣之。秦始皇使左更白起取安邑，置河東郡。王莽更名洮隊。案近刻訛作陽。縣曰河東也。有項寧都學道升仙，忽復還此。河東號曰斥仙。漢世又有閔仲叔，隱遁市邑，罕有知者。後以識瞻而去。涑水西南逕鹽縣故城。案此縣卽下文所云分猗氏安邑置縣以守之者也。城南有鹽池，上承鹽水。案近刻訛作水出。東南薄山，西北流，逕巫咸山北。地理志曰：山在安邑縣南。案近刻訛作東。海外西經曰：巫咸國在女丑北。案近刻脫字。右手操青蛇，左手操赤蛇，在登葆山。羣巫所從上下也。大荒西經云：大荒之中有靈山，巫咸巫卽巫盼。巫彭、巫姑、巫真、巫禮、巫抵、巫謝、巫羅。案近刻盼作盼，真作貞，禮作孔。十巫從此升降，百藥爰在。郭景純曰：言羣巫上

下靈山探藥往來也。蓋神巫所遊。故山得其名矣。谷口嶺上。案口近刻有巫咸祠。其水又逕安邑故城

南。又西流注於鹽池。地理志曰。鹽池在安邑西南。許慎謂之鹽。案近刻訛作長五十一里。廣七里。周百

一十六里。從鹽省古聲。案近刻作廣六里。周一百一十四里。從鹽古聲。呂沈曰。夙沙初作者煮海鹽。案近刻訛作呂宿曰。河東鹽

池。謂之鹽。案近刻訛作謂之。解鹽。蓋後人所改。今池水東西七十里。南北十七里。紫色澄渟。潭而不流。案潭近刻水出石

鹽。自然印成。朝取夕復。終無減損。惟山水暴至。雨澍潢潦奔洑。案近刻訛作惟水。暴雨澍甘潦奔洑。則鹽池用耗。故公私

共竭水。徑防其淫濫。謂之鹽水。亦謂之為竭水。案近刻脫謂之二字。此山海經謂之鹽販之澤也。澤南

面層山。天巖雲秀。地谷淵深。案近刻訛作池谷泉深。左右壁立。間不容軌。謂之石門。路出其中。名之曰徑。南通上

陽。北暨鹽澤。案暨近刻訛作暨。池西又有一池。謂之女鹽澤。東西二十五里。南北二十里。在猗氏故城南。春秋

成公六年。晉謀去故絳。大夫曰。郇瑕地沃饒。近鹽。服虔曰。土平有漑。曰沃。鹽。鹽池也。案此四字。近刻訛

土俗裂水沃麻。案近刻訛作土人。鄉俗引水裂沃麻。分灌川野。畦水耗竭。土自成鹽。即所謂鹹鹺也。案鹹近刻而味苦。號

曰鹽田。鹽鹽之名。始資是矣。本司鹽都尉治。領兵千餘人守之。周穆王漢章帝。並幸安邑。而觀鹽池。故

杜預曰。猗氏有鹽池。後罷尉司。分猗氏安邑。置縣以守之。

又南過解縣東。又西南注於張陽池。

涑水又西逕猗氏縣故城北。春秋文公七年。晉敗秦於令狐。至於刳首。先蔑奔秦。士會從之。闕駟曰。令

狐。卽猗氏也。列首在西三十里。縣南對澤。卽猗頓之故居也。孔叢曰。猗頓。魯之窮士也。耕則常饑。桑則常寒。聞朱公富。往而問術焉。朱公告之曰。子欲速富。當畜五牝。於是乃適西河。大畜牛羊於猗氏之南。十年之間。其息不可計。貨擬王公。馳名天下。以興富於猗氏。故曰猗頓也。涑水又西逕郇城。詩云。郇伯勞之。蓋其故國也。杜元凱春秋釋地云。今解縣西北有郇城。服虔曰。郇國在解縣東。郇瑕氏之墟也。余按竹書紀年云。晉惠公十有四年。秦穆公率師送公子重耳。圍令狐。桑泉曰。衰皆降于秦師。案于近刻訛作焉。狐毛與先軫禦秦。至於廬柳。乃謂秦穆公使公子縶來。與師言退。舍次於郇。盟於軍。京相璠春秋土地名曰。案曰字近刻。訛在春字上。桑泉曰。衰並在解東南。不言解。明不至解。可知。春秋之文。與竹書不殊。今解故城東北二十四里。有故城。在猗氏故城西北鄉。俗名之爲郇城。考服虔之說。又與俗符。賢於杜氏單文。狐證矣。涑水又西南逕解縣故城南。春秋晉惠公因秦返國。許秦以河外五城。內及解梁。卽斯城也。涑水又西南逕瑕城。晉大夫詹嘉之故邑也。春秋僖公三十年。秦晉圍鄭。鄭伯使燭之武謂秦穆公曰。案近刻脫穆字。晉許君焦瑕。朝濟而夕設版者也。京相璠曰。今河東解縣西南五里。有故瑕城。涑水又西南逕張陽城。東竹書紀年。齊師逐鄭太子齒。奔張城南。鄭者也。案張城近刻訛作城張。漢書之所謂東張矣。高祖二年。曹參假左丞相。別與韓信東攻。魏將孫遨軍東張。案孫下近刻訛衍林字。大破之。蘇林曰。屬河東。卽斯城也。涑水又西南屬於陂。陂分爲二城。南面兩陂。左右澤渚。東陂世謂之晉興澤。東西二十五里。南北八里。南對鹽道山。其

西則石壁千尋。東則礮溪萬仞。方嶺雲迴。奇峯霞舉。孤標秀出。罩絡羣山之表。翠柏蔭峯。清泉灌頂。郭景純云。世所謂鴛漿也。發於上而潛於下矣。厥頂方平。有良藥。神農本草曰。地有固活女。疎銅芸紫苑之族也。是以緇服思元之士。鹿裘念一之夫。代往遊焉。路出北巘。勢多懸絕。來去者咸援蘿騰崖。尋葛降深。於東則連木。乃陟百梯。方降巖側。縻鎖之跡。仍今存焉。故亦曰百梯山也。水自山案自近刻北流。五里而伏。云潛通澤潞。所未詳也。西陂。卽張澤也。西北去蒲坂十五里。東西二十里。南北四五里。冬夏積水。亦時有盈耗也。

文水出大陵縣西山文谷東。到其縣。屈南到平陶縣東北。東入於汾。

文水逕大陵縣故城。西而南流。有泌水注之。縣西南山下。武氏穿井給養。井至幽深。後一朝水溢平地。

案近刻東南注文水。文水又南逕平陶縣之故城。東西逕其城內。南流出郭。王莽更曰多穰也。文水又訛作流

南逕縣右。會隱泉口。水出謁泉山之上頂。案近刻俗云。陽雨愆時。是謁是禱。故山得其名。非所詳也。其

山石崖絕險。壁立天固。崖半有一石室。去地可五十餘丈。爰有層松飾巖。列柏綺望。惟西側一處。得歷

級升陟。頂上平地十許頃。沙門釋僧光表建二刹。泉發於兩寺之間。東流瀝石。沿注山下。又東。津渠隱

沒。而不恆流。故有隱泉之名矣。雨澤豐澍。則通入文水。文水又南逕茲氏縣故城。東爲文湖。東西十五

里。南北三十里。世謂之西湖。案近刻在縣直東十里。湖之西側。臨湖又有一城。謂之濬城。水澤所聚。

案近刻訛作西河

謂之都亦曰瀦蓋卽水以名城也文湖又東逕中陽縣故城東案晉書地道記太康地記西河有中陽

城案近刻舊縣也文水又東南流與勝水合水西出狐岐之山案西出近刻東逕六壁城南魏朝舊置

六壁於其下防離石諸胡因爲大鎮太和中罷鎮仍置西河郡焉勝水又東合陽泉水水出西山陽溪

東逕六壁城北又東南流注於勝水勝水又東逕中陽故城南又東合文水文水又東南入於汾水也

原公水出茲氏縣西羊頭山東過其縣北

縣故秦置也漢高帝更封沂陽侯嬰爲侯國王莽之茲同也魏黃初二年分太原復置西河郡晉徙封

陳王斌於西河故縣有西河繆王司馬子政廟案近刻脫分太原至故縣有凡碑文云西河舊處山林

漢末擾攘百姓失所魏興更開疆宇分割太原四縣以爲邦邑其郡帶山側塞矣王以咸寧三年案近

四改命爵士明年案近刻十二月喪國臣太農閻崇離石令宗羣等二百三十四人刊石立碑以述勳

德碑北廟基尙存也

又東入於汾

水注文湖不至汾也

洞過水出沾縣北山

案魏書地形志作同過云五水合道故曰同過近刻過作渦

其水西流與南溪水合水出南山西北流注洞過水洞過水又西北黑水西出山三源合舍案近刻訛

會同歸一川東流南屈逕受陽縣故城東案近刻脫逕字按晉太康地記樂平郡有受陽縣盧諶征艱賦所謂

歷受陽而總轡者也其水又西南入洞過水洞過水又西蒲水南出蒲谷北流注之洞過水又西案近刻

作于洞與原過水合近北便水源也案近刻訛作逕水西阜上有原過祠蓋懷道協靈受書天使憂結

宿情傳芳後日棟宇雖淪攢木猶茂故水取名焉案故下近刻有層蕊二字衍其水南流注於洞過水也

西過榆次縣南又西到晉陽縣南

榆次縣故涂水鄉案涂近刻訛作塗下涂陽同晉大夫智徐吾之邑也春秋昭公八年晉侯築虎祁之宮有石言晉

之魏榆服虔曰魏晉邑榆州里名也漢書曰榆次十三州志以為涂陽縣矣王莽之太原亭也縣南側

水有鑿臺韓魏殺智伯瑤於其下刳腹絕腸折頸摺頤處也案近刻頸訛作頭摺訛作措其水又西南流逕武灌城

西北案灌近刻訛作觀盧諶征艱賦曰逕武館之故郛問厥塗之遠近案塗近刻訛作墮洞過水又西南為淳湖謂之

洞過澤案澤近刻訛作津澤南案近刻訛作而涂水注之水出陽邑東北大嘍山涂谷西南逕蘿藤亭南與蔣谷水合

水出縣東南蔣溪魏土地記曰晉陽城東南百一十里至山有蔣谷大道度軒車嶺通於武鄉水自蔣

溪西北流西逕箕城北春秋僖公三十三年晉人敗狄於箕杜預釋地曰城在陽邑南水北即陽邑縣

故城也竹書紀年曰梁惠成王九年與邯鄲榆次陽邑者也王莽之繁穰矣蔣溪又西合涂水亂流西

北入洞過澤也

西入於汾。出晉水下口者也。

劉琨之為并州也。劉曜引兵邀擊之。案劉曜近刻合戰於洞過。即是水也。

晉水出晉陽縣西懸甕山。

縣故唐國也。春秋左傳稱唐叔未生。其母邑姜。夢帝謂己曰。余名而子曰虞。將與之唐。屬之參。及生。名之曰虞。呂氏春秋曰。叔虞與成王居。王援桐葉為珪以授之。曰。吾以此封汝。虞以告周公。周公請曰。天子封虞乎。王曰。余戲耳。公曰。天子無戲言。時唐滅。乃封之於唐縣。有晉水。後改名為晉。故子夏敍詩稱此晉也。而謂之唐。儉而用禮。有堯之遺風也。晉書地道記。及十三州志。並言晉水出龍山。一名結紉山。案名近刻在縣西北。非也。山海經曰。懸甕之山。晉水出焉。今在縣之西南。昔智伯之遏晉水。以灌晉陽。案水以近刻其川上瀆。後人踵其遺跡。蓄以為沼。沼西際山。枕水有唐叔虞祠。水側有涼堂。結飛梁於水上。左右雜樹交蔭。希見曦景。至有淫朋密友。羈遊宦子。莫不尋梁契集。用相娛慰。於晉川之中。最為勝處。

又東過其縣南。又東入於汾水。

沼水分為二派。案近刻。訛作汾北瀆。即智氏故渠也。昔在戰國。襄子保晉陽。智氏防山以水之。城不沒者三版。與韓魏望歎於此。故智氏用亡。其瀆乘高東北。注入晉陽城。以周灌溉。案灌近刻漢末赤眉之

難郡掾劉茂負太守孫福匿於城門西下空穴中其夜奔孟卽是處也東南出城流注於汾水也其南  
瀆於石塘之下伏流逕舊溪東南出逕晉陽城南城在晉水之陽故曰晉陽矣案近刻脫故字經書晉荀吳帥  
師敗狄於大鹵杜預曰大鹵晉陽縣也爲晉之舊都春秋定公十三年趙鞅以晉陽叛後乃爲趙矣其  
水又東南流入於汾

湛水出河內軹縣西北山

湛水出軹縣南原湛溪案近刻軹訛作枳原訛作源

俗謂之椹水也案椹近刻訛作湛

是蓋聲形盡鄰故字讀俱變同於三

豕之誤耳其水自溪出南流

東過其縣北又東過波縣之北案波近刻訛作皮

湛水南逕向城東而南注

又東過毋辟邑南

原經所注案原近刻訛作源斯乃溟川之所由案溟原本及近刻並訛作涓今改正溟水詳見卷七濟水內

非湛水之間關也是乃經之誤

證耳案近刻脫乃字湛水自向城東南逕湛城東時人謂之椹城案近刻訛作湛城

亦或謂之隰城矣溪曰隰澗隰城

在東言此非矣後漢郡國志曰河陽縣有湛城是也

又東南當平縣之東北案平縣原本及近刻並訛作平陰縣考河水注云河水又東逕平縣故城北又南東溟水入焉此注云原經所注斯乃溟川之所由不得爲平陰明矣今訂正南

入於河。

湛水又東南逕鄧南流注於河。故河濟有鄧津之名矣。案鄧津在孟津西。河水自西而東。先得清水。次至鄧。得湛水。次至平縣。得溟水。撰水經者。敘清水于平陰下。敘湛水于平縣下。皆于地望不協。故道元辨其非。

卷七

濟水

濟水出河東垣縣東王屋山為沆水。

山海經曰。王屋之山。案近刻脫此四字。

聯水出焉。西北流注於泰澤。案泰近刻訛作秦。

郭景純云。聯沆聲相近。即沆水也。

潛行地下。至共山南復出於東丘。今原城東北有東丘城。孔安國曰。泉源為沆。流去為濟。春秋說題辭曰。濟齊也。齊度也。貞也。風俗通曰。濟出常山。房子縣贊皇山廟在東郡臨邑縣。濟者齊也。案近刻脫此三字。

齊其度量也。余按二濟同名。案名下近刻衍也字。所出不同。鄉原亦別。案原近刻訛作源。斯乃應氏之非矣。今濟水重源。

出軹縣西北平地。案軹縣近刻訛作溫城。水有二源。東源出原城東北。案近刻重一城字。昔晉文公伐原以信而原降。即

此城也。俗以濟水重源所發。因復謂之濟源城。其水南逕其城東。故縣之原鄉。案漢書地理志軹縣。孟

是也。此故縣。即承上文軹縣言。杜預白。沁水縣西北有原城者是也。案沁近刻訛作沆。又南流與西源合。西源出原城

是也。此故縣。即承上文軹縣言。杜預白。沁水縣西北有原城者是也。案沁近刻訛作沆。又南流與西源合。西源出原城

西案西字近刻訛作而東流水注之案流字近刻訛作沈水出西南東北流注于濟濟水又東逕原城南東合北水亂流東

南注分爲二水一水東南流俗謂之爲衍水即沈水也衍沈聲相近轉呼失實也案轉近刻作傳濟水又東南

逕絺城北而出於温矣案絺原本及近刻並訛作邳今考左傳蘇忿生之田絺其一水枝津南流注於渙渙水出原成西北原山勳掌谷案近刻脫俗謂之爲白澗水南逕原城西春秋會於渙梁謂是水

之墳梁也爾雅曰梁莫大于渙梁梁水堤也渙水又東南逕陽城東與南源合水出陽城南溪陽亦樊也一曰陽樊國語曰王以陽樊賜晉陽人不服文公圍之倉葛曰陽有夏商之嗣典樊仲之官守焉君

而殘之無乃不可乎公乃出陽人春秋樊氏叛惠王使虢公伐樊執仲皮歸於京師即此城也其水東北流與漫流水合水出軹關南東北流又北注於渙案渙原本及近刻並訛作漫今改正謂之漫流口渙水又東合北水

亂流東南左會濟水枝渠渙水又東逕鍾繇塢北世謂之鍾公壘又東南塗溝水注之水出軹縣西南山下北流東轉入軹縣故城中又屈而北流出軹郭漢文帝元年封薄昭爲侯國也又東北流注於渙

渙水又東北逕波縣故城北漢高帝封公上不害爲侯國案渙水所逕乃今濟源縣東南二十里波城不害封汲侯或波訛作汲耳渙水又

東南流天漿澗水注之水出軹南臯案近刻訛作臯下同向城北城在臯上案近刻脫城字俗謂之韓王城非也京相璠

曰或云今河內軹西有城名向案城近刻訛作地今無杜元凱春秋釋地亦言是矣蓋相襲之向故不得以地名而無城也闕駟十三州志曰軹縣南山西曲有故向城即周向國也傳曰向姜不安于莒而歸者矣

汲郡竹書紀年曰鄭侯使韓辰歸晉陽及向二月城陽向更名陽爲河雍向爲高平卽是城也其水有二源俱導各出一溪東北流合爲一川名曰天漿溪又東北逕一故城俗謂之冶城案治近刻訛作治下同水亦曰冶水又東流注於溴溴水又東南流右會同水水出南原下案原近刻訛作源東北流逕白騎塢南塢在原上爲二溪之會北帶深隍三面阻險惟西版築而已東北流逕安國城西又東北注溴水溴水東南逕安國城東又南逕毋辟邑西世謂之無比城亦曰馬髀城皆非也朝廷以居廢太子謂之河陽庶人溴水又南注於河

又東至温縣西北爲濟水又東過其縣北

濟水於温城西北與故瀆分南逕温縣故城西周畿內國司寇蘇忿生之邑也春秋僖公十年狄滅温温子奔衛周襄王以賜晉文公濟水南歷虢公臺西皇覽曰温城南有虢公臺基址尙存濟水南流注於河郭緣生述征記曰濟水案近刻脫水字河內温縣注於河蓋沿歷之實證非爲謬說也濟水故瀆於温城西北東南出逕温城北又東逕虢公冢北皇覽曰虢公冢在温縣郭東濟水南大冢是也濟水當王莽之世川瀆枯竭其後水流逕通津渠勢改尋梁脈水不與昔同

屈從縣東南流過隕城西案隕近刻訛作墳下同又南當鞏縣北南入於河

濟水故瀆東南合奉溝水水上承朱溝於野王城西東南逕陽鄉城北案此下近刻重又東南流逕陽鄉城北九字又東南

逕李城西。秦攻趙邯鄲，且降，傳舍吏子李同，說平原君勝，分家財饗士，得敢死者三千人。李同與赴秦

軍，秦軍退，同死。案近刻作李同死。封其父為李侯。故徐廣曰：河內平臯縣有李城，即此城也。於城西南為陂，水

淹地百許頃，蒹葭萑葦生焉。號曰李陂。又逕隕城西，屈而東北流，逕其城北。又東逕平臯城南，應劭曰：

邢侯自襄國徙此。當齊桓公時，衛人伐邢，邢遷於夷儀，其地屬晉。號曰邢丘，以其在河之臯，勢處平夷。

案近刻訛作處勢平夷。故曰平臯。瓚注漢書云：春秋狄人伐邢，邢遷夷儀，不至此也。案近刻脫也字。今襄國西有夷儀城，

去襄國百餘里。平臯是邢丘，非國也。余按春秋宣公六年，赤狄伐晉，圍邢丘。昔晉侯送女子于楚，送之邢

丘，即是此處也。非無城之言。竹書紀年曰：梁惠成王三年，鄭城邢丘。司馬彪後漢郡國志云：縣有邢丘。

故邢國，周公子所封矣。漢高帝七年，案近刻訛作六年。封碭郡長項佗為侯國。案佗近刻訛作伯。賜姓劉氏。武帝以為

縣，其水又南，注於河也。

與河合流，又東過成臯縣北，又東過滎陽縣北，又東至礫溪南。案原本及近刻並作又東至北礫磧南，北

涉水東過礫磧，無北字，可證辨。又詳注內。東出過滎澤北。案滎澤原本及近刻並訛作滎陽，今考此。即注內所謂滎澤在滎陽縣東南者也。

釋名曰：濟，濟也。源出河北，濟河而南也。晉地道志曰：濟自大伾入河，與河水鬪，南洑為滎澤。尚書曰：滎

波既滌，孔安國曰：滎澤波水，已成遏滌。案近刻脫澤字，遏字。闕駟曰：滎播，案近刻訛作滎波，播澤名也。故呂忱云：播水在滎

陽，謂是水也。昔大禹塞其淫水，而於滎陽下，引河東南，以通淮泗。濟水分河東南流。漢明帝之世，司空

伏恭薦樂浪人王景字仲通好學多藝善能治水顯宗詔與謁者王吳案原本及近刻並訛始作浚儀

渠吳用景法水乃不害此即景吳所脩故瀆也案吳近刻渠流東注浚儀故復謂之浚儀渠案此下近刻

明帝永平十五年東巡至無鹽帝嘉景功拜河堤謁者案此下近刻靈帝建寧四年於敖城西北壘石為

們以遏渠口謂之石門故世亦謂之石門水門廣十餘丈西去河三里石銘云建寧四年十一月黃場

石也而主吏姓名磨滅不可復識案朱謀埠云玉海引水經注浚儀縣竹書紀年梁惠成王三十一年

而儀之故曰浚儀續述征記曰汴河到浚儀而分汴東注河南流建寧四年于敖城西北壘石為門以

過渠口謂之石門故世亦謂之石門水門廣十餘丈西去河三里石銘云建寧四年十一月黃場石

魏太和中又更脩之撤故增新石字淪落無復在者水北有石門亭戴延之所云新築城城周三百步

案城周近刻滎陽太守所鎮者也水南帶三皇山案近刻即皇室山亦謂之為三室山也濟水又東逕

西廣武城北案此十字原本及近刻並訛作經考廣武二城敖山及郡國志滎陽縣有廣武城城在山

上漢所城也高祖與項羽臨絕澗對語責羽十罪羽射漢祖中胸處也山下有水北流入濟世謂之柳

泉也濟水又東逕東廣武城北案此十字原本及近刻並訛作經楚項羽城之漢破曹咎羽還廣武為高壇案近刻訛

碑云宋置太公其上曰漢不下吾烹之高祖不聽將害之項伯曰為天下者不顧家但益怨耳羽從之

今名其壇曰項羽堆夾城之間有絕澗斷山謂之廣武澗項羽叱婁煩於其上婁煩精魄喪歸矣濟水

又東逕敖山北案此八字原本及近刻並訛作經詩所謂薄狩於敖者也案今詩作其山上有城即殷帝仲丁之所遷

也。皇甫謐帝王世紀曰：仲丁自亳徙囂於河上者也。或曰敖矣。秦置倉於其中，故亦曰敖倉城也。濟水

又東合滎瀆。案此七字原本及近刻並訛作滎澤。瀆首受河水。案首近刻訛作水。有石門，謂之為滎口石門也。而地形

殊卑，蓋故滎播所導，自此始也。門南際河，有故碑，云惟陽嘉三年二月丁丑，使河堤謁者王誨疏達河

川，通荒庶土。案通近刻作述。往大河衝塞。案往近刻訛作云。侵齧金堤，以竹籠石，葺土而為塌。案近刻石下衍葦字。壞墮無已。功

消億萬，請以濱河郡徒疏山采石，壘以為障。功業既就，徭役用息，未詳詔書許誨立功府卿。案近刻訛作鄉。規

基經始，詔策加命。案策近刻訛作滎。遷在沈州，乃簡朱軒授使司馬登，令纘茂前緒，稱遂休功。登以伊洛合注

大河南，則緣山東，過大伾，回流北岸，其勢鬱懔，濤怒湍急，激疾一有決溢，彌原淹野，蟻孔之變，害起不

測。蓋自姬氏之所常蹙，昔崇繇所不能治，我二宗之所劬勞，於是乃跋涉躬親，經之營之，比率百姓，議

之於臣，伐石三谷，水匠致治，立激岸側，以捍鴻波，隨時慶賜，說以勸之，川無滯越，水土通演，役未踰年，

而功程有畢，斯乃元勳之嘉謀，上德之弘表也。昔禹脩九道，書錄其功，后稷躬稼，詩列於雅，夫不憚勞

謙之勤，夙興厥職，充國惠民，安得湮沒而不章焉。故遂刊石記功，垂示於後。其辭云云。使河堤謁者山

陽東緡司馬登。案緡近刻訛作昏。字伯志，代東萊曲成王誨。案曲成近刻訛作典城。字孟堅，河內太守宋城向豹。案近刻訛作守

城向字伯尹，丞汝南鄧方，字德山，懷令劉丞，字季意，河堤掾匠等造。陳留浚儀邊韶，字孝先，頌石銘。歲

遠，字多淪，缺其所滅，蓋闕如也。滎瀆又東南流，注於濟。案原本及近刻並訛作浦。今改正。今無水，次東得宿須水口，水

受大河渠。側有扈亭水。案亭近刻。詛作城。自亭東南流，注於濟。今無水。宿須在河之北，不在此也。蓋名同耳。自

西緣帶山隰。秦漢以來，亦有通否。濟水與河渾濤東注。晉太和中，桓温北伐，將通之，不果而還。義熙十

三年，劉公西征，又命寧朔將軍劉遵考，仍此渠而漕之。始有激湍東注，而終山崩壅塞。劉公於北十里，

更鑿故渠，通之。今則南瀆通津。案今近刻。詛作合。川澗是導耳。濟水於此，又兼郟目。春秋宣公十三年，晉楚之

戰，楚軍於郟，即是水也。音卞。案音近刻。詛作昔。京相璠曰：在敖北。濟水又東，逕滎陽縣北。案此九字，原本及近

濟水分河，東南流至此，則經所謂過滎陽縣北也。曹太祖與徐榮戰不利，曹洪授馬於此處也。濟水又東，礫石溪水注之。案此

原本及近刻，並訛作經。礫石溪上，又加南字。胡渭禹貢錐指云：上有北礫溪，故此為南礫溪。石字衍。考

下云：世謂之礫石澗，則石字非衍明矣。經言礫溪于滎陽縣下，此亦言于滎陽縣下，豈有兩滎陽縣乎。

後人不察，前屬經文，後屬注文。故妄加南北二字耳。水出滎陽城西南李澤。澤中有水，即古馮池也。地理志曰：滎陽縣馮池在西

南是也。東北流，歷敖山南。春秋晉楚之戰，設伏於敖前，謂是也。逕號亭北池。水又東北，逕滎陽縣北，斷

山，東北注於濟。世謂之礫石澗，即經所謂礫溪矣。經云：濟出其南，非也。案濟東流而礫溪東北注之，則

溪南故道。元辯之。濟水又東，索水注之。案此八字，原本及近刻，並訛作經。水出京縣西南嵩渚山，與東關水同源分流。案近刻

東關，即古旃然水也。案近刻，脫然字。其水東北流，器難之水注之。山海經曰：少陘之山，器難之水出焉，而北流

注於侵水，即此水也。其水北流，逕金亭。又北，逕京縣故城西，入於旃然之水。城故鄭邑也。莊公以居弟

段，號京城。大叔祭仲曰：京城過百雉，國之害也。城北有壇山岡。趙世家成侯二十年，魏獻滎陽，因以為

壇臺岡也。其水亂流。北逕小索亭。西京相璠曰。京有小索亭。世語以為本索氏兄弟居此。故號小索者

也。又為索水。索水又北逕大柵城東。晉滎陽民張卓董邁等。遭荒鳩聚。流雜保固。案近刻訛作流離堡固。名為大

柵塢。至太平真君八年。豫州刺史崔白。案豫近刻訛作穎。自虎牢移州治此。又東開廣舊城。創制改築焉。太和

十七年。遷都洛邑。省州置郡。索水又屈而西流。與梧桐澗水合。水出西南梧桐谷。東北流。注於索斯水

亦時有通塞。而不常流也。索水又北屈。東逕大索城南。春秋傳曰。鄭子皮勞叔向於索氏。案近刻訛作水。即此

城也。晉地道志所謂京有大索小索亭。漢書京索之間也。索水又東逕號亭南。應劭曰。滎陽故號公之

國也。今號亭是矣。司馬彪。案近刻訛作故馬淵。郡國志曰。縣有號亭。俗謂之平桃城。案桃近刻訛作桃。城內有大家。名管

叔冢。或亦謂之為號眺城。非也。蓋號號字相類。字轉失實也。風俗通曰。俗說高祖與項羽戰於京索。遁

於薄中。羽追求之。時鳩止鳴其上。追之者以為必無人。遂得脫。及即位。異此鳩。故作鳩杖以扶老。案廣

志。楚鳩一名嗶啁。號眺之名。蓋因鳩以起目焉。所未詳也。索水又東北流。須水右入焉。水近出京城東

北二里榆子溝。亦曰柰榆溝也。又或謂之為小索水。東北流。木蓼溝水注之。水上承京城南淵。世謂之

車輪淵。淵水東北流。謂之木蓼溝。又東北入於須水。須水又東北流於滎陽城西南。北注索。索水又東

逕滎陽縣故城南。漢王之困滎陽也。紀信曰。臣詐降楚王。宜開出。信乃乘王車出東門。稱漢降楚。楚軍

稱萬歲。震動天地。王與數十騎出西門。得免楚圍。羽見信大怒。遂烹之。信冢在城西北三里。故蔡伯喈

述征賦曰。過漢祖之所隘。弔紀信於滎陽。其城跨倚岡原。居山之陽。王莽立爲祈隊。案祈近刻備周六

隊之制。魏正始三年。歲在甲子。被癸丑詔書。割河南郡縣。自鞏闕以東。案鞏字近刻創建滎陽郡。并戶

二萬五千。以南鄉筑陽亭侯李勝。字公昭。案近刻爲郡守。故原武典農校尉。案故近刻政有遺惠。民爲

立祠於城北五里。號曰李君祠。廟前有石蹠。蹠上有石的。石的銘具存。其略曰。百族欣戴。咸推厥誠。今

猶祀禱焉。索水又東。逕周苛冢北。漢祖之出滎陽也。令御史大夫周苛守之。項羽拔滎陽。獲苛。曰。吾以

公爲上將軍。封三萬戶侯。能盡節乎。苛瞋目罵羽。羽怒烹之。索水又東流。北屈西轉。北逕滎陽城東。而

北流。注濟水。杜預曰。旃然水出滎陽成臯縣東。入汜。春秋襄公十八年。楚伐鄭。右師涉潁。次於旃然。卽

是水也。濟渠水斷汜溝。惟承此始。故云汜受旃然矣。案汜近刻亦謂之鴻溝水。蓋因漢楚分王。指水爲

斷故也。郡國志曰。滎陽有鴻溝水。是也。蓋因城地而變名爲川流之異目。濟水又東。逕滎澤北。案此卽

東出過滎澤北也。原本及近刻並作滎陽澤。陽字衍。故滎水所都也。京相璠曰。滎澤在滎陽縣東南。與濟隧合。濟隧上承河水於

卷縣北。河南逕卷縣故城東。又南。逕衡雍城西。春秋左傳。襄公十一年。諸侯伐鄭。西濟於濟隧。杜預闕

其地。而曰水名也。案近刻訛作京相璠曰。鄭地也。言濟水滎澤中北流。至衡雍西。與出河之濟會。南去

新鄭百里。斯蓋滎播河濟。往復徑通矣。案徑近出河之濟。卽陰溝之上源也。濟隧絕焉。故世亦或謂其

故道爲十字溝。自于岑造八激堤於河陰。水脈徑斷。故瀆難尋。又南會於滎澤。然水旣斷。民謂其處爲

滎澤春秋衛侯及翟人戰於滎澤而屠懿公弘演報命納肝處也有垂隴城濟瀆出其北春秋文公二

年晉士穀盟於垂隴者也京相璠曰垂隴鄭地今滎陽東二十里有故垂隴城案近刻脫垂字即此是也世謂

之都尉城蓋滎陽典農都尉治故變垂隴之名矣瀆際又有沙城案瀆近刻脫垂字城左佩濟瀆竹書紀年梁

惠成王九年王會鄭釐侯於巫沙者也瀆際有故城世謂之水城案近刻脫之字又此史記秦昭王三

十二年案近刻訛作四十二年魏冉攻魏走芒卯入北宅即故宅陽城也竹書紀年曰惠成王十三年案近刻脫成字王

及鄭釐侯盟於巫沙以釋宅陽之圍歸釐於鄭者也竹書紀年晉出公六年齊鄭伐衛荀瑤城宅陽俗

言水城非矣濟水自澤東出即是始矣王隱曰河決為滎濟水受焉故有濟堤矣謂此濟也案近刻訛作北濟

也濟水又東南逕釐城東春秋經書公會鄭伯於時來左傳所謂釐也京相璠曰今滎陽縣東四十里

有故釐城也濟水右合黃水案右近刻訛作又水發源京縣黃堆山案近刻訛作黃淮止東南流名祝龍泉泉勢沸湧狀

若巨鼎揚湯案近刻訛作湯湯西南流謂之龍項口世謂之京水也又屈而北注魚子溝水入焉水出石暗澗

東北流又北與漑漑水合水出西溪東流水上有連理樹其樹柞櫟也案近刻脫樹字南北對生凌空交合溪

水歷二樹之間東流注於魚水魚水又屈而西北注黃水黃水又北逕高陽亭東又北至故市縣重泉

水注之水出京城西南少陘山案少陘近刻訛作小陸東北流又北流逕高陽亭西東北流注於黃水又東北逕

故市縣故城南漢高帝六年案漢近刻訛作溪封閭澤赤為侯國河南郡之屬縣也案近刻脫河黃水又東北

至滎澤南分爲二水。一水北入滎澤下爲船塘。俗謂之邾城陂。東西四十里。南北二十里。竹書穆天子

傳曰：甲寅案近刻訛作甲辰天子浮於滎水。乃奏廣樂。是也。一水東北流。即黃雀溝矣。穆天子傳曰：壬寅天子

東至於雀梁者也。又東北與靖水枝津合。二水之會爲黃淵。案近刻訛作泉北流注於濟水。

又東過陽武縣南。案原本及近刻並訛作縣北。考南濟在陽武南。其在陽武北者。乃北濟。觀道元

濟水又東南流入陽武縣。歷長城。東南流。滎蕩渠出焉。濟水又東北流。南濟也。逕陽武縣故城南。案此

字原本及近刻並訛作經。今考上下文。乃注內敘南濟所逕。而此句則釋經所謂東過陽武縣南也。王莽更名之曰陽桓矣。又東爲白馬淵。淵東西二里。

南北百五十步。淵流名爲白馬溝。案近刻淵作泉。脫馬字。又東逕房城北。穆天子傳曰：天子里甫田之路。東至於

房。疑即斯城也。郭注以爲趙郡房子也。余謂穆王里鄭甫而郭以趙之房邑爲疆。更爲非矣。濟水又東

逕封丘縣南。案此九字原本及近刻並訛作經。今考此注內敘南濟所逕。又東逕大梁城北。又東逕倉垣城。又東逕小黃縣之故城。

北。縣有黃亭。說濟又謂之曰黃溝。案此句之上。當有脫文。未詳。縣故陽武之東黃鄉也。故水以名縣。案此句亦沛公

起兵野戰。喪皇妣於黃鄉。天下平定。乃使使者以梓宮招魂幽野。於是丹蛇自水濯洗。案蛇近刻入於

梓宮。其浴處有遺髮焉。故諡曰昭靈夫人。因作寢以寧神也。濟水又東逕東昏縣故城北。案此十一字

並訛作經。今考亦注內敘南濟所逕。陽武縣之戶牖鄉矣。漢丞相陳平家焉。平少爲社宰。以善均肉稱。今民祠其社。平有

功於高祖。封戶牖侯。是後置東昏縣也。王莽改曰東明矣。濟水又東逕濟陽縣故城南。案此十一字。原

作經今考亦注。故武父城也。城在濟水之陽。故以為名。王莽改之曰濟前者也。光武生濟陽宮。光明照室。即其處也。東觀漢記曰。光武以建平元年。生於濟陽縣。是歲有嘉禾。生一莖九穗。大於凡禾。縣界大熟。因名曰秀。

又東過封丘縣北。

北濟也。案此三字原本及近刻並訛作經。考濟自滎澤流出。有南濟北濟之分。南濟行陽武封丘濟陽。寬胸定陶之南。而不逕其北。北濟則行陽武封丘濟陽。寬胸定陶之北。而不逕其南。作水經者。

敘濟水東過陽武南封丘北平丘南濟陽北寬胸定陶南道元不顯言其非。因於過陽武南下。敘南濟逕陽武封丘濟陽南於過封丘北平丘南濟陽北下。皆以北濟釋之。子過寬胸定陶南下。又敘南濟所

逕其北濟之逕寬胸定陶北。則補敘於從乘氏縣東北流入鉅野澤下。經雖舛誤。注內分南濟北濟各有條理。自注多訛為經。於是愈益淆紊。不可讀。今詳為訂正。自滎澤東逕滎陽卷

縣之武脩亭南。春秋左傳成公十年。鄭子然盟於脩澤者也。鄭地矣。杜預曰。卷東有武脩亭。濟水又東

逕原武縣故城南。案此十一字原本及近刻並訛作經。考原武在陽武封丘之西。乃注內敘北濟所逕。不得與經淆紊。今改正。春秋之原圃也。穆天子傳曰。

祭父自圃鄭來謁天子。夏庚午。天子飲於滄上。乃遣祭父如圃。鄭是也。王莽之原桓矣。濟瀆又東逕陽

武縣故城北。又東絕長城。案此下近刻有按竹書紀年。梁惠成王十二年。龍賈率師築長城於西邊。自

亥谷以南。鄭所城矣。竹書紀年云。是梁惠成王十五年築也。案近刻脫成字。郡國志曰。長城自卷逕陽武到密

者是矣。濟瀆又東逕酸棗縣之烏巢澤。澤北。案近刻脫一澤字。又此十四字原本及近刻並訛作

市亭。案近刻脫市字。晉太康地記曰。澤在酸棗之東南。昔曹太祖納許攸之策。破袁紹運處也。濟瀆又東逕封

丘縣北。案近刻脫北字。南燕縣之延鄉也。其在春秋爲長丘焉。應劭曰：左傳宋敗狄於長丘，獲長狄，緣斯是也。漢高帝封翟盱爲侯國。案近刻脫此三字。濮水出焉。濟瀆又東逕大梁城之赤亭北而東注。

又東過平丘縣南。

北濟也。案此三字原本及近刻並訛作經。縣故衛地也。春秋魯昭公十三年，諸侯盟於平丘是也。縣有臨濟亭。田儋死

處也。又有曲濟亭，皆臨側濟水者。案此句六字原本及近刻並截下三字，訛作經上三字，仍屬注文。

又東過濟陽縣北。

北濟也。案原本及近刻並脫北字，下二字訛作經，今補正。自武父城北。案此下原本及近刻並有圈稱曰三字，因下文即引圈稱陳留風俗傳，故訛而致衍。闕駟曰：在縣

西北鄭邑也。東逕濟陽縣故城北。圈稱陳留風俗傳曰：縣故宋地也。竹書紀年：梁惠成王三十年，城濟

陽。漢景帝中六年，案中下近刻衍元字。封梁孝王子明爲濟川王。應劭曰：濟川，今陳留濟陽縣。案近刻脫留字。是也。

又東過冤胸縣南，又東過定陶縣南。

南濟也。案此三字原本及近刻並訛作經。濟瀆自濟陽縣故城南，東逕戎城北。春秋隱公二年，公會戎于潛。杜預曰：陳

留濟陽縣東南有戎城是也。濟水又東北，菏水東出焉。案此十字原本及近刻並訛作經，今考濟別出爲荷，值冤胸之西，乃注內追敘南濟所逕。濟

水又東北逕冤胸縣故城南。呂后元年，封楚元王子劉執爲侯國。王莽之濟平亭也。濟水又東逕秦相

魏冉冢南。案此十一字原本及近刻並訛作經，今考魏冉冢恭冉秦宣太后弟也，代客卿壽燭爲相，封

於穰。益封於陶。號曰穰侯。富於王室。范雎說秦。秦王悟其擅權。免相就封。出關輜車千乘。卒於陶。而因葬焉。世謂之安平陵。墓南崩。碑尚存。濟水又東北。逕定陶。恭王陵南。案此十二字原本及近刻並訛作經漢哀帝父也。帝即位。母丁太后建平二年崩。上曰。宜起陵於恭皇之園。送葬定陶。貴震山東。王莽秉政。貶號丁姬。開其槨。尸火出。炎四五丈。吏卒以水沃滅。乃得入。燒燔槨中器物。公卿遣子弟及諸生四夷十餘萬人。操持作具。助將作掘平。共王母傅太后墳。及丁姬冢。二旬皆平。莽又周棘其處。以為世戒云。時有羣燕數千。銜土投於丁姬冢中。今其墳冢巍然尚秀。隅阿相承。列郭數周。面開重門。南門內夾道。有崩碑二所。世尚謂之丁昭儀墓。又謂之長隧陵。蓋所毀者。傅太后陵耳。丁姬墳墓。事與書違。不甚過毀。未必一如史說也。墳南。案墳近刻訛作瀆魏郡治也。世謂之左城。亦名之曰葬城。蓋恭王之陵寢也。濟水又東北。逕定陶縣。故城南。案此十二字原本及近刻並訛作經側城東注。案此下近刻衍也字。縣。故三鬲國也。湯追桀。伐三鬲。即此。周武王封弟叔振鐸之邑。故曹國也。漢宣帝甘露二年。更濟陰為定陶國。王莽之濟平也。戰國之世。范蠡既雪會稽之恥。乃變姓名。寓於陶。為朱公。以陶天下之中。諸侯四通。貨物之所交易也。治產致千金。富好行德。子孫修業。遂致巨萬。故言富者。皆曰陶朱公也。

又屈從縣東北流。

南濟也。案此三字原本及近刻並訛作經又東北。右合荷水。案荷原本及近刻並訛作河下同。水上承濟水於濟陽縣東。世謂之五丈

溝。又東逕陶丘北。地理志曰：禹貢陶丘，在定陶西南。案近刻訛作禹貢，定陶西南有陶丘。陶丘亭在南，墨子以為釜丘也。竹書紀年：魏襄王十九年，薛侯來會王于釜丘者也。尚書所謂導菏水自陶丘北，謂此也。菏水東北出於定陶縣北，屈左合汜水。汜水西分濟瀆，東北逕濟陰郡南。爾雅曰：濟別為澗。呂忱曰：水決復入為汜。案爾雅乃汜字音似，與此處汜水下云取其汜愛者異，道元誤引。廣異名也。汜水又東合於菏瀆。昔漢祖既定天下，即帝位於定陶。汜水之陽，張晏曰：汜水在濟陰界，取其汜愛弘大而潤下也。汜水之名。案近刻脫之字。於是乎在矣。菏水又東北，案荷原本訛作汜，近刻訛作汜。逕定陶縣南，又東北，右合黃水枝渠。渠上承黃溝，東北合菏，而北注濟瀆也。

卷八

濟水

案二字原本訛在經文又東上，近刻又增濟水二三字表目。

又東至乘氏縣西，分為二。

春秋左傳：僖公三十一年，案原本訛作二十八年，近刻訛作三十四年，今據左傳改正。分曹地。東傳於濟。濟水自是東北流。案近刻訛作北

東流出鉅澤。

其一水東南流，其一水從縣東北流，入鉅野澤。案此十八字原本及近刻並訛入注內，接出鉅澤下，今考經文屬此。

南為荷水。北為濟瀆。案此八字原本及近刻並訛作經。逕乘氏縣。與濟渠濮渠合。北濟自濟陽縣北。東北逕煮棗城南。

郡國志曰。冤胸縣有煮棗城。即此也。漢高祖十二年。封革朱為侯國。北濟又東北逕冤胸縣故城北。案

十二字原本及近刻並訛作經。今考前卷注內敘。又東北逕呂都縣故城南。王莽更名之曰祁都也。又

東北逕定陶縣故城北。漢景帝中六年。案此三字近刻作中元。以濟水出其北。東注分梁。於定陶置濟

陰國。指北濟而定名也。案近刻國訛作郡。北訛作為。又東北與濮水合。案此七字原本及近刻並訛作經。水上承濟水於封丘縣。即

地理志所謂濮渠水。首受濟者也。闕駟曰。首受別濟。即北濟也。其故瀆自濟東北流。左迪為高粱陂。方

三里。濮水又東逕匡城北。孔子去衛適陳。遇難於匡者也。又東北左會別濮水。受河於酸棗縣。故杜預

云。濮水出酸棗縣。首受河。竹書紀年曰。魏襄王十年十月。大霖雨。疾風。河水溢。酸棗郛。漢世塞之。故班

固云。文堙棗野。案近刻訛作大理酸棗也。今無水。其故瀆東北逕南北二棗城間。左傳襄公五年。楚子囊伐陳。公會

于城棗。以救之者也。濮渠又東北逕酸棗縣故城南。韓國矣。圈稱曰。昔天子建國名都。或以令名。案令

訛作合。或以山林。故豫章以樹氏郡。案近刻訛作都。酸棗以棘名邦。故曰酸棗也。漢官儀曰。舊河堤。謁者居之。城

西有韓王望氣臺。孫子荆故臺。賦敘曰。酸棗寺門外。夾道左右。有兩故臺。訪之。故老云。案故近刻訛作國。韓王

聽訟觀臺。高十五仞。雖樓榭泯滅。然廣基似於山嶽。召公大賢。猶舍甘棠。區區小國。而臺觀隆崇。驕盈

於世。以鑒來今。故作賦曰。蔑丘陵之邈迤。亞五嶽之嵯峨。言壯觀也。城北韓之市地也。聶政為濮陽嚴

仲子刺韓相俠累。遂皮面而死。案皮近刻其姊哭之於此城內。有後漢酸棗令劉孟陽碑。濮水北積成

陂。案積近刻陂方五里。號曰同池陂。又東逕胙亭。東注。故胙國也。富辰所謂邢茅胙祭。周公之胤也。濮

渠又東北逕燕城南。案近刻故南燕姑姓之國也。有北燕。故以南氏縣東為陽清湖。陂南北五里。東西

三十里。亦曰燕城湖。逕桃城南。即戰國策所謂酸棗虛桃者也。案虛桃近刻漢高帝十二年。封劉襄

為侯國。而東注於濮。俗謂之朝平溝。濮渠又東北。又與酸水故瀆會。酸瀆首受河於酸棗縣。東逕酸棗

城北。延津南。謂之酸水。竹書紀年曰。秦蘇胡率師伐鄭。韓襄敗秦蘇胡於酸水者也。酸瀆水又東北逕

燕城北。又東逕滑臺城南。又東南逕瓦亭南。春秋定公八年。公會晉師于瓦。魯尚執羔。自是會始也。又

東南會於濮。世謂之百尺溝。濮渠之側。有漆城。竹書紀年。梁惠成王十六年。邯鄲伐衛。取漆。富丘城之

者也。或亦謂之宛濮亭。案宛近刻作苑。下。春秋甯武子與衛人盟于宛濮。杜預曰。長垣西南。案西近刻

近濮水也。京相璠曰。衛地也。似非關究。案近刻而不知其所。竹書紀年。梁惠成王五年。公子景賈率師

伐鄭。韓明戰於陽。我師敗。逋澤北。有壇陵亭。案近刻亦或謂之大陵城。非所究也。又有桂城。竹書紀年。

梁惠成王十七年。齊田期伐我東鄙。戰於桂陽。我師敗。逋亦曰桂陵。案史記齊威王使田忌擊魏。敗之。

桂陵。齊於是彊。自稱為王。以令天下。濮渠又東逕蒲城北。故衛之蒲邑。孔子將之衛。子路出於蒲者也。

韓子曰。魯以仲夏起長溝。子路為蒲宰。以私粟饋衆。孔子使子貢毀其器焉。余案家語言仲由為郟宰。

案近刻訛修溝瀆與之簞食瓢飲夫子令賜止之無魯字又入其境三稱其善身為大夫終死衛難作蒲宰濮

渠又東逕韋城南即白馬縣之韋鄉也史遷記曰夏伯豕韋之故國矣城西出而不方城中有六大井

皆隧道下俗謂之江井也有馳道自城屬於長垣濮渠東絕馳道東逕長垣縣故城北衛地也故首垣

矣秦更從今名王莽改為長固縣陳留風俗傳曰縣有防垣故縣氏之孝安帝以建光元年封元舅宋

俊為侯國縣有祭城濮渠逕其北鄭大夫祭仲之邑也杜預曰陳留長垣縣東北有祭城者也圈稱又

言長垣縣有羅亭故長羅縣也漢封後將軍常惠為侯國地理志曰王莽更長羅為惠澤後漢省并長

垣有長羅澤即吳季英牧豬處也又有長羅岡蘧伯玉岡陳留風俗傳曰長垣縣有蘧伯鄉一名新鄉

有蘧亭伯玉祠伯玉冢曹大家東征賦曰到長垣之境界兮察農野之居民觀蒲城之丘墟兮生荆棘

之蓁蓁蘧氏在城之東南兮民亦嚮其丘墳案嚮近刻訛作響惟令德之不朽兮身既沒而名存昔吳季札聘

上國至衛觀典府賓亭父疇以衛多君子也濮渠又東分為二瀆北濮出焉濮渠又東逕須城北衛詩

云思須與曹也毛云須衛邑矣鄭云自衛而東逕邑故思濮渠又北逕襄丘亭南竹書紀年曰襄王七

年韓明率師伐襄丘案近刻訛楚庶章率師來會我次于襄丘者也濮水又東逕濮陽縣故城南

昔師延為紂作靡靡之樂武王伐紂師延東走自投濮水而死矣後衛靈公將之晉而設舍於濮水之

上夜聞新聲召師涓受之於是水也濮水又東逕濟陰離狐縣故城南王莽之所謂瑞狐也郡國志曰

故屬東郡。濮水又東逕葭密縣故城北。竹書紀年元公三年。案近刻訛作幽王十三年。魯季孫會晉幽公於楚丘。

公近刻訛作文公。取葭密。案取近刻訛作即。遂城之。濮水又東北逕鹿城南。郡國志曰：濟陰乘氏縣有鹿城鄉。案城近刻訛作

乘。春秋僖公二十一年盟於鹿上。京杜並謂此亭也。濮水又東與句瀆合。案近刻脫此二字。瀆首受濮水枝渠

於句陽縣東南。逕句陽縣故城南。春秋之穀丘也。左傳以為句瀆之丘矣。縣處其陽。故縣氏焉。又東入

乘氏縣。左會濮水。與濟同入鉅野。故地理志曰：濮水自濮陽南入鉅野。亦經所謂濟水自乘氏縣兩分

東北入於鉅野也。濟水故瀆。又北右合洪水。案此十字原本及近刻並訛作經。水上承鉅野薛訓渚。歷澤西北。案此下近刻衍

字。又北逕闕鄉城西。春秋桓公十有一年經書公會宋公于闕。郡國志曰：東平陸有闕亭。皇覽曰：蚩尤

冢在東郡壽張縣闕鄉城中。冢高七尺。常十月祠之。有赤氣出如絳。民名為蚩尤旗。十三州志曰：壽張

有蚩尤祠。又北與濟瀆合。案近刻脫與字。自渚迄於北口百二十里。名曰洪水。桓温以太和四年率衆北入。掘

渠通濟。至義熙十三年劉武帝西入長安。又廣其功。自洪口已上。又謂之桓公瀆。濟自是北注也。春秋

莊公十八年經書夏公追戎於濟西。京相璠曰：濟水自鉅野至濟北是也。

又東北過壽張縣西界。安民亭南。汶水從東北來注之。

濟水又北。汶水注之。戴延之所謂清口也。郭緣生述征記曰：清河首受洪水。北注濟。案注近刻訛作流。或謂清

即濟也。禹貢濟東北會于汶。今枯。渠注鉅澤。鉅澤北則清口。案近刻訛作水。清水與汶會也。李欽曰：汶水出太

山萊蕪縣西南入濟是也。濟水又北逕梁山東。袁宏北征賦曰：背梁山，截汶波，即此處也。劉澄之引是

山以證梁父為不近情矣。山之西南有呂仲悌墓。河東岸有石橋，橋本當河，河移故厠岸也。案厠近古

老言此橋東海呂母起兵所造也。山北三里有呂母宅，宅東三里即濟水。濟水又北逕須胸城西。案此

原本及近刻城臨側濟水，故須胸國也。案近刻作故春秋僖公二十一年，子魚曰：任宿須胸，顓臾風姓

也。實司太皞，與有濟之祀。案此非子魚語，道元偶誤引耳。朱謀埠云：左傳楚執宋公，以伐宋，冬會于薄

等語，別自更端為杜預曰：須胸在須昌縣西北，非也。地理志曰：壽張西北有胸城者是也。濟水西有安

民亭，亭北對安民山。東臨濟水，水東即無鹽縣界也。山西有冀州刺史王紛碑。漢中平四年立。濟水又

北逕微鄉東。案此八字原本及春秋莊公二十八年，經書冬築郿。京相璠曰：公羊傳謂之微。案此下近

東平壽張縣西北三十里有故微鄉，魯邑也。杜預曰：有微子冢。濟水又北分為二水，其枝津西北出。案

下近刻謂之馬頰水者也。有焉字

又北過須昌縣西

京相璠曰：須胸一國二城，兩名。蓋遷都須昌，胸是其本。秦以為縣。漢高帝十一年，封趙衍為侯國。濟水

於縣。趙溝水注之。濟水又北逕魚山東，左合馬頰水。案此十三字原本水首受濟，西北流，歷安民山北

又西流。趙溝出焉。東北注於濟。馬頰水又逕桃城東。春秋桓公十年，經書公會衛侯于桃丘，衛地也。杜

預曰濟北東阿縣東南有桃城案近刻脫城字卽桃丘矣馬頰水又東北流逕魚山南案近刻脫魚字山卽吾山也漢

武帝瓠子歌所謂吾山平者也山上有柳舒城案柳近刻訛作抑魏東阿王曹子建每登之有終焉之志及其

終也葬山西西去東阿城四十里案城近刻訛作水其水又東注於濟案近刻濟上衍清字謂之馬頰口也濟水自魚山

北逕清亭東案此十字原本及近刻並訛作經春秋隱公四年公及宋公遇于清案此下近刻衍者也二字京相璠曰今濟北東阿

東北四十里有故清亭卽春秋所謂清者是下濟水通得清水之目焉案近刻脫下字亦水色清深用兼厥

稱矣是故燕王曰吾聞齊有清濟濁河以爲固案濁近刻訛作濟卽此水也

又北過穀城縣西

濟水側岸有尹卯壘南去魚山四十餘里是穀城縣界故春秋之小穀城也齊桓公以魯莊公二十三

年城之邑管仲焉城內有夷吾井魏土地記曰縣有穀城山山出文石陽穀之地春秋齊侯宋公會于

陽穀者也縣有黃山臺案縣近刻訛作穀黃石公與張子房期處也又有狼水出東南大檻山狼溪案此下近刻有西狼

溪三字衍西北逕穀城西又北有西流泉出城東近山西北逕穀城北西注狼水以其流西故卽名焉又西

北入濟水案近刻訛作清水城西北三里有項王羽之冢半許毀壞石碣尙存題云項王之墓皇覽云冢去縣

十五里謬也今彭城穀陽城西南又有項羽冢非也余按史遷記魯爲楚守漢王示羽首魯乃降遂以

魯公禮葬羽於穀城寧得言彼也濟水又北逕周首亭西案此九字原本及近刻並訛作經春秋文公十有一年案一

訛作左丘明云襄公二年王子成父獲長狄僑如弟榮如埋其首於周首之北門即是邑也今世謂之盧子城濟北郡治也京相璠曰今濟北所治盧子城故齊周首邑也

又北過臨邑縣東

地理志曰縣有濟水祠王莽之穀城亭也水有石門以石爲之故濟水之門也春秋隱公五年齊鄭會於石門鄭車僨濟卽於此也京相璠曰石門齊地今濟北盧縣故城西南六十里有故石門去水三百步蓋水瀆流移故側岸也濟水又北逕平陰城西案此九字原本及近刻並訛作經春秋襄公十八年晉侯沈玉濟河

會于魯濟尋溴梁之盟同伐齊齊侯禦諸平陰者也杜預曰城在盧縣故城東北非也京相璠曰平陰齊地也在濟北盧縣故城西南十里平陰城南有長城東至海西至濟河道所由名防門去平陰三里齊侯塹防門卽此也其水引濟故瀆尙存今防門北有光里齊人言廣音與光同卽春秋所謂守之廣

里者也又云巫山在平陰東北昔齊侯登望晉軍畏衆而歸師曠邢伯聞烏烏之聲知齊師潛遁人物咸淪地理昭著賢於杜氏東北之證矣今巫山之上案此十字原本及近刻並訛作經有石室世謂之孝子堂濟水右迤遏爲湄湖案遏近刻

訛作方四十餘里濟水又東北逕垣苗城西案此十字原本及近刻並訛作經故洛當城也伏韜北征記曰濟水又與

清河合流至洛當者也宋武帝西征長安令垣苗鎮此案垣苗近刻故俗又有垣苗城之稱案近刻訛

有桓苗之稱河水自四瀆口東北流而爲濟案四原本及近刻並訛作泗今改正四魏土地記曰盟津河別

流十里。與清水合。亂流而東。逕洛當城北。黑白異流。涇渭殊別。而東南流注也。

又東北過盧縣北。

濟水東北與湄溝合。水上承湄湖。北流注濟。爾雅曰。水草交曰湄。通谷者微。犍為舍人曰。水中有草木

交合也。郭景純曰。微水邊通谷也。釋名曰。湄眉也。臨水如眉。臨目也。濟水又逕盧縣故城北。案此九字。原本及近

刻並訛濟北郡治也。漢和帝永元二年。分泰山置。蓋以濟水在北故也。濟水又逕什城北。城際水湄。故

邸閣也。祝阿人孫什。將家居之。以避時難。因謂之什城焉。濟水又東北與中川水合。案此十字。原本及近刻並訛作經。

水東南出山。在縣之分水嶺。溪一源兩分。泉流半解。亦謂之分流。交半水。南出太山。入汶。半水出山。在

縣西北流。逕東太原郡南。案東字。近刻訛在逕字上。郡治山爐固。案山爐地名。改。北與賓溪水合。案近

作與漢寶水出南格馬山賓溪谷。案近刻賓上衍。漢字。又脫谷字。北逕盧縣故城北。陳敦成南西北流。與中川水合。謂

之格馬口。其水又北逕盧縣故城東。而北流入濟。俗謂之為沙溝水。濟水又東北。右會玉水。案此九字。原本及近

刻並訛水導源太山朗公谷。案近刻重。舊名琨瑞溪。有沙門竺僧朗。少事佛圖澄。碩學淵通。尤明氣緯。

隱於此谷。因謂之朗公谷。故車頻秦書云。苻堅時。沙門竺僧朗。嘗從隱士張巨和遊。巨和常穴居。而朗

居琨瑞山。大起殿舍。連樓累閣。案累近刻。雖素飾不同。並以靜外致稱。即此谷也。水亦謂之琨瑞水也。

其水西北流。逕玉符山。又曰玉水。又西北逕獵山東。又西北枕祝阿縣故城東。野井亭西。春秋昭公二

十五年。經書齊侯唁公于野井是也。春秋襄公十九年。諸侯盟于祝柯。案近刻左傳所謂督陽者也。漢

興改之曰阿矣。漢高帝十一年。封高邑為侯國。王莽之安成者也。故俗謂是水為祝阿澗水。北流注於

濟。建武五年。耿弇東擊張步。從朝陽橋濟渡兵。即是處也。濟水又東北。灤水入焉。案此九字原本及近

出。水出歷城縣故城西南。案歷城近泉源上奮水涌若輪。春秋桓公十八年。公會齊侯于灤。是也。俗謂

之為娥姜水。以泉源有舜妃娥英廟故也。城南對山。山上有舜祠。山下有大穴。謂之舜井。抑亦茅山禹

井之比矣。書舜耕歷山。亦云在此。所未詳也。其水北為大明湖。西即大明寺。寺東北兩面側湖。此水便

成淨池也。池上有客亭。左右楸桐。負日俯仰。目對魚鳥。案此下近水木明瑟。可謂濠梁之性。物我無違

矣。湖水引瀆。東入西郭。東至歷城西。而側城北。注陂。水上承東城。歷祀下泉。案陂近泉源競發。案近刻

其水北流。逕歷城東。又北引水為流。杯池州僚。賓燕公私。多萃其上。分為二水。右水北出。左水西逕歷

城北。西北為陂。謂之歷水。與灤水會。又北歷水枝津。案此六字近刻訛首受歷水于歷城東。東北逕東

城西。而北出郭。又北注灤水。又北聽水出焉。灤水又北流。注于濟。謂之灤口也。濟水又東北。案此句之

云脫一逕字。據華不注山乃華水之源。非濟水所華不注山。案此四字原本及單椒秀澤。不連丘陵。以

自高。虎牙桀立。孤峯特拔。以刺天。青崖翠發。望同點黛。山下有華泉。故京相璠春秋土地名曰。案曰字

在春字上。名華泉。華不注山下泉水也。春秋左傳成公二年。齊頃公與晉郤克戰于鞏。齊師敗績。逐之。

三周華不注。逢丑父與公易位。將及華泉。驂絙于木而止。丑父使公下如華泉取飲。齊侯以免。韓厥獻丑父。郤子將戮之。呼曰。自今無有代其君任患者。有一于此。將爲戮矣。郤子曰。人不難以死免其君。我戮之不祥。赦之以勸事君者。乃免之。卽華水也。北絕聽瀆二十里。注于濟。

又東北過臺縣北。

巨合水南出雞山西北。北逕巨合故城西。耿弇之討張步也。守巨里。卽此城也。三面有城。西有深坑。坑

西卽弇所營也。與費邑戰。斬邑於此。巨合水又北合關盧水。案此下近刻水導源馬耳山。北逕博亭城

西。西北流。至平陵城。案陵近刻與武原水合。水出譚城南平澤中。世謂之武原淵。案近刻北逕譚城東。

俗謂之布城也。案布近刻又北逕東平陵縣故城西。故陵城也。後乃加平譚國也。齊桓之出過譚。譚不

禮焉。魯莊公九年卽位。又不朝。十年滅之。城東門外有樂安任照先碑。濟南郡治也。案近刻漢文帝十

六年。置爲王國。景帝二年爲郡。王莽更名樂安。案此下近刻其水又北逕巨合城東。漢武帝以封城陽頃

王子劉發爲侯國。案發下近刻其水合關盧水西出。注巨合水。案西近刻巨合水西北逕臺縣故城南。漢

高帝六年。封東郡尉戴野爲侯國。王莽之臺治也。其水西北流。白野泉水注之。水出臺城西南。白野泉

北。逕留山。西北流。而右注巨合水。巨合水又北。聽水注之。水上承灤水。東流北屈。又東北流。注於巨合

水。亂流又北。入於濟。濟水又東北。合芹溝水。案此九字原本及水出臺縣故城東南。西北流。逕臺城東。

又西北入於濟水。

又東北過營縣南。

濟水東逕縣故城南。漢文帝四年。案近刻。訛作景帝二年。封齊悼惠王子罷軍為侯國。右納百脈水。案此下。近刻衍百脈二字。

水出土鼓縣故城西。案鼓原本及近刻。並訛作穀。今據漢書改正。水源方百步。百泉俱出。故謂之百脈水。其水西北流逕陽

丘縣故城中。案陽近刻。訛作楊。下同。漢孝文帝四年。案文帝近刻。訛作景帝。以封齊悼惠王子劉安為陽丘侯。世謂之章丘

城。非也。城南有女郎山。山上有神祠。俗謂之女郎祠。左右民祀焉。其水西北出城北。逕黃巾固。蓋賊所

屯。故固得名焉。百脈水又東北流。注於濟。濟水又東。案近刻。訛作東。又。有楊渚溝水。出逢陵故城西南二十里。

案出逢陵。近刻訛作逕。於陵。又脫二十里三字。西北逕土鼓城東。又西北逕章丘城東。又北逕甯戚城西。案近刻。脫戚城二字。而北流注

於濟水也。

又東過梁鄒縣北。

隴水南出長城中。北流至般陽縣故城西。南與般水會。水出縣東南龍山。俗亦謂之為左阜水。西北逕

其城南。王莽之濟南亭也。應劭曰。縣在般水之陽。故資名焉。案故近刻。訛作縣。其水又南屈西入隴水。隴水北

逕其縣。西北流至萌水口。案此下。近刻衍萌字。水出西南甲山。東北逕萌山。西東北入於隴水。隴水又西北至梁

鄒東南。與魚子溝水合。水南出長白山。東柳泉口。案柳近刻。訛作柳。山即陳仲子夫妻之所隱也。孟子曰。仲子

齊國之世家兄戴祿萬鍾仲子非而不食避兄離母家于於陵卽此處也其水又逕於陵縣故城西王莽之於陸也世祖建武十五年更封則鄉侯侯霸之子昱爲侯國案近刻脫之子昱三字其水北流注於隴水隴水卽古袁水也故京相璠曰濟南梁鄒縣有袁水者也隴水又西北逕梁鄒縣故城南又北屈逕其城西漢高祖六年封武虎爲侯國其水北注濟城之東北又有時水西北注焉又東北過臨濟縣南

縣故狄邑也王莽更名利居漢記安帝永初二年改從今名以臨濟故地理風俗記云案此下近刻衍有字樂安

太守治晏謨齊記曰有南北二城隔濟水南城卽被陽縣之故城也北枕濟水地理志曰侯國也如淳

曰一作疲音罷軍之罷也史記建元以來王子侯者年表曰漢武帝元朔四年封齊孝王子敬侯劉燕

之國也今渤海僑郡治濟水又東北迤爲淵渚謂之平州案此十三字原本及近刻並訛作經潔沃縣側有平安故城案

字近刻訛在安字下俗謂之會城非也案地理志千乘郡有平安縣侯國也王莽曰鴻陸也應劭曰博昌縣西南

三十里有平安亭故縣也世尙存平州之名矣濟水又東北逕高昌縣故城西案地理志千乘郡有高

昌縣漢宣帝地節四年封董忠爲侯國世謂之馬昌城非也案非近刻訛作此濟水又東北逕樂安縣故城南

案此十二字原本及近刻並訛作經伏琛齊記曰博昌城西北五十里有南北二城相去三十里隔時濟二水指此爲博

昌北城非也樂安與博昌薄姑分水俱同西北薄姑去齊城六十里樂安越水差遠驗非尤明班固曰

千乘郡有樂安縣。應劭曰：取休令之名矣。漢武帝元朔五年，封李蔡為侯國，城西三里，有任光等冢。光是宛縣人。案近刻脫宛字。不得為博昌明矣。濟水又經薄姑城北。後漢郡國志曰：博昌縣有薄姑城。地理書曰：呂尚封于齊郡薄姑。薄姑故城在臨淄縣西北五十里。近濟水。史遷曰：獻公徙薄姑。案獻公近刻訛作胡公。城內有高臺。春秋昭公二十年，齊景公飲于臺上，曰：古而不死，何樂如之。晏平仲對曰：昔爽鳩氏始居之，季荊因之，有逢伯陵又因之，薄姑氏又因之，而後太公因之。臣以為古若不死，爽鳩氏之樂，非君之樂。卽于是臺也。濟水又東北逕狼牙固西而東北流也。

又東北過利縣西。

地理志：齊郡有利縣。王莽之利治也。晏謨曰：縣在齊城北五十里也。案齊近刻訛作濟。又脫也字。

又東北過甲下邑入于河。

濟水東北至甲下邑南，東歷琅槐縣故城北。地理風俗記曰：博昌東北八十里，有琅槐鄉，故縣也。山海

經曰：濟水絕鉅野，注渤海，入齊。琅槐東北者也。案齊原本及近刻並訛作濟。今改正。又東北河水枝津注之。水經以為入

河非也。斯乃河水注濟，非濟入河。又東北入海。案此五字原本及近刻並訛作經。今考經言濟水入河，其文已終。觀此下仍辯經濟水入河之非，可證五字屬

注文。甚明。郭景純曰：濟自滎陽至樂安博昌入海。今河竭，濟水仍流不絕。經言入河二說並失。然河水於濟

深之北，別流注海。今所輟流者，惟潔水耳。郭或以為濟注之，卽實非也。案卽近刻訛作專。尋經脈水，不如山經

之爲密矣。

其一水東南流者。過乘氏縣南。案近刻脫南字。

荷水分濟於定陶東北。案荷近刻訛作河下同。東南右合黃溝枝流。俗謂之界溝也。北逕已氏縣故城西。案已近刻訛作

元。又北逕景山東。衛詩所謂景山與京者也。毛公曰。景山大山也。又北逕楚丘城西。郡國志曰。成武縣

有楚丘亭。杜預云。楚丘在成武縣西南。衛懿公爲狄所滅。衛文公東徙渡河。野處曹邑。齊桓公城楚丘

以遷之。故春秋稱邢遷如歸。衛國忘亡。卽詩所謂升彼虛矣。以望楚矣。望楚與堂。景山與京。故鄭玄言

觀其旁邑及山川也。又東北逕成武城西。又東北逕郟城東。疑郟徙也。所未詳矣。又東北逕梁丘城西。

案丘近刻訛作山。地理志曰。昌邑縣有梁丘鄉。春秋莊公三十二年。宋人齊人會于梁丘者也。杜預曰。高平昌

邑縣西南。有梁丘鄉。又東北於乘氏縣西而北注荷水。荷水又東南逕乘氏縣故城南縣。卽春秋之乘

丘也。故地理風俗記曰。濟陰乘氏縣。故宋乘丘邑也。漢孝景中五年。案中下近刻衍元字。封梁孝王子買爲侯國

也。地理志曰。乘氏縣。泗水東南至睢陵入淮。郡國志曰。乘氏有泗水。此乃荷澤也。案荷澤近刻訛作河濟下同。尙書

有導荷澤之說。自陶丘北。東至於荷。無泗水之文。又曰。導荷澤。被孟豬。孟豬在睢陽縣之東北。闕駟十

三州記曰。不言入而言被者。明不常入也。水盛方乃覆被矣。澤水淼漫。俱鍾淮泗。案淮近刻訛作睢。故志有睢

陵入淮之言。以通苞泗名矣。然諸水注泗者。多不止此。可以終歸泗水。便得擅通稱也。或更有泗水亦

可是水之兼其目所未詳也。

又東過昌邑縣北。

河水又東逕昌邑縣故城北。地理志曰：縣故梁也。漢景帝中六年，案中下近刻衍元字分梁為山陽國。案此下近刻衍漢字

武帝天漢四年更為昌邑國，以封昌邑王。酈案近刻訛作賀賀廢國，除以為山陽郡。王莽之鉅野郡也。後更為

高平郡。後漢沈州治。案近刻脫治字縣令王密懷金謁東萊太守楊震，震不受，是其慎。四知處也。大城東北有

金城，城內有沈州刺史河東薛季像碑。案季近刻訛作棠以郎中拜刻令，甘露降園，熹平四年遷州。明年甘露

復降，殿前樹從事馮巡主簿華操等相與褻樹表勒棠政。次西有沈州刺史茂陵楊叔恭碑。案陵近刻訛作陽

從事孫光等以建寧四年立。西北有東太山成人班孟堅碑。建和十年尚書右丞拜沈州刺史從事秦

閏等。案閏近刻訛作閏刊石頌德政碑咸列焉。

又東過金鄉縣南。

郡國志曰：山陽有金鄉縣，河水逕其故城南。世謂之故縣城北，有金鄉山也。

又東過東緡縣北。

河水又東逕漢平狄將軍扶溝侯淮陽朱鮪冢。案此十八字原本及近刻並訛作經墓北有石廟。河水又東逕東緡

縣故城北。故宋地。春秋僖公二十三年齊侯伐宋，圍緡。十三州記曰：山陽有東緡縣。鄒衍曰：余登緡城

以望宋都者也。後漢世祖建武十一年，封馮異長子璋爲侯國。

又東過方與縣北，爲菏水。

菏水東逕重鄉城南。案此八字原本及近刻。左傳所謂臧文仲宿于重館者也。菏水又東逕武棠亭北。

公羊以爲濟上邑也。城有臺，高二丈許。案臺字近刻。其下臨水，昔魯侯觀魚于棠，謂此也。在方與縣故

城北十里，經所謂菏水也。菏水又東逕泥母亭北。春秋左傳僖公七年秋，盟于寧母，謀伐鄭也。菏水又

東與鉅野黃水合。菏澤別名也。案澤近刻。黃水上承鉅澤諸陂，澤有濛淀盲陂。案盲近刻。黃湖水東流，

謂之黃水。又有薛訓渚水，自渚歷薛村前，分爲二流。一水東注黃水，一水西北入澤，卽洪水也。黃水東

南流，水南有漢荊州刺史李剛墓。剛字叔毅，山陽高平人。案平近刻。熹平元年卒，見其碑有石闕祠堂

石室三間，椽架高丈餘，鏤石作椽瓦屋，施平天造，方井側荷梁柱。案荷近刻。四壁隱起，雕刻爲君臣官

屬龜龍麟鳳之文，飛禽走獸之像，作制工麗，不甚傷毀。黃水又東逕鉅野縣北。何承天曰：鉅野湖澤廣

大，南通洙泗，北連清濟，舊縣故城正在澤中，故欲置戍于此城。城之所在，則鉅野澤也。衍東北出爲大

野矣。昔西狩獲麟，于是處也。皇覽曰：山陽鉅野縣。案野近刻。有肩髀冢，重聚大小，與鬪冢等。傳言蚩尤

與黃帝戰，克之于涿鹿之野，身體異處，故別葬焉。黃水又東逕咸亭北。春秋桓公七年，經書焚咸丘者

也。水南有金鄉山。案近刻。脫山字。縣之東界也。金鄉數山皆空中穴口，謂之隧也。戴延之西征記曰：焦氏山北

數里。案里近刻訛作山。下復衍有字。漢司隸校尉魯峻。案近刻訛作恭。穿山得白蛇白兔。不葬。更葬山南。鑿而得金。故曰金鄉。

山。山形峻峭。冢前有石祠石廟。四壁皆青石。隱起自書契以來。忠臣孝子貞婦。孔子及弟子七十二人。

形像。像邊皆刻石記之。文字分明。又有石牀。長八尺。磨瑩鮮明。叩之聲聞遠近。時太尉從事中郎傅珍。

之。諮議參軍周安穆。拆敗石牀。各取去。為魯氏之後。所訟二人。並免官。焦氏山東。即金鄉山也。有冢。謂

之。秦王陵。山上二百步。得冢口。塹深十丈。兩壁峻峭。廣二丈。入行七十步。得埏門。門外左右皆有空。可

容五六十人。謂之白馬空。埏門內二丈。得外堂。外堂之後。又得內堂。觀者皆執燭而行。雖無他雕鏤。然

治石甚精。或云是漢昌邑哀王家。所未詳也。東南有范巨卿冢。名件猶存。案名件近刻作石柱。巨卿名式。山陽之

金鄉人。漢荊州刺史。與汝南張劭。長沙陳平子石交。號為死友矣。黃水又東南。逕任城郡之亢父縣。故

城西。夏后氏之任國也。漢章帝元和元年。別為任城。在北。王莽之延就亭也。縣有詩亭。春秋之詩國也。

王莽更之曰順父矣。地理志東平屬縣也。世祖建武二年。封劉隆為侯國。其水謂之桓公溝。案水近刻訛作中。

南至方與縣。入于荷水。荷水又東。逕秦梁。夾岸積石一里。高二丈。言秦始皇東巡所造。因以名焉。

荷水又東。過湖陸縣南。東入于泗水。

澤水所鍾也。尚書曰。浮于淮泗。達于荷。是也。案說文荷字下亦引禹貢。浮于淮泗。達于荷。東觀漢記曰。蘇茂殺淮陽太守。得

其郡營。廣樂大司馬吳漢圍茂。茂將其精兵突至湖陵。案近刻訛作陸。與劉永相會濟陰山陽。濟兵於此處也。

又東南過沛縣東北。

濟與泗亂。故濟納互稱矣。案近刻濟訛作沛互訛作于。東觀漢記安平侯蓋延傳曰：延為虎牙大將軍，與永等戰，永

軍反走。案近刻訛作與戰水軍反走。溺水者半，復與戰。案復近刻訛作後。連破之，遂平沛。楚臨淮悉降，延令沛脩高祖廟，置

嗇夫祝宰樂人，因齋戒祠高廟也。

又東南過留縣北。

留縣故城，翼佩泗濟，宋邑也。春秋左傳所謂侵宋呂留也。故繁休伯避地賦曰：朝余發乎泗洲，夕余宿

于留鄉者也。張良委身漢祖，始自此矣。終亦取封焉。城內有張良廟也。

又東過彭城縣北，獲水從西來注之。案獲原本訛作獲，近刻遂訛作雖。注同，今改正。獲水見卷之二十三。

濟水又南逕彭城縣故城東北隅，不東過也。獲水自西注之，城北枕水湄。濟水又南逕彭城縣故城東。

案此十一字原本及近刻並訛作經。不逕其北也。案其下近刻衍縣字。蓋經誤證。

又東南過徐縣北。

地理志曰：臨淮郡，漢武帝元狩五年置治徐縣。王莽更之曰淮平縣。曰徐國也。案近刻脫故徐二字。春秋

昭公三十年，吳子執鍾吾子，遂伐徐，防山以水之，遂滅徐。徐子奔楚，楚救徐，弗及。遂城夷以處之。張華

博物志錄著作令史茅溫所為送。案此三字當有脫誤，未詳。劉成國徐州地理志云：徐偃王之異言，徐君宮人娠而

生卵以爲不祥棄之於水濱孤獨母有犬名曰鵠倉獵于水側得棄卵銜以來歸孤獨母以爲異案近刻脫字覆煖之遂成兒生時偃故以爲名徐君宮中聞之乃更錄取長而仁智襲君徐國後鵠倉臨死生角而九尾實黃龍也偃王葬之徐中案葬近刻訛作昔今見有狗壘焉偃王治國仁義著聞欲舟行上國乃通溝陳蔡之間案通近刻訛作導得朱弓矢以得天瑞遂因名爲號自稱徐偃王江淮諸侯服從者三十六國周王聞之遣使至楚令伐之偃王愛民不鬪遂爲楚敗北走彭城武原縣東山下百姓隨者萬數因名其山爲徐山山上立石室廟有神靈民人請禱焉依文卽事似有符驗但世代綿遠難以詳矣今徐城外有徐君墓昔延陵季子解劍于此所謂不違心許也

又東至下邳睢陵縣南入於淮

濟水與泗水渾濤東南流案渾濤近刻訛作澤洶至角城同入淮經書睢陵誤耳

卷九

清水 沁水 淇水 蕩水 洹水

清水出河內脩武縣之北黑山

黑山在縣北白鹿山東清水所出也上承諸陂散泉積以成川南流西南屈瀑布乘巖懸河注壑二十

餘丈雷赴之聲。案赴近刻作扑。震動山谷。左右石壁層深。案近刻脫石字。獸跡不交。隍中散水霧合。視不見底。南峯北

嶺多結禪栖之士。東巖西谷。又是刹靈之圖。竹柏之懷。與神心妙遠。案近刻訛作達。仁智之性。共山水效深。更

為勝處也。其水歷澗飛流。案飛流近刻訛作流飛。清冷洞觀。謂之清水矣。溪曰瑤溪。又曰瑤澗。清水又南。案近刻脫清字。

與小瑤水合。水近出西北窮溪。案西下近刻訛作溪字。東南流注清水。案注下近刻訛作之字。清水又東南流。吳澤陂水注之。水

上承吳陂於脩武縣故城西北。脩武故寧也。亦曰南陽矣。案南近刻訛作朝。馬季長曰。晉地自朝歌以北至中

山為東陽。朝歌以南至軹為南陽。故應劭地理風俗記云。河內殷國也。周名之為南陽。又曰晉始啓南

陽。今南陽城是也。秦始皇改曰脩武。徐廣王隱並言。始皇改瓚注漢書云。案韓非書秦昭王越趙長平。

案近刻脫趙字。西伐脩武時。秦未兼天下。脩武之名久矣。余案韓詩外傳言。武王伐紂。勒兵於寧。更名寧曰脩

武矣。魏獻子田大陸。還卒於寧是也。漢高帝八年。封都尉魏邀為侯國。亦曰大脩武。有小故稱大小脩

武。在東漢祖與滕公濟。自玉門津而宿小脩武者也。大陸即吳澤矣。魏土地記曰。脩武城西北二十里。

有吳澤水。案澤近刻訛作溝。陂南北二十許里。東西三十里。案西近刻訛作則。西則長明溝入焉。案近刻訛作蔡溝入焉。水有二

源。北水上承河內野王縣東北界溝。分枝津為長明溝。案近刻訛作為長明溝分枝津。東逕雍城南。寒泉水注之。水出

雍城西北。泉流南注。逕雍城西。春秋僖公二十四年。王將以狄伐鄭。富辰諫曰。雍文之昭也。京相璠曰。

今河內山陽西。案山上近刻訛作出字。有故雍城。又東南注長明溝。溝水又東。逕射犬城北。漢大司馬張揚為將。楊

醜所害。睦固殺醜屯此。案睦近刻訛作睦下同。欲北合袁紹。典略曰。睦固字白菟。或戒固曰。將軍字菟。而此邑名

犬菟見犬。其勢必驚。宜急去。固不從。案固近刻訛作菟。漢建安四年。案近刻訛作興平四年。魏太祖斬之於此。以魏種為

河內太守。守之。沈州叛。太祖曰。惟種不棄孤。及走。太祖怒曰。種不南走。越北走胡。不汝置也。射犬平禽

之。公曰。惟其才也。釋而用之。案惟近刻訛作難。長明溝水。東入石澗。案長上近刻訛作長上。東流。蔡溝水入焉。水上承州縣

北白馬溝。東分謂之蔡溝。案謂近刻訛作爲。東會長明溝水。又東逕脩武縣之吳亭北。東入吳陂。次北有苟泉

水入焉。水出山陽縣。故脩武城西南。同源分派。裂為二水。南為苟泉。北則吳瀆。二瀆雙導。俱東入陂。山

陽縣東北二十五里。有陸真阜。南有皇母馬鳴二泉。東南合注於吳陂也。次陸真阜之東北。得覆釜堆。

堆南有三泉。相去四五里。參差次合。案近刻訛作合次。南注於陂。泉在濁鹿城西。建安二十五年。魏封漢獻帝

為山陽公。濁鹿城。即是公所居也。陂水之北。際澤側有隕城。案近刻訛作陂。澤側有隕地也。春秋隱公十一年。王以司

寇蘇忿生之田。攢茅隕十二邑。與鄭者也。案近刻訛作王以攢茅隕十二邑。與司寇蘇忿生者也。京相璠曰。河內脩武縣北。有故

隕城。實中。今世俗謂之皮垣。方四百步。實中高八丈。際陂北。隔水十五里。俗所謂蘭丘也。方二百步。西

十里。又有一丘。際山。案山近刻訛作陂。世謂之勑丘。方五百步。形狀相類。疑即古攢茅也。杜預曰。二邑在脩武

縣北。所未詳也。又東。長泉水注之。源出白鹿山東南。伏流逕十三里。重源濬發於鄧城西北。案此下近刻又有東

南伏流四字。係衍文。世亦謂之重泉水也。又逕七賢祠東。左右筠篁列植。冬夏不變。貞萋。魏步兵校尉陳留阮籍

字。係衍文。世亦謂之重泉水也。又逕七賢祠東。左右筠篁列植。冬夏不變。貞萋。魏步兵校尉陳留阮籍

中散大夫譙國嵇康。晉司徒河內山濤。司徒琅邪王戎。黃門郎河內向秀。建威參軍沛國劉伶。始平太守阮咸等。同居山陽。結自得之遊。時人號之爲竹林七賢。案此下近刻有也字。向子期所謂山陽舊居也。後人立廟於其處。廟南又有一泉。東南流。注於長泉水。郭緣生述征記所云。白鹿山東南二十五里。有嵇公故居。以居時有遺竹焉。蓋謂此也。其水又南逕鄧城東。名之爲鄧瀆。又謂之爲白屋水也。昔司馬懿征公孫淵。還達白屋。卽於此也。其水又東南流。逕隕城北。又東南歷澤。注於陂。陂水東流。案陂近刻訛作泉。謂之八光溝。而東流。注於清水。謂之長清河。而東。周永豐塢。案近刻訛作城。有丁公泉。發於焦泉之右。次東得焦泉。泉發於天門之左。天井固右。案近刻訛作石。天門山石自空。狀若門焉。廣三丈。高兩匹。深丈餘。更無所出。世謂之天門也。東五百餘步。中有石穴。西向。裁得容人。案此下近刻有平得二字。係衍文。東南入徑。至天井直上。三匹有餘。扳躡而升。至上平。東西二百步。案東字近刻訛在平字上。南北七百步。四面險絕。無由升陟矣。上有比丘釋僧訓精舍。寺有十餘僧。案有十近刻訛作十有。給養難周。多出下平。有志者居之。寺左右雜樹疎頽。案近刻作挺。有一石泉。方丈餘。清水湛然。常無增減。山居者資以給飲。有石室二口。舊是隱者念一之所。今無人矣。泉發於北阜。南流成溪。世謂之焦泉也。案近刻脫之字。次東得魚鮑泉。次東得張波泉。次東得三淵泉。梗河參連。案河近刻訛作柯。女宿相屬。是四川在重門城西。並單川南注也。重門城昔齊王芳爲司馬師廢之。宮於此。卽魏志所謂送齊王於河內重門者也。城在共縣故城西北二十里。城南有安陽陂。次東又得卓水陂。次東。案次近刻訛作穴。

有百門陂。案近刻作北門陂。陂方五百步。在共縣故城西。漢高帝八年封盧罷師為共侯。案近刻訛作封族。罷師為其嚴侯國。即

共和之故國也。共伯既歸帝政。逍遙於共山之上。山在國北。所謂共北山也。仙者孫登之所處。袁彥伯

竹林七賢傳。嵇叔夜嘗採藥山澤。遇之於山。冬以被髮自覆。夏則編草為裳。彈一絃琴而五聲和。其水

三川南合。謂之清川。又南逕凡城東。司馬彪袁山松郡國志曰。共縣有凡亭。案近刻訛作汎亭。周凡伯國。春秋

隱公七年。經書王使凡伯來聘是也。杜預曰。汲郡共縣東南有凡城。今在西南。其水又西南。與前四水

總為一瀆。又謂之陶水。南流注於清水。清水又東。周新豐塢。又東注也。

東北過獲嘉縣北

漢書稱越相呂嘉反。武帝元鼎六年。巡行於汲郡中鄉。得呂嘉首。因以為獲嘉縣。後漢封侍中馮石為

侯國。縣故城西。有漢桂陽太守趙越墓。冢北有碑。越字彥善。縣人也。累遷桂陽郡五官將。尚書僕射。遭

憂服闋。守河南尹。建寧中卒。碑東又有一碑。碑北有石柱。石牛羊虎俱碎。淪毀莫記。清水又東。周新樂

城。城在獲嘉縣故城東北。即汲之新中鄉也。案之近刻訛作水。

又東過汲縣北

縣故汲郡治。晉太康中。立城西北。有石夾水。飛湍湓急。案此下近刻衍也。字。人亦謂之礮溪。言太公嘗釣於此也。

案嘗近刻訛作常。城東門北側。有太公廟。廟前有碑。碑云太公望者。河內汲人也。縣民故會稽太守杜宣。白令

崔瑗曰。太公本生於汲。案本近刻作甫。舊居猶存。君與高國同宗。太公載在經傳。今臨此國。宜正其位。以明尊

祖之義。於是國老王喜。廷掾鄭篤。功曹邠勤等。咸曰。宜之。遂立壇祀。為之位主。城北三十里。有太公泉。

泉上又有太公廟。廟側高林秀木。翹楚競茂。相傳云。太公之故居也。晉太康中。范陽盧無忌為汲令。立

碑於其上。太公避紂之亂。屠隱市朝。遯釣魚水。何必涓濱。然後磻溪。苟愜神心。曲渚則可。磻溪之名。斯

無嫌矣。清水又東。逕故石梁下。梁跨水上。橋石崩褫。餘基尚存。清水又東。與倉水合。水出西北方山。案近

刻說山西有倉谷。案近刻脫有字。谷有倉玉珉石。故名焉。其水東南流。潛行地下。又東南復出。俗謂之雹水。東

南歷埒野。自朝歌以南。南暨清水。土地平衍。據臯跨澤。悉埒野矣。郡國志曰。朝歌縣南有牧野。竹書紀

年曰。周武王率西夷諸侯伐殷。敗之於埒野。詩所謂埒野洋洋。檀車煌煌者也。有殷大夫比干冢。前有

石銘。題隸云。殷大夫比干之墓。所記惟此。今已中折。不知誰所誌也。太和中。高祖孝文皇帝南巡。親幸

其墳。而加弔焉。刊石樹碑。列於墓隧矣。雹水又東南入於清水。清水又東南逕合城南。故三會亭也。以

淇清合河。故受名焉。清水又屈而南。逕鳳皇臺東北。案鳳近刻訛作屬。南注也。

### 又東入於河

謂之清口。案近刻訛作河。即淇河口也。蓋互受其名耳。地理志曰。清河水出內黃縣南。無清水可來。所有者惟

鍾是水耳。蓋河徙南注。清水瀆移。匯流逕絕。案匯近刻訛作惟。餘目尚存。案近刻脫此二字。故東川有清河之稱。相嗣

不斷。案此下近刻有目尚存故曹公開白溝。遏水北注。方復故瀆矣。

沁水出上黨涅縣。謁戾山。案涅近刻訛作沮

沁水即涅水也。案涅近刻訛作泊或言出穀遠縣羊頭山世靡谷。三源奇注。逕瀉一隍。又南會三水。歷落出。左

右近溪。參差翼注之也。

南過穀遠縣東。又南過隋氏縣東。案隋氏屬上黨。猗氏屬河東。原本及近刻。隋並訛作猗。注內同。今改正。

穀遠縣。王莽之穀近也。沁水又南逕隋氏縣故城東。劉聰以詹事魯繇為冀州治此也。沁水又南歷隋

氏關。又南與羸羸水合。水出東北巨駿山。乘高瀉浪。觸石流響。世人因聲以納稱。西南流注於沁。沁水

又南與秦川水合。水出巨駿山東。帶引衆溪。積以成川。又西南逕端氏縣故城東。昔韓趙魏分晉。遷晉

君於端氏縣。即此是也。其水南流入於沁水。

又南過陽阿縣東。

沁水南逕陽阿縣故城西。魏土地記曰。建興郡治陽阿縣。郡西四十里。有沁水南流。沁水又南與濩澤

水合。水出濩澤城西白澗嶺下。案近刻脫濩字東逕濩澤。墨子曰。舜漁濩澤。應劭曰。澤在縣西北。又東逕濩澤

縣故城南。蓋以澤氏縣也。竹書紀年。梁惠成王十九年。晉取玄武濩澤者也。其水際城東注。又東合清

淵水。水出其縣北。案縣近刻訛作城東南逕濩澤城東。案近刻作經澤城東又南入於澤水。澤水又東得陽泉口。水出鹿

臺山。案水字近刻。山上有水淵而不流。其水東逕陽陵城南。卽陽阿縣之故城也。漢高帝七年封卞訢

為侯國。水歷嶠嶢山東。案近刻訛作。下與黑嶺水合。水出西北黑嶺下。卽開陞也。其水東南流逕北鄉

亭下。案鄉近刻。又東南逕陽陵城東南。南注陽泉水。案注近刻。陽泉水又南注濩澤水。澤水又東南。案此

刻衍。又有上澗水注之。水導源西北輔山東。逕銅于崖。南歷析城山北。山在濩澤南。禹貢所謂砥柱析城

至於王屋也。山甚高峻。上平坦。下有二泉。東濁西清。左右不生草木。數十步外多細竹。其水自山陰東

入濩澤水。濩澤水又東南注於沁水。沁水又東南。陽阿水左入焉。水北出陽阿川。南流逕建興郡西。案

刻訛。又東南流。逕午壁亭。東而南入山。其水沿波漱石。案其水二字近刻訛。滿澗八丈。環濤轂轉。西南

流入於沁水。沁水又南五十餘里。沿流上下。步徑裁通。案徑近刻。小竹細筍。被於山渚。蒙龍茂密。奇為

翳蒼也。

又南出山。過沁水縣北。

沁水南逕石門。案此下近。謂之沁口。魏土地記曰。河內郡野王縣西七十里。有沁水。左逕沁水城西。附

城東南流也。案原本此下有南逕。石門是晉安平獻王司馬孚之為魏野王典農中郎將之所造也。按

其表云。臣孚言。臣被明詔。興河內水利。臣既到。檢行沁水源。出銅鞮山。案鞮近刻。屈曲周迴。水道九百

里。自太行以西。王屋以東。層巖高峻。天時霖雨。衆谷走水。小石漂迸。木門朽敗。稻田汎濫。歲功不成。臣

輒按行去堰五里以外。方石可得數萬餘枚。臣以為累方石為門。案近刻脫累字。若天暘旱。案暘近刻作亢。增堰進水。

若天霖雨。陂澤充溢。則閉防斷水。空渠衍澇。足以成河。雲雨由人。經國之謀。暫勞永逸。聖王所許。願陛下

特出臣表。勅大司農府。給人工。勿使稽延。以贊時要。臣孚言。詔書聽許。於是夾岸累石。結以為門。用

代木門枋。故石門舊有枋口之稱矣。溉田頃晦之數。問二歲月之功。案問二訛舛。朱謀埜云。當作問關。事見門側石銘

矣。水西有孔山。山上石穴洞開。穴內石上有車轍牛跡。蒼舊傳云。自然成著。案著近刻訛作者。非人功所就也。

其水南分為二水。一水南出為朱溝水。沁水又逕沁水縣故城北。案沁水縣近刻脫水字。蓋藉水以名縣矣。春秋

之少水也。京相璠曰。晉地矣。又云少水。今沁水也。沁水又東逕沁水亭北。世謂之小沁城。沁水又東。案近刻

刻脫又字。右合小沁水。水出北山臺。淳淵南流為臺淳水。東南入沁水。案東南近刻訛作南東。沁水又東。倍澗水注之。

水北出五行之山。南流注於沁水。

又東過野王縣北。

沁水又東。邗水注之。案邗近刻訛作刊。下同。水出太行之阜山。即五行之異名也。淮南子曰。武王欲築宮於五行

之山。周公曰。五行險固。德能覆也。內貢迴矣。使吾暴亂。則伐我難矣。君子以為能持滿。高誘云。今太行

山也。在河內野王縣西北。上黨關。詩所謂徒殆野王道。傾蓋上黨關。即此山矣。其水南流。逕邗城西。故

邗國也。城南有邗臺。春秋僖公二十四年。王將伐鄭。富辰諫曰。邗武之穆也。京相璠曰。今野王西北三

十里有故邗城邗臺是也。今故城當太行南路道出其中。漢武帝封李壽爲侯國。邗水又東南逕孔子廟東。廟庭有碑。魏太和元年孔靈度等以舊宇毀落。上求修復。野王令范衆愛。河內太守元真。刺史咸陽公高允表聞。立碑於廟。治中劉明別駕呂次文案近刻主簿向班。虎荀靈龜。以宣尼大聖。非碑頌所稱。宜立記焉。云仲尼傷道不行。欲北從趙鞅。聞殺鳴鐸案近刻遂旋車而反。及其後也。晉人思之。於太行嶺南爲之立廟。蓋往時迴轅處也。余按諸子書及史籍之文。並言仲尼臨河而歎曰。丘之不濟。命也。夫是非太行迴轅之言也。碑云魯國孔氏官於洛陽。因居廟下。以奉烝嘗。斯言是矣。案是近刻蓋孔氏遷山下案氏近刻追思聖祖。故立廟存饗耳。其猶劉累遷魯立堯祠於山矣。非謂迴轅於此也。邗水東南逕邗亭。西京相璠曰。又有亭在臺西南三十里。今是亭在邗城東南七八里。蓋京氏之謬耳。或更有之。余所不詳。其水又南流注於沁。沁水東逕野王縣故城北。秦昭王四十四年。白起攻太行。道絕而韓之野王降。始皇拔魏東地。置東郡。衛元君自濮陽徙野王。案濮近刻卽此縣也。漢高帝元年爲殷國。二年爲河內郡。案近刻王莽之後。隊縣曰平野矣。魏懷州刺史治皇都。遷洛。案近刻省州復郡。水北有華嶽廟。廟側有攢柏數百根。對郭臨川。負岡蔭渚。青青彌望。奇可翫也。懷州刺史頓丘李洪之所經構也。廟有碑焉。是河內郡功曹山陽荀靈龜以和平四年造。天安元年立。沁水又東。朱溝枝津入焉。又東與丹水合。水出上黨高都縣故城東北阜下。俗謂之源源水。山海經曰。沁水之東有林焉。名曰丹林。丹

水出焉。即斯水矣。丹水自源東北流。又屈而東注。左會絕水。地理志曰：高都縣有莞谷。丹水所出。東南入絕水。是也。絕水出泫氏縣西北楊谷。故地理志曰：楊谷。絕水所出。東南流。左會長平水。水出長平縣西北小山。東南流。逕其縣故城。泫氏之長平亭也。史記曰：秦使左庶長王齕攻韓。取上黨。上黨民走趙。趙軍長平。使廉頗為將。後遣馬服君之子趙括代之。秦密使武安君白起攻之。括四十萬衆降。起坑之於此。上黨記曰：長平城在郡之南。秦壘在城西。二軍共食流水澗。相去五里。秦坑趙衆。收頭顱築臺於壘中。因山為臺。崔嵬桀起。今仍號之曰白起臺。城之左右沿山互隰。南北五十許里。東西二十餘里。悉秦趙故壘。遺壁舊存焉。漢武帝元朔二年。以封將軍衛青為侯國。案近刻脫國字其水東南流。注絕水。絕水又東南流。逕泫氏縣故城北。竹書紀年曰：晉烈公元年。趙獻子城泫氏。絕水東南與泫水會。水導源縣西北泫谷。東流。逕一故城南。俗謂之都鄉城。又東南逕泫氏縣故城南。案近刻脫縣字世祖建武六年。封萬普為侯國。而東會絕水。亂流東南。入高都縣。右入丹水。上黨記曰：長平城在郡南山中。丹水出長平北山南流。秦坑趙衆。流血丹川。由是俗名為丹水。斯為不經矣。丹水又東南流。注於丹谷。即劉越石扶風歌所謂丹水者也。晉書地道記曰：縣有太行關。丹溪為關之東谷。途自此去。不復由關矣。丹水又逕二石人北。案人近刻訛作入而各在一山。角倚相望。南為河內。北曰上黨。二郡以之分境。丹水又東南歷西巖下。巖下有泉湧發。洪流巨輪。淵深不測。蘋藻菱芹。案菱近刻訛作冬竟川含綠。雖嚴辰肅月。無變暄萋。案無變近刻訛作燕

丹水又南。白水注之。水出高都縣故城西。所謂長平白水也。東南流。歷天井關。地理志曰：高都縣有天井關。蔡邕曰：太行山上有天井關。在井北。遂因名焉。故劉歆遂初賦曰：馳太行之險峻。入天井之高關。太元十五年。晉征虜將軍朱序破慕容永於太行。遣軍至白水。去長子百六十里。白水又東。天井溪水會焉。水出天井關。北流注白水。世謂之北流泉。白水又東南流入丹水。謂之白水交丹水。又東南出山。逕鄴城西。城在山際。俗謂之期城。非也。司馬彪郡國志曰：山陽有鄴城。京相璠曰：河內山陽西北六十里有鄴城。竹書紀年曰：梁惠成王元年。趙成侯偃韓懿侯若伐我葵。卽此城也。丹水又南。屈而西轉。光溝水出焉。丹水又西。逕苑鄉城北。南屈東轉。逕其城南。東南流注於沁。謂之丹口。竹書紀年曰：晉出公五年。丹水三日絕不流。幽公九年。丹水出相反擊。卽此水也。沁水又東。光溝水注之。水首受丹水。東南流。界溝水出焉。又南入沁水。沁水又東南流。逕成鄉城北。又東逕中都亭南。左合界溝水。案左近刻水上承光溝。東南流。長明溝水出焉。又南逕中都亭西。而南流注於沁水也。

又東過州縣北。案州原本及近刻並訛作周。注內故州也。同。今改正。

縣故州也。春秋左傳隱公十有一年。周以賜鄭公孫段。案此三字。上有脫文。當云昭公三年。晉以州田賜鄭公孫段。六國時。案此三字。當作其後。韓宣子徙居之。有白馬溝水注之。水首受白馬湖。湖一名朱管陂。陂上承長明溝。湖水東南流。逕金亭西。分爲二水。一水東出爲蔡溝。一水南注於沁也。案注近刻訛作流。

又東過懷縣之北。案近刻作過邢丘。

韓詩外傳曰：武王伐紂，到邢丘，更名邢丘曰懷。春秋時，赤翟伐晉，圍懷是也。王莽以為河內，故河內郡

治也。舊三河之地矣。韋昭曰：河南河東河內為三河也。縣北有沁陽城，沁水逕其南而東注也。

又東過武德縣南，又東南至滎陽縣北，東入於河。

沁水於縣南，水積為陂，通結數湖，有朱溝水注之。其水上承沁水於沁水縣西北，自枋口東南流。案枋

訛作方。奉溝水右出焉，又東南流，右泄為沙溝水也。其水又東南於野王城西，枝渠左出焉。案出近刻以

周城漑，東逕野王城南，又屈逕其城東而北注沁水。朱溝自枝渠東南逕州城南，又東逕懷城南，又東

逕殷城北。郭緣生述征記曰：河之北岸，河內懷縣有殷城，或謂楚漢之際，殷王卬治之。案卬近刻訛非

也。余按竹書紀年云：秦師伐鄭，次於懷城。殷。案此下近刻重一般字。即是城也。然則殷之為名久矣。案近刻脫則字。知非

從卬始。昔劉曜。案近刻訛作聰。以郭默為殷州刺史，督緣河諸軍事，治此。案督上近刻朱溝水又東南注於湖，湖

水右納沙溝水，水分朱溝南派，東南逕安昌城西。漢成帝河平四年，封丞相張禹為侯國，今城之東南

有古冢，時人謂之張禹墓。余按漢書：禹河內軹人，徙家蓮勺。鴻嘉元年，禹以老乞骸骨。案近刻脫骨字。自治冢

塋，起祠堂於平陵之肥牛亭。案近刻陵下近延陵。奏請之，詔為徙亭。哀帝建平二年薨，遂葬於彼。此則

非也。沙溝水又東逕隰城北。春秋僖公二十五年，取大叔於溫，殺之於隰，城是也。京相璠曰：在懷縣西

南又逕殷城西東南流入於陂陂水又值武德縣南至滎陽縣北案近刻脫此九字東南流入於河先儒亦咸謂是溝爲濟渠故班固及闕駟並言濟水至武德入河蓋濟水枝瀆條分所在布稱亦兼丹水之目矣

### 淇水出河內隆慮縣西大號山

山海經曰淇水出沮洳山案洳近刻訛作如水出山側頽波瀾注衝激橫山山上合下開可減六七十步巨石

礫礪交積隍澗傾瀾漭盪案漭近刻訛作漭勢同雷轉激水散氛曖若霧合又東北沾水注之案沾近刻訛作活下沾臺訛作

臺站水出壺關縣東沾臺下石壁崇高昂藏隱天泉流發於西北隅與金谷水合金谷即沾臺之西溪也

東北會沾水又東流注淇水淇水又逕南羅川又歷三羅城北案三原本及近刻並訛作之考寰宇記其城縣治西北六十里大山中有羅門

即山峽陘束之所內有南羅中羅北羅三城可證之乃三字之誤東北與女臺水合水發西北三女臺下東北流注於淇淇水又東北

歷淇陽川案歷近刻訛作逕逕石城西北城在原上帶澗枕淇淇水又東北西流水注之水出東大嶺下西流

逕石樓南在北陵石上練垂桀立亭亭極峻其水西流水也又東逕馮都壘南世謂之淇陽城在西北

三十里淇水又東出山分爲二水水會立石堰案近刻脫一水字遏水以沃白溝左爲菀水右則淇水自元甫

城東南逕朝歌縣北竹書紀年晉定公十八年案近刻訛作二十八年淇絕於舊衛即此也淇水又東右合泉源

水案近刻訛作水有二源一水出朝歌城西北東南流案近刻脫流字老人晨將渡水而沈吟難濟紂問其故

左右曰老者髓不實故晨寒也紂乃於此斲脛而視髓也其水南流東屈逕朝歌城南晉書地道記曰

本沫邑也。詩云：爰采唐矣。沫之鄉矣。殷王武丁始遷居之。為殷都也。紂都在禹貢冀州大陸之野。案禹

字近刻訛在紂都上。即此矣。有糟丘酒池之事焉。有新聲靡樂。號邑朝歌。晉灼曰：史記樂書紂作朝歌之音。朝歌

者。歌不時也。故墨子聞之。惡而迴車。不逕其邑。論語比考識曰：案近刻訛作邑名朝歌。顏淵不舍。七十

弟子揜目。宰予獨顧。由蹙墮車。案蹙近刻訛宋均曰：子路患宰予顧視凶地。故以足蹙之。使墮車也。今

城內有殷鹿臺。紂昔自投於火處也。竹書紀年曰：武王親禽帝受辛於南單之臺。遂分天之明。南單之

臺。蓋鹿臺之異名也。武王以殷之遺民。封紂子武庚於茲邑。分其地為三。曰邠。鄘。衛。使管叔蔡叔霍叔

輔之。為三監。叛。周討平。以封康叔為衛。箕子佯狂自悲。故琴操有箕子操。逕其墟。父母之邦也。不勝悲

作麥秀歌。後乃屬晉。案此四字近刻訛地居河淇之間。戰國時皆屬於趙。男女淫縱。有紂之餘風。案餘

遺土險多寇。案土近刻漢以虞詡為令。朋友以難治致弔。詡曰：不遇盤根錯節。何以別利器乎。又東與

左水合。謂之馬溝水。水出朝歌城北。東流南屈。逕其城東。案逕近刻又東流與美溝合。水出朝歌西北

大嶺下。案此即二東流逕駱駝谷。案東流近刻於中透迤九十曲。故俗有美溝之目矣。歷十二嶧。嶧流

相承。泉響不斷。返水捍注。捲復深隍。案近刻訛作隍間積石千通。水穴萬變。觀者若思不周。賞情乏圖

狀矣。其水東逕朝歌城北。案東近刻又東南流注馬溝水。又東南注淇水。為肥泉也。故衛詩曰：我思肥

泉。茲之永歎。毛注云：同出異歸。為肥泉。爾雅曰：歸異出。曰肥。釋名曰：本同出時所浸潤。水少。案近刻

所歸枝散而多。案歸下近刻有各字。似肥者也。韃為舍人曰水異出流行合同曰肥。今是水異出同歸矣。博物志

謂之澳水。詩云：瞻彼淇澳，萋竹猗猗。毛云：萋，王芻也。竹，編竹也。漢武帝塞決河，斬淇園之竹木以為用。

寇恂為河內伐竹淇川，治矢百餘萬以輸軍資。今通望淇川，無復此物。惟王芻編草不異。毛興。案近刻

又言澳隈也。鄭亦不以為津源，而張司空專以為水流入於淇，非所究也。然斯水即詩所謂泉源之水

也。案泉源近刻故衛詩云：泉源在左，淇水在右。衛女思歸，指以為喻。淇水左右，蓋舉水所入為左右也。

淇水又南歷枋堰舊淇水口。案近刻東流逕黎陽縣界，南入河。地理志曰：淇水出共東，至黎陽入河。溝

洫志曰：案此下近刻遮害亭西十八里至淇水口是也。案近刻漢建安九年，魏武王於水口下大枋木以

成堰，遏淇水東入白溝，以通漕運。故時人號其處為枋頭。是以盧諶征艱，諶曰：後背洪枋巨堰，深渠高

堤者也。自後遂廢。魏熙平中復通之。故渠歷枋城北。案枋近刻東出今瀆，破故場。案近刻其堰悉鐵柱

木石參用。其故瀆南逕枋城西，又南分為二水。一水南注清水，水流上下更相通注。河清水盛。案水有

此句清字止舊刻訛在灑水注內八北入故渠，自此始矣。一水東流逕枋城南，東與苑口合。苑水上承

淇水於元甫城西北。白石堰東苑城西。案東下近刻屈逕其城南，又東南流歷土軍東北。案土軍原本及

軍考土軍漢書地理志屬西河郡北魏立吐京郡吐京即土軍音聲之轉魏討九原得舊石逗。案近刻

西河吐京諸叛部出配郡縣置吐京民於此但魏書作吐京道元猶用土軍字耳故五水分流，世號五穴口。今惟通并為二水。案近刻一水西注淇水，謂之天井溝。一水逕土軍東，分為

蓼溝東入白祀陂。又南分東入同山陂。溉田七十餘頃。二陂所結。即臺陰野矣。苑水東南入淇水。淇水

右合宿胥故瀆。瀆受河於頓丘縣。遮害亭東黎山西北。會淇水處。立石堰。遏水令更東北注。案令近刻

魏武開白溝。因宿胥故瀆而加其功也。故蘇代曰。決宿胥之口。魏無虛頓丘。即指是瀆也。淇水又東北

流。謂之白溝。逕雍榆城南。春秋襄公二十三年。叔孫豹救晉。次於雍榆者也。案榆下近刻淇水又東北

城東。案近刻脫東北逕同山東。又東北逕帝嚳冢西。案又字下近刻有北逕世謂之頓丘臺。非也。皇覽

曰。帝嚳冢在東郡濮陽頓丘城南臺陰野中者也。又北逕白祀山東。歷廣陽里。逕顓頊冢西。俗謂之殷

王陵。非也。帝王世紀曰。顓頊葬東郡頓丘城南廣陽里。大冢者是也。淇水又北屈而西轉。逕頓丘北。故

闕駟云。頓丘在淇水南。案此下近刻有又屈逕頓爾雅曰。山一成謂之頓丘。釋名謂一頓而成丘。無高

下小大之殺也。詩所謂送子涉淇。至於頓丘者也。魏徙九原。西河土軍諸胡。案土軍原本及近刻並置

土軍於丘側。案此土軍原本及近刻並訛作五軍下同故其名亦曰土軍也。案此上八十一字近刻訛在前淇又屈逕頓丘

縣故城西。案又屈二字近刻訛在古文尙書以爲觀地矣。蓋太康弟五君之號曰五觀者也。竹書紀年

晉定公三十一年。城頓丘。皇覽曰。頓丘者。城門名。頓丘道世謂之殷。皆非也。蓋因丘而爲名。故曰頓丘

矣。淇水東北逕枉入山東。牽城西。案枉近刻春秋左傳定公十四年。公會齊侯衛侯於牽者也。杜預曰。

黎陽東北有牽城。即此城矣。淇水又東北逕石柱岡。東北注矣。

東過內黃縣南爲白溝。

淇水又東北逕并陽城西。世謂之辟陽城。非也。卽郡國志所謂內黃縣有并陽聚者也。白溝又北左合

蕩水。案近刻訛作陽水。又東北流逕內黃縣故城南。縣右對黃澤。郡國志曰：縣有黃澤者也。案近刻脫也字。地理風俗

記曰：陳留有外黃。故加內。史記曰：趙廉頗伐魏取黃。卽此縣。

屈從縣東北與洹水合。

白溝自縣北逕戲陽城東。世謂之蕭陽聚。案近刻訛作義陽郭。春秋昭公十年。晉荀盈如齊逆女。還卒戲陽是也。

白溝又北逕高城亭東。洹水從西南來注之。又北逕問亭東。卽魏界也。魏縣故城。案近刻脫魏字。縣故城三字。訛在應劭曰

下。應劭曰：魏武侯之別都也。城內有武侯臺。王莽之魏城亭也。左與新河合。洹水支流也。白溝又東北

逕銅馬城西。蓋光武征銅馬所築也。故城得其名矣。白溝又東北逕羅勒城東。又東北漳水注之。謂之

利漕口。案魏志建安十八年鑿渠引漳水入白溝以通河是也。自下清漳白溝淇河咸得通稱也。

又東北過館陶縣北。又東北過清淵縣西。

白溝水又東北逕趙城西。又北阿難河出焉。蓋魏將阿難所導以利衡瀆。遂有阿難之稱矣。案遂近刻訛作首。

白溝又東北逕空陵城西。又北逕喬亭城西。東去館陶縣故城十五里。縣卽春秋所謂冠氏也。魏陽平

郡治也。其水又屈逕其縣北。又東北逕平恩縣故城東。地理風俗記曰：縣故館陶之別鄉也。漢宣帝地

節三年置。案近刻訛作元康三年置。以封后父許伯為侯國。地理志：王莽之延平縣矣。其水又東過清淵縣故城西。

案其水近刻訛作淇水下同。又歷縣之西北為清淵。故縣有清淵之名矣。世謂之魚池城。非也。其水又東北逕榆陽

城北。漢武帝案近刻訛作昭帝。封太常江德為侯國。文穎曰：邑在魏郡清淵。世謂之清淵城。非也。

又東北過廣宗縣東為清河。

清河東北逕廣宗縣故城南。和帝永元五年。案和帝近刻訛作順帝。封皇太子萬年為王國。田融言：趙立建興郡

於城內。置臨清縣於水東。自趙石始也。清河之右有李雲墓。雲字行祖。甘陵人。好學善陰陽。舉孝廉。遷

白馬令。中常侍單超等立掖庭民女亳氏為后。后家封者四人。賞賜巨萬。雲上書移副三府曰。案副近刻訛作

列。孔子云：帝者諦也。今尺一拜用。不經御省。案近刻訛作者。是帝欲不諦乎。帝怒。下獄殺之。後冀州刺史賈琮

使行部過祠雲墓。刻石表之。今石柱尚存。俗猶謂之李氏石柱。清河又東北逕界城亭東。水上有大梁。

謂之界城橋。英雄記曰：公孫瓚擊青州黃巾賊。大破之。還屯廣宗。袁本初自往征。瓚合戰於界橋南。二

十里。紹將麴義。案麴近刻作鞠。破瓚於界城橋。斬瓚。冀州刺史嚴綱又破瓚殿兵於橋上。即此梁也。世謂之鬲

城橋。蓋傳呼失實矣。清河又東北逕信鄉西。地理風俗記曰：甘陵西北十七里有信鄉。故縣也。清河又

北逕信成縣故城西。應劭曰：甘陵西北五十里有信成亭。故縣也。趙置水東縣於此城。故亦曰水東城。

清河又東北逕清陽縣故城西。漢高祖置清河郡治此。景帝中三年。案此五字近刻訛作中元三年。景帝六年。封皇子乘為

王國。王莽之平河也。案平河近刻訛作河平。漢光武建武二年。西河鮮于冀爲清河太守。作公廨未就而亡。後守

趙高計功用二百萬。五官黃秉功曹劉適言四百萬錢。於是冀乃鬼見白日道從入府。與高及秉等對

共計校定。爲適秉所割匿。冀乃書表自理。其略言高貴不尙節。晦壟之夫。而箕踞遺類。研密失機。婢妾

其性媚世求顯。偷竊很鄙。有辱天官。案近刻訛作偷竊。銀艾鄙辱天官。易譏負乘。誠高之謂。臣不勝鬼言。謹因千里驛

聞。付高上之。便西北去三十里。車馬皆滅。不復見。秉等皆伏地物故。高以狀聞。詔下。還冀西河田宅妻

子焉。兼爲差代。以弭幽中之訟。案弭近刻訛作旌。漢桓帝建和三年。案近刻訛作延和元年。改清河爲甘陵王國。以王妖

言徙。其年立甘陵郡。治此焉。

又東北過東武城縣西。

清河又東北逕陵鄉西。應劭曰。東武城西南七十里。有陵鄉。故縣也。後漢封太僕梁松爲侯國。故世謂

之梁侯城。遂立侯城縣治也。清河又東北逕東武城縣故城西。案故字近刻訛在縣字上。史記趙公子勝號平原君。

以解邯鄲之功。受封於此。定襄有武城。故加東矣。清河又東北逕復陽縣故城西。漢高祖七年。封右司

馬陳胥爲侯國。王莽更名之曰樂歲。地理風俗記曰。東武城西北三十里。有復陽亭。故縣也。世名之曰

檻城。非也。清河又東北流。案清河下近刻有水字。逕棗彊縣故城西。史記建元以來。王子侯者。年表云。漢武帝元

朔二年。封廣川惠王子晏爲侯國也。應劭地理風俗記曰。東武城縣西北五十里。案近刻脫縣字。有棗彊城。故

縣也。

又北過廣川縣東。

清河北逕廣川縣故城南。案河近刻訛作水闕駟曰縣中有長河為流。案近刻脫中字故曰廣川也。水側有羌壘。姚氏

之故居也。今廣川縣治。清河又東北逕歷縣故城南。地理志信都之屬縣也。王莽更名曰歷寧也。應劭

曰廣川縣西北三十里有歷城亭。故縣也。今亭在縣東如北。案近刻訛作如此水濟尚謂之為歷口渡也。

又東過脩縣南。又東北過東光縣西。

清河又東北左與張甲屯絳故瀆合。阻深堤高鄣。無復有水矣。又逕脩縣故城南。屈逕其城東。脩音條。

王莽更名之曰脩治。案近刻訛作治脩郡國志曰故屬信都。清河又東北左與橫漳枝津故瀆合。案橫近刻訛作黃又

東北逕脩國故城東。漢文帝封周亞夫為侯國。故世謂之北脩城也。清河又東北逕邸閣城東。城臨側

清河。晉脩縣治。城內有縣長魯國孔明碑。清河又東至東光縣西南。逕胡蘇亭。地理志東光有胡蘇亭

者。案近刻脫地理志東光有胡蘇亭九字及也字世謂之羌城。非也。又東北右會大河故瀆。又逕東光縣故城西。後漢封耿

純為侯國。初平二年黃巾三十萬人入渤海。案近刻作北海公孫瓚破之於東光界。追奔是水。斬首三萬。流血

丹水。即是水也。

又東北過南皮縣西。

清河又東北。無棣溝出焉。東逕南皮縣故城南。又東逕樂亭北。地理志之臨樂縣故城也。王莽更名樂

亭。晉書地道志。太康地記。樂陵國有新樂縣。卽此城矣。又東逕新鄉城北。卽地理志高樂故城也。王莽

更之曰爲鄉矣。無棣溝又東分爲二瀆。無棣溝又東逕樂陵郡北。案逕下近刻有于字。又東屈而北出。又東轉逕

苑鄉縣故城南。案近刻訛作逕宛鄉故城南。又東南逕高成縣故城南。案高成近刻作高城。與枝瀆合。枝瀆上承無棣溝。案近

枝字瀆南逕樂陵郡西。又東南逕千童縣故城東。史記建元以來王子侯者年表曰。故重也。一作千鍾。訛作溝

漢武帝元朔四年。封河間獻王子劉陰爲侯國。應劭曰。漢靈帝改曰饒安也。滄州治。枝瀆又南東屈東

北。注無棣溝。無棣溝又東北逕一故城北。世謂之功城也。又東北逕鹽山。東北入海。春秋僖公四年。案

刻脫此齊楚之盟於召陵也。管仲曰。昔召康公賜命先君太公履。案賜近刻作錫。北至於無棣。蓋四履之所也。

京相璠曰。舊說無棣在遼西孤竹縣。二說參差。未知所定。然管仲以責楚無棣在此方之爲。近旣世傳

已久。案近刻訛且以聞見書之。清河又東北逕南皮縣故城西。十三州志曰。章武有北皮亭。故此曰南

皮也。王莽之迎河亭。案迎近刻訛作逆。史記惠景侯者年表云。漢景帝後七年。案近刻訛作文帝後元年中。封孝文后兄子

彭祖爲侯國。建安中。魏武擒袁譚於此城也。清河又北逕北皮城東。案近刻左會漚沱別河故瀆。案近

作左會譚謂之合口。案近刻脫口字。城謂之合城也。案城謂近刻地理風俗記曰。南皮城北五十里有北皮城。

卽是城矣。案近刻脫此四字作有北皮城也。

又東北過浮陽縣西。案過近刻訛作逕。

清河東北流。案近刻脫清字流字。浮水故瀆出焉。按史記趙之南界有浮水焉。浮水在南而此有浮陽之稱者。蓋

浮水出入津流同逆。混并清漳二瀆河之舊道。浮水故迹。又自斯別。是縣有浮陽之名也。案浮陽近刻訛作浮水。

首受清河於縣界東北。逕高成縣之苑鄉城北。案高成近刻訛作高城苑訛作宛。又東逕章武縣之故城北。案近刻脫北字。漢

景帝後七年封孝文后弟竇廣國為侯國。王莽更名桓章。晉太始中立章武郡治此。浮水故瀆。又東逕

篋山北。魏土地記曰。高成東北五十里有篋山。長七里。浮瀆又東北逕柳縣故城南。漢武帝元朔四年

封齊孝王子劉陽為侯國。地理風俗記曰。高成縣東北五十里有柳亭。故縣也。世謂之辟亭。非也。浮瀆

又東北逕漢武帝望海臺。又東注於海。應劭曰。浮陽縣。案近刻脫陽字。浮水所出。入海朝夕。往來日再。案朝夕近刻作

潮。今溝無復有水也。清河又北分為二瀆。枝分東出。又謂之浮瀆。清河又北逕浮陽縣故城西。案近刻脫縣字。

王莽之浮城也。建武十五年更封驍騎將軍平鄉侯劉歆為侯國。案近刻脫驍字。浮陽郡治。又東北。滹沱別瀆

注焉。謂之合口也。案口近刻訛作河。

又東北過濊邑北。

濊水出焉。案濊水詳濁漳水注內。

又東北過鄉邑南。

清河又東分爲二水。枝津右出焉。東逕漢武帝故臺北。魏土地記曰。案魏下近刻衍氏字。章武縣東百里有武帝臺。南北有二臺。相去六十里。基高六十丈。俗云漢武帝東巡海上所築。又東注於海。清河又東北逕姑邑南。俗謂之新城。非也。

又東北過窮河邑南。案過近刻訛作逕。

清河又東北逕窮河邑南。俗謂之三女城。非也。東北至泉州縣。北入滹沱。案州近刻訛作周。水經曰。笱溝東南

至泉州縣。與清河合。自下爲派河尾也。案原本訛作水經曰。笱溝泉周縣東南與清河合者。自下爲清

南至雍奴縣西。爲笱溝。又東南至泉州縣。與清河合。又訛作白。自又訛作目。考沽河經文云。又東入于海。清河者。派河尾也。今據以訂此文之舛誤。又東。泉州渠出焉。案近刻渠訛作泉。泉

又東北過漂榆邑。入於海。

清河又東逕漂榆邑。故城南。俗謂之角飛城。趙記云。石勒使王述煮鹽於角飛。即城異名矣。魏土地記

曰。高城縣東北百里。北盡漂榆。東臨巨海。民咸煮海水。藉鹽爲業。即此城也。清河自是入於海。

蕩水出河內蕩陰縣西山東。

蕩水出縣西石尚山。泉流逕其縣故城南。縣因水以取名也。晉伐成都王穎。敗帝於是水之南。盧繚四

王起事曰。案繚近刻訛作林。惠帝征成都王穎。戰敗時。舉輦司馬八人。輦猶在肩上。軍人競就殺舉輦者。乘輿

頓地。帝傷三矢。百僚奔散。唯侍中嵇紹扶帝。士將兵之。帝曰。吾吏也。勿害之。衆曰。受太弟命。惟不犯陛

下一人耳。遂斬之。血汗帝袂。將洗之。帝曰。嵇侍中血。勿洗也。此則嵇延祖殞命之所。

又東北至內黃縣。入於黃澤。

姜水出蕩陰西北韓大牛泉。地理志曰。縣之西山。姜水所出也。姜水又東逕韓附壁北。又東流逕姜城

北。故姜里也。史記音義曰。牖里在蕩陰縣。廣雅牖獄犴也。案近刻訛作廣雅稱獄并也。夏曰夏臺。殷曰姜里。周曰囿

圉。皆園土。昔殷紂納崇侯虎之言。囚西伯於此。散宜生南宮括見文王。乃演易。用明否泰始終之義焉。

姜城北水積成淵。方十餘步。深一丈餘。東至內黃。與防水會。水出西山馬頭澗。東逕防城北。盧諶征艱

賦所謂越防者也。其水東南流。注於姜水。又東歷黃澤。入蕩水。地理志曰。姜水至內黃入蕩者也。蕩水

又東與長沙溝水合。其水導源黑山北谷。案黑近刻訛作里。東流逕晉鄙故壘北。謂之晉鄙城。名之為魏將城。

昔魏公子無忌矯奪晉鄙軍於此處。故班叔皮遊居賦曰。過蕩陰而弔晉鄙。責公子之不臣者也。其水

又東。案其近刻訛作淇。謂之宜師溝。又東逕蕩陰縣南。又東逕枉人山。案枉近刻訛作柱。東北至內黃縣。案近刻訛作澤。右入

蕩水。亦謂之黃雀溝。是水秋夏則泛。春冬則耗。蕩水又逕內黃城南。案近刻脫蕩字。陳留有外黃。故稱內也。東

注白溝。

洹水出上黨泫氏縣。

水出洹山。山在長子縣也。

東過隆慮縣北

縣北有隆慮山。昔帛仲理之所遊神也。縣因山以取名。漢高帝六年，封周竈為侯國。應劭曰：殤帝曰隆。

故改從林也。縣有黃華水。案近刻脫出於神囿之山黃華谷北崖上。案近刻山高十七里。水出木門帶。

帶即山之第三級也。去地七里。懸水東南注壑，直瀉巖下，狀若雞翹。故謂之雞翹洪。蓋亦天台赤城之

流也。案近刻其水東流至谷口，潛入地下，東北十里復出名柳渚。渚周四五里，是黃華水重源再發也。

東流葦泉水注之。水出林慮山北澤中。案山近刻東南流與雙泉合。水出魯般門東，下流入葦泉水。葦

泉水又東南流注黃華水，謂之陵陽水。又東入於洹水也。

又東北出山過鄴縣南。案過近刻

洹水出山東逕殷墟北。案東近刻竹書紀年曰：盤庚即位，自奄遷於北蒙曰殷。案北蒙近刻昔者項羽

與章邯盟於此地矣。洹水又東，枝津出焉。東北流逕鄴城南，謂之新河。又東分為二水：一水北逕東明

觀下。案近刻脫昔慕容雋夢石虎齧其臂，寤而惡之，購求其尸而莫之知。案近刻訛後宮嬖妾言虎葬

東明觀下，於是掘焉。下度三泉，得其棺，剖棺出尸，尸僵不腐。雋罵之曰：死胡安敢夢生天子也。使御史

中尉陽約。案陽近數其罪而鞭之。此蓋虎始葬處也。又北逕建春門，石梁不高大，治石工密。舊橋首夾

建兩石柱，螭矩趺勒甚佳。案矩近刻乘輿南幸，以其作制華妙，致之平城。東側西闕，北對射堂，綠水平

潭碧林側浦可遊憩矣。案側浦近刻訛作浦側憩訛作意其水西逕魏武玄武故苑。案近刻其水下有苑舊有玄武池際其二字係衍文

以肆舟楫有魚梁釣臺竹木灌叢今池林絕滅略無遺跡矣其水西流注於漳南水東北逕女亭城北

又東北逕高陵城南東合垆溝又東逕鷓鴣陂北與台陂水合陂東西三十里南北案此下有脫文下云注白溝河溝上

承洹水亦訛脫不可考注白溝河溝上承洹水北絕新河北逕高陵城東又北逕斥丘縣故城西縣南角有斥丘

蓋因丘以氏縣故乾侯矣春秋經書昭公二十八年公如晉次於乾侯也漢高帝六年封唐厲為侯國

王莽之利丘矣又屈逕其城北案近刻訛作北城東北流注於白溝洹水自鄴東逕安陽縣故城北徐廣晉紀

曰石遵自李城北入斬張豺於安陽是也案近刻李訛作字豺訛作豹魏土地記曰鄴城南四十里有安陽城城北

有洹水東流者也洹水又東至長樂縣左則枝溝出焉案近刻訛作側則溝出焉洹水又東逕長樂縣故城南按晉

書地理志曰魏郡有長樂縣也

又東過內黃縣北東入於白溝

洹水逕內黃縣北東流注於白溝世謂之洹口也案口近刻訛作水許慎說文呂忱字林並云洹水出晉魯之

間昔聲伯夢涉洹水或與已瓊瑰而食之案已近刻訛作其泣而又為瓊瑰盈其懷矣案為近刻訛作與從而歌曰濟

洹之水贈我以瓊瑰歸乎歸乎瓊瑰盈吾懷乎後言之之暮而卒案近刻脫之字即是水也

濁漳水 清漳水

濁漳水出上黨長子縣西發鳩山。案此下原本及近刻有之漳水焉四字因注

漳水出鹿谷山。案原本及近刻脫漳水二字及山字太平御覽引此注云漳水出鹿谷山據以訂正與發鳩連麓而在南淮南子謂之發苞山故

異名互見也。左則陽泉水注之。右則繖蓋水入焉。案繖蓋水入焉近刻三源同出一山但以南北為別耳

東過其縣南。

又東堯水自西山東北流。逕堯廟北。又東逕長子縣故城南。周史辛甲所封邑也。春秋襄公十八年晉

人執衛行人石買於長子。即是縣也。秦置上黨郡治此。其水東北流入漳水。漳水東會於梁水。梁水出

南梁山。北流逕長子縣故城南。案逕近刻作至竹書紀年曰梁惠成王十二年鄭取屯留尚子涅案近刻訛作沮尚子

即長子之異名也。梁水又北入漳水。

屈從縣東北流。案此下近刻衍注字

陶水南出陶鄉。案近刻訛作南出南陶北流逕長子城東西轉逕其城北。東注於漳水。

又東過壺關縣北。又東北過屯留縣南。案此八字近刻移在後潞縣北之上又脫南字

漳水東逕屯留縣南。又屈逕其城東。東北流。有絳水注之。案此下近刻有絳字水西出穀遠縣東發鳩之谷。謂之

為濫水也。案謂之下。近刻有絳水西出。穀遠縣七字。係複上衍文。東逕屯留縣故城南。故留吁國也。案吁。近刻訛作于。潞氏之屬。春秋襄

公十八年。晉人執孫蒯于純留是也。其水東北流。入於漳。故桑欽云。絳水出屯留西南。案出。近刻訛作逕。東入

漳。漳水又東。涑水注之。案涑。原本及近刻。並訛作陳。下同。今據說文改正。水西出發鳩山。案西出。近刻訛作出西。東逕余吾縣故城南。漢

光武建武六年。封景丹子尙為侯國。案子尙。近刻訛作尙子。涑水又東。逕屯留縣故城北。竹書紀年。梁惠成王元

年。韓共侯趙成侯遷晉桓公於屯留。史記趙肅侯奪晉君端氏而徙居之。此矣。其水又東流。注於漳。故

許慎曰。水出發鳩山入漳。案原本及近刻。並訛作關。從水東聲也。案東。原本及近刻。並訛作章。漳水又東北。案近刻脫此三字。逕壺關縣

故城西。又屈逕其城北。故黎國也。有黎亭。縣有壺口關。故曰壺關矣。呂后元年。立孝惠後宮子武為侯

國。漢有壺關三老公。乘輿上書訟衛太子。即邑人也。縣在屯留東。不得先壺關而後屯留也。漳水歷鹿

臺山。與銅鞮水合。案近刻脫銅字。水出銅鞮縣西北石陞山。東流與專池水合。水出八特山。東北流入銅鞮水。

銅鞮水又東南。合女諫水。案合。近刻訛作逕。水西北出好松山。案近刻脫出字。東南流。北則葦池水與公主水。合而右

注之。南則榆交水與皇后水。合而左入焉。亂流東南。注於銅鞮水。銅鞮水又東。逕李熹墓。墓前有碑。碑

石破碎。故李氏以太和元年立之。其水又東。逕故城北。城在山阜之上。下臨岫壑。東西北三面。阻袤二

里。世謂之斷梁城。即故縣之上虓亭也。銅鞮水又東。逕銅鞮縣故城北。城在水南山中。晉大夫羊舌赤

銅鞮伯華之邑也。漢高祖破韓王信於此縣。銅鞮水又東南流。逕頃城西。即縣之下虓聚也。地理志曰。

縣有上虓亭下虓聚者也。銅鞮水又南逕胡邑西。又東屈逕其城南。又東逕襄垣縣入於漳。漳水又東北流逕襄垣縣故城南。王莽之上黨亭。

潞縣北

縣故赤翟潞子國也。其相豐舒有雋才而不以茂德。晉伯宗數其五罪。使荀林父滅之。闕駟曰。有潞水為冀州浸。即漳水也。余按燕書。王猛與慕容評相遇於潞川也。評障錮山泉。案近刻脫評字。鬻水與軍。入絹匹。

水二石。無佗大川。可以為浸。案近刻脫無字。所有巨浪長湍。惟漳水耳。故世人亦謂濁漳為潞水矣。縣北對故

臺壁。案近刻訛作壁臺下同。漳水逕其南。本潞子所立也。世名之為臺壁。慕容垂伐慕容永於長子。軍次潞川。永

率精兵拒戰。阻河自固。垂陣臺壁。一戰破之。即是處也。漳水於是左合黃須水口。案合近刻訛作右。水出臺壁

西張諱巖下。世傳巖赤則土羅兵害。故惡其變化無常。恆以石粉汙之。令白。是以俗目之為張諱巖。其

水南流。逕臺壁西。又南入於漳。漳水又東北歷望夫山。山之南有石人。竚於山上。狀有懷於雲表。因以

名焉。有涅水。案涅近刻訛作洹。西出覆甑山。而東流與西湯溪水合。水出涅縣西山湯谷。五泉俱會。謂之五會

之泉。交東南流。謂之西湯水。又東南流注涅水。涅水又東逕涅縣故城南。案近刻涅下有氏字。考地理志上黨郡涅氏。後漢為涅縣

縣氏涅水也。東與白雞水合。水出縣之西山。東逕其縣北。東南流入涅水。涅水又東南。案此下近刻衍與字。武鄉

水會焉。水源出武山西南。逕武鄉縣故城西。而南得清谷口。案而南下近刻衍出字。水源出東北長山清谷西南

與鞞鞞白壁二水合。案近刻鞞訛作鞞。壁訛作壁。南入武鄉水。又南得黃水口。黃水三源。同注一壑。東南流與隱室

水合。水源西北出隱室山。東南注黃水。案源近刻訛作流。黃訛作潢。又東入武鄉水。武鄉水又東南注於涅水。涅水

又東南流。注於漳水。漳水又東逕礪陽城北。倉谷水入焉。案谷近刻訛作石。下同。水出林慮縣之倉谷溪。東北逕

魯班門西。雙闕昂藏。案近刻脫雙字。石壁霞舉。左右結石修防。崇基仍存。北逕偏橋東。即林慮之嶠嶺。抱犢固

也。石墜西陞。陟踵脩上五里餘。嶧路中斷四五丈。中以木為偏橋。劣得通行。亦言故有偏橋之名矣。自

上猶須攀蘿捫葛。方乃自津山頂。即庾袞眩墜處也。案原本及近刻並訛作即。庾袞眩墜處也。考晉書庾袞傳。袞適林慮山。石勒來攻。乃相與登大頭山。而

因于其下。將收穫。命子袖與之下山。中途目眩。墜崖而死。可證此舉。庾袞誤作庚。又脫袞字。倉谷溪水又北合白木溪。溪水出壺關縣東白木

川。東逕百晦城北。蓋同仇池百頃之稱矣。又東逕林慮縣之石門谷。又注於倉溪水。倉溪水又北逕礪

陽城東。而北流。注於漳水。漳水又東逕葛公亭北。而東注矣。

又東過武安縣。

漳水於縣東。案漳水下。近刻衍逕字。清漳水自涉縣東南來注之。案近刻脫漳字。世謂決入之所。為交漳口也。案

近刻訛作謂。又東出山。過鄴縣西。

漳水又東逕三戶峽。為三戶津。張晏曰。三戶地名也。在梁期西南。孟康曰。津。峽名也。在鄴西四十里。又

又東出山。過鄴縣西。

東。汙水注之。案汙近刻水出武安縣山。東南流逕汙城北。案汙城近刻昔項羽與蒲將軍英布濟自三

戶。破章邯於是水。汙水東注於漳水。漳水又東逕武城南。世謂之梁期城。梁期在鄴北。俗亦謂之兩期

城。皆爲非也。司馬彪郡國志曰。鄴縣有武城。武城卽期城矣。漳水又東北逕西門豹祠前。祠東側有碑。

隱起爲字。祠堂東頭石柱。勒銘曰。趙建武中所修也。案建近刻魏文帝述征賦曰。羨西門之嘉迹。忽遙

睇其靈宇。漳水右與枝水合。其水上承漳水於邯會西。而東別與邯水合。水發源邯山。東北逕邯會縣

故城西。北注枝水。案枝原本及近刻故曰邯會也。張晏曰。漳水之別自城西南。與邯山之水會。今城旁

猶有溝渠存焉。漢武帝元朔二年。封趙敬肅王子劉仁爲侯國。其水又東北入於漳。昔魏文侯以西門

豹爲鄴令也。引漳以溉。鄴民賴其用。其後至魏襄王。以史起爲鄴令。又堰漳水以灌鄴田。咸成沃壤。百

姓歌之。魏武王又竭漳水。迴流東注。號天井堰。二十里中。案近刻脫作十二堰。堰相去三百步。令互相

灌注。一源分爲十二流。皆懸水門。陸氏鄴中記云。水所溉之處。名曰堰陵澤。案原刻作故左思之賦。魏

都謂澄流十二。同源異口者也。魏武之攻鄴也。引漳水以圍之。獻帝春秋曰。司空鄴城圍周四十里。初

淺而狹。如或可越。審配不出。爭利望而笑之。司空一夜增修。廣深二丈。引漳水以注之。遂拔鄴。本齊桓

公所置也。故管子曰。築五鹿中牟。鄴以衛諸夏也。後屬晉。魏文侯七年。始封此地。案此近刻故曰魏也。

漢高帝十二年。置魏郡治鄴縣。王莽更名魏城。後分魏郡置東西部都尉。故曰三魏。魏武又以郡國之

舊引漳流自城西東入。逕銅雀臺下。伏流入城。東注。謂之長明溝也。渠水又南。逕止車門下。魏武封於

鄴。為北宮。宮有文昌殿。溝水南北夾道。枝流引灌。所在通漑。東出石竇。堰下。案近刻脫堰字。注之隍水。案隍。近

故魏武登臺賦曰。引長明灌街里。謂此渠也。石氏於文昌故殿處。造東西太武二殿。於濟北穀城之

山。案穀。近刻。採文石為基。一基下五百武。直宿衛屈柱。跌瓦。悉鑄銅為之。金漆圖飾焉。又徙長安洛陽

銅人。置諸宮前。以華國也。城之西北有三臺。皆因城為之基。案近刻。訛。巍然崇舉。其高若山。建安十五

年。魏武所起。平坦略盡。春秋古地云。葵丘地名。今鄴西三臺是也。案近刻。脫三字。謂臺已平。或更有見。意所未

詳。中曰銅雀臺。案中上。近。刻。有。其。字。高十丈。有屋百一間。案一。近。刻。作。餘。臺成。命諸子登之。並使為賦。陳思王下筆成章。

美捷當時。亦魏武望奉常王叔治之處也。昔嚴才與其屬攻掖門。脩聞變。車馬未至。便將官屬步至宮

門。太祖在銅雀臺。望見之。曰。彼來者。必王叔治也。相國鍾繇曰。舊京城有變。九卿各居其府。卿何來也。

脩曰。食其祿焉。避其難。居府雖舊。非赴難之義。時人以為美談矣。石虎更增二丈。立一屋。連棟接榱。彌

覆其上。盤迴隔之。名曰命子窟。又於屋上起五層樓。高十五丈。去地二十七丈。又作銅雀於樓巔。舒翼

若飛。南則金虎臺。案虎。近刻。訛。作。雀。高八丈。有屋百九間。北曰冰井臺。亦高八丈。有屋百四十五間。案近刻。上

有冰室。室有數井。井深十五丈。藏冰及石墨焉。石墨可書。又燃之難盡。亦謂之石炭。又有粟窖及鹽窖。

案近刻。訛。作。及。監。脫。窖。字。以備不虞。今窖上猶有石銘存焉。左思魏都賦曰。三臺列峙。而崢嶸者也。城有七門。南曰

鳳陽門。中曰中陽門。次曰廣陽門。東曰建春門。北曰廣德門。次曰廐門。西曰金明門。一曰白門。鳳陽門。三臺洞開。高三十五丈。石氏作層觀架其上。置銅鳳頭。高一丈六尺。東城上石氏立東明觀。觀上加金博山。謂之鏘天。北城上有齊斗樓。案斗近刻超出羣榭。孤高特立。其城東西七里。南北五里。飾表以塼。百步一樓。凡諸宮殿門臺隅雉。皆加觀榭。層臺反字。案近刻訛飛檐拂雲。圖以丹青。色以輕素。當其全盛之時。去鄴六七十里。遠望茗亭。巍若仙居。魏因漢祚。復都洛陽。以譙爲先人本國。許昌爲漢之所居。長安爲西京之遺迹。鄴爲王業之本基。故號五都也。今相州刺史及魏郡治。漳水自西門豹祠北逕。趙閱馬臺西。基高五丈。列觀其上。石虎每講武於其下。升觀以望之。虎自臺上放鳴鏑之矢。以爲軍騎出入之節矣。漳水又北逕祭陌西。戰國之世俗巫爲河伯。取婦祭於此陌。魏文侯時。西門豹爲鄴令。約諸三老曰。爲河伯娶婦。幸來告知。案幸近刻吾欲送女。皆曰諾。至時。三老廷掾賦斂百姓。取錢百萬。巫覡行里中。有好女者。祝當爲河伯婦。案祝近刻以錢三萬聘女。沐浴脂粉如嫁狀。豹往會之。三老巫掾與民咸集赴觀。巫嫗年七十。從十女弟子。豹呼婦視之。以爲非妙。令巫嫗入報河伯。投巫於河中。有頃。曰何久也。又令三弟子及三老入白。並投於河。豹磬折曰。案磬近刻三老不來。奈何。復欲使廷掾豪長趣之。皆叩頭流血。乞不爲河伯取婦。淫祀雖斷。地留祭陌之稱焉。又慕容儁投石虎尸處也。田融以爲紫陌也。趙建武十一年。造紫陌浮橋於水上。爲佛圖澄。先造生墓於紫陌。建武十五年卒。十二月葬焉。卽此

處也。漳水又對趙氏臨漳宮。宮在桑梓苑。多桑木。故苑有其名。三月三日。及始蠶之月。虎帥皇后及夫人。採桑於此。今地有遺桑。墉無尺雉矣。漳水又北。滏水入焉。案滏近刻訛作溢。又太平御覽引水經注曰。滏水發源出石鼓山南巖下。泉奮湧。湜湜如湯。其水冬溫夏冷。崖上有魏世所立銘。水上有祠。能興雲雨。滏水東流。注于漳。謂之合河。文當在此句之下。原本及近刻並脫落。漳水又東。逕梁期城南。地理風俗記曰。鄴北五十里有梁期城。故縣也。漢武帝元鼎五年。封任破胡為侯國。晉惠帝永興元年。驃騎王浚遣烏丸渴末。逕至梁期。候騎到鄴。成都王穎遣將軍石超討末。為末所敗於此也。案近刻脫也字。又逕平陽城北。竹書紀年曰。梁惠成王元年。鄴師敗邯鄲師於平陽者也。案近刻脫敗字。司馬彪郡國志曰。鄴有平陽城。即此地也。

又東過列人縣南。

漳水又東。右逕斥丘縣北。即裴縣故城南。王莽更名之曰。即是也。地理風俗記曰。列人縣西南六十里有即裴城。故縣也。漳水又東北。逕列人縣故城南。王莽更名之為列治也。竹書紀年曰。梁惠成王八年。惠成王伐邯鄲。取列人者也。於縣右合白渠故瀆。白渠水出魏郡武安縣欽口山。東南流逕邯鄲縣南。

又東與拘澗水合。案澗原本及近刻並訛作澗。下同。今據漢書改正。水導源武始東山白渠北。俗猶謂是水為拘河也。拘澗水

又東。案原本及近刻並訛作白渠水。又東。今改正。又有牛首水入焉。水出邯鄲縣西堵山。東流分為二水。洪湍雙逝。澄映南

川。漢景帝時。七國悖逆。案七近刻訛作六。命曲周侯酈寄攻趙園邯鄲。相捍七月。案近刻訛作日。引牛首拘水灌城。城

壞。王自殺。其水東入邯鄲城。逕溫明殿南。漢世祖擒王郎。幸邯鄲。晝臥處也。其水又東逕叢臺南。六國時。趙王之臺也。郡國志曰。邯鄲有叢臺。故劉劭趙都賦曰。結雲閣於南宇。立叢臺於少陽者也。今遺基舊墉尚在。其水又東歷邯鄲阜。張晏所謂邯山在東城下者也。曰單盡也。城郭從邑。邯鄲之名。蓋指此以立稱矣。故趙郡治也。長沙耆舊傳稱桓楷爲趙郡太守。嘗有遺囊粟於路者。行人掛囊粟於樹。莫敢取之。卽於是處也。其水又東流出城。又合成一川也。又東澄而爲渚。渚水東南流。案近刻訛作沁水東南涓注拘澗水。又東入白渠。又東故瀆出焉。一水東爲澤渚。曲梁縣之雞澤也。國語所謂雞丘矣。東北通澄湖。白渠故瀆南出。所在枝分。右出卽邯溝也。歷邯溝縣故城東。蓋因溝以氏縣也。地理風俗記曰。卽裴城西北二十里有邯溝城。故縣也。又東逕肥鄉縣故城北。竹書紀年曰。梁惠成王八年。伐邯鄲。取肥者也。晉書地道記曰。太康中立以隸廣平也。渠道交徑。互相纏縻。與白渠同歸。逕列人。右會漳津。今無水。地理志曰。白渠東至列人入漳是也。

又東北過斥漳縣南。

應劭曰。其國斥鹵。故曰斥漳。漢獻帝建安十八年。魏太祖鑿渠。引漳水東入清洹。以通河漕。名曰利漕。渠漳津。故瀆水。斷舊溪。東北出。案舊字近刻訛在斷字上涓流瀦注而已。尙書所謂覃懷底績。至於衡漳者也。孔安國曰。衡。橫也。言漳水橫流也。案言下近刻衍覃字又東北逕平恩縣故城西。應劭曰。縣故館陶之別鄉。漢宣帝地。

節三年置案近刻訛作元以封后父許伯為侯國王莽更曰延平也案平近刻訛作年

又東北過曲周縣東又東北過鉅鹿縣東

衡漳故瀆東北逕南曲縣故城西地理志廣平有南曲縣案近刻訛作曲周縣應劭曰平恩縣北四十里有南曲

亭故縣也又逕曲周縣故城東地理志曰漢武帝建元四年置王莽更名直周余按史記大將軍酈商

以高祖六年封曲周縣為侯國又考漢書同案近刻訛作史記同是知曲周舊縣非始孝武嘯父案近刻訛作蓋商冀州

人在縣市補履數十年案近刻脫十字人奇其不老求其術而不能得也衡漳又北逕巨橋邸閣西舊有大梁

橫水故有巨橋之稱昔武王伐紂發巨橋之粟以賑殷之饑民服虔曰巨橋倉名許慎曰案近刻脫此三字鉅

鹿水之大橋也今臨側水湄左右方一二里中狀若丘墟蓋遺囿故窖處也衡水又北逕鉅鹿縣故城

東應劭曰鹿者林之大者也尚書曰堯將禪舜納之大麓之野烈風雷雨不迷致之以昭華之玉而縣

取目焉路溫舒縣之東里人父為里監門使溫舒牧羊澤中取蒲牒用寫書即此澤也鉅鹿郡治秦始

皇二十五年滅趙以為鉅鹿郡漢景帝中元年案近刻重一元字為廣平郡武帝征和二年案近刻訛作三年以封趙

敬肅王子為平于國案近刻訛作為廣平侯國世祖中興更為鉅鹿也鄭玄注尚書引地說云大河東北流過絳水

千里至大陸為地腹如志之言大陸在鉅鹿地理志曰水在安平信都鉅鹿與信都相去不容此數也

水土之名變易世失其處見降水則以為絳水故依而廢讀或作絳字非也今河內共北山案近刻訛作北共山

淇水出焉。案淇水下近刻有共水二字係衍文東至魏郡黎陽入河。近所謂降水也。降讀當如郟降於齊師之降。案郟近刻訛作

城。蓋周時國於此地者。案近刻脫此字惡言降故改云共耳。案云近刻訛作之又今河所從去大陸遠矣。館陶北屯氏

河其故道與。余按鄭玄據尚書有東過洛汭至於大伾北過降水至於大陸推次言之故以淇水為降

水其城為降城所未詳也。稽之羣書共縣本共和之故國。案本上近刻衍故字是有其名不因惡降而更稱。案近刻脫

字。禹著山經淇出沮洳淇澳。衛詩列目又遠當非改絳革為今號。但是水導源共北山。案近刻訛作共出北玄欲

成降義。案欲下近刻有因字義訛作議故以淇水為降水耳。即如玄引地說黎陽距鹿非千里之逕直信都於大陸者

也。案此語有舛誤惟屯氏北出館陶事近之矣。按地理志云絳水發源屯留下亂漳津是乃與漳俱得通稱故

水流間關所在著目信都復見絳名而東入於海尋其川脈無他殊瀆而衡漳舊道與屯氏相亂。案近刻脫

氏乃書有過降之文。案近刻脫文字與地說千里之誌。案近刻地說二即之途致與書相鄰河之過降當應此

矣。下至大陸不異經說自寧迄於鉅鹿出於東北皆為大陸語之纏絡厥勢眇矣。九河既播八枝代絕

案枝近刻訛作牧遺迹故稱往往時存故禹般列於東北徒駭瀆聯漳絳同逆之狀粗分陂障之會猶在按經

考瀆自安故目矣。漳水又歷經縣故城西水有故津謂之薄落津昔袁本初還自易京上已屆此率其

賓從禊飲於斯津矣。衡漳又逕沙丘臺東紂所成也在鉅鹿故城東北七十里趙武靈王與秦始皇並

死於此矣。又逕銅馬祠東漢光武廟也更始三年秋光武追銅馬於館陶大破之遂降之賊不自安世

祖令其歸營。乃輕騎行其壘。賊乃相謂曰：蕭王推赤心置人腹中，安得不投死乎？遂將降人，分配諸將，衆數十萬人。故關西號世祖曰銅馬帝也。祠取名焉。廟側有碑，述河內脩武縣張導，字景明，以建和三年爲鉅鹿太守，漳津汎濫，土不稼穡，導披按地圖，與丞彭參掾馬道嵩等，原其逆順，揆其表裏，修防排通，以正水路，功績有成，民用嘉賴。題云漳河神壇碑，而俗老耆儒，猶揭斯廟爲銅馬劉神寺。案揭近刻訛作謁

是碑頃因震裂，餘半不可復識矣。又逕南宮縣故城西。漢惠帝元年，以封張越人子買爲侯國。王莽之序中也。其水與隅醴通爲衡津。案隅說文作澗又有長蘆淫水之名，絳水之稱矣。今漳水旣斷，絳水非復纏落矣。又北絳瀆出焉。今無水。故瀆東南逕九門城南，又東南逕南宮城北，又東南逕繚城縣故城北。十三州志曰：經縣東五十里有繚城，故縣也。左逕安城南，故信都之安城鄉也。更始二年，和戎卒正邳彤。案刻訛作和城與上會信都南安城鄉。上大悅，卽此處也。故瀆又東北逕辟陽亭。漢高帝六年，封審食其爲侯國。王莽之樂信也。地理風俗記曰：廣川西南六十里有辟陽亭，故縣也。絳瀆又北逕信都城東，散入澤渚。西至於信都城東，連於廣川縣之張甲，故瀆同歸於海。故地理志曰：禹貢絳水，在信都東，入於海也。

又北過堂陽縣西。

衡水自縣分爲二水。案縣近刻訛作颺其一水北出逕縣故城西。世祖自信都以四千人先攻堂陽，降水者也。

水上有梁。謂之旅津渡。商旅所濟故也。其右水東北注。出石門。石門崩。餘基殆在。謂之長蘆水。蓋變

引葭之名也。長蘆水東逕堂陽縣故城南。應劭曰。縣在堂水之陽。穀梁傳曰。水北為陽也。今於縣故城

南。案縣字近刻。訛在故字下。更無別水。惟是水東出。可以當之。斯水蓋包堂水之兼稱矣。長蘆水又東逕九門城北。

案城近刻。訛作波。又脫北字。故縣也。又東逕扶柳縣故城南。案扶柳原本及近刻並訛。作扶都。今據漢書改正。世祖建武三十年。封寇恂子

損為侯國。案損近刻。訛作楫。又東屈北逕信都縣故城西。信都郡治也。漢高帝六年置。景帝中二年。案近刻為脫中字。為

廣川。惠王越國王莽更為新博縣。曰新博亭。光武自薊至信都是也。明帝永平十五年。更名樂成。安帝

延光中。改曰安平。城內有漢冀州從事安平趙徵碑。又有魏冀州刺史陳留丁紹碑。青龍三年立。城南

有獻文帝南巡碑。案近刻脫文字。其水側城北注。又北逕安陽城東。又北逕武陽城東。十三州志曰。扶柳縣東

北有武陽城。故縣也。又北為博廣池。池多名蟹。佳蝦。歲貢。王朝以充膳府。又北逕下博縣故城東。而北

流注於衡水也。

又東北過扶柳縣北。又東北過信都縣西。

扶柳縣故城。在信都城西。衡水逕其西。案絳瀆之左出者。北逕信都城東。長蘆水自扶柳城南屈北。逕

誤。故道。元正之。縣有扶澤。澤中多柳。故曰扶柳也。衡水又北逕昌城縣故城西。地理志。信都有昌城縣。案今漢

成。無。漢武帝以封城陽頃王子劉差為侯國。闕駟曰。昌城本名阜城矣。應劭曰。堂陽縣北三十里有昌

城故縣也。世祖之下堂陽。昌城人劉植率宗親子弟據邑以奉世祖是也。又逕西梁縣故城東。地理風

俗記曰扶柳縣西北五十里有西梁城。案近刻脫西字故縣也。世以為五梁城。蓋字狀致謬耳。衡漳又東北逕

桃縣故城北。漢高祖十二年封劉襄為侯國。王莽改之曰桓分也。合斯浚故瀆。斯浚水首受大白渠。大

白渠首受綿蔓水。綿蔓水上承桃水。水出樂平郡之上艾縣。東流世謂之曰桃水。東逕靖陽亭南。故關

城也。又北流逕井陘關。下注澤。發水亂流。東北逕常山蒲吾縣西。而桃水出焉。南逕蒲吾縣故城西。又

東南流逕桑中縣故城北。世謂之石勒城。蓋趙氏增城之。案城近刻訛作成故壇其曰。俗又謂之高功城。案近刻脫

俗字城下有也字地理志曰侯國也。桃水又東南流逕綿蔓縣故城北。王莽之綿延也。世祖建武二年封郭況

為侯國。自下通謂之綿蔓水。綿蔓水又東流逕樂陽縣故城西。右合井陘山水。水出井陘山。世謂之鹿

泉水。案此下近刻有也字東北流。屈逕陳餘壘西。案近刻訛作而俗謂之故壁城。昔在楚漢。韓信東入。餘拒之於此。不納

左車之計。悉眾西戰。信遣奇兵自間道出。立幟於其壘。師奔失據。遂死泚上。其水又屈逕其壘南。又南

逕城西。東注綿蔓水。綿蔓水又屈從城南。俗名曰臨清城。非也。地理志曰侯國矣。王莽更之曰暢苗者

也。案暢近刻訛作申東觀漢記曰。案記近刻訛作書光武使鄧禹發房子兵二千人。以銚期為偏將軍。別攻真定。宋子

餘。賊拔樂陽。稟肥壘者也。案拔近刻訛作援綿蔓水又東逕烏子堰。枝津出焉。又東謂之大白渠。地理志所謂

首受綿蔓水者也。白渠水又東南逕關縣故城北。案關原本及近刻訛作開今改正地理志常山之屬縣也。又東為成

郎河水。上有大梁。謂之成郎橋。又東逕耿鄉南。世祖封前將軍耿純為侯國。世謂之宜安城。又東逕宋

子縣故城北。又謂之宋子河。漢高帝八年封許癭為侯國。案癭近刻王莽更名宜子。昔高漸離擊筑備

工。案近刻脫高字。備訛作傳。自此入秦。又東逕敬武縣故城北。按地理志。鉅鹿之屬縣也。漢元帝封女敬武公主為

湯沐邑。闕駟十三州記曰。楊氏縣北四十里有敬武亭。案近刻故縣也。今其城實中小邑耳。故俗名之

曰敬武壘。即古邑也。白渠水又東。謂之斯浚水。地理志曰。大白渠東南至下曲陽。入斯浚者也。案近刻

至曲陽入。浚河者也。東分為二水。枝津右出焉。東南流。謂之百尺溝。又東南逕和城北。世謂之初丘城。非也。漢高

帝十一年封郎中公孫昔為侯國。案昔近刻又東南逕貫城西。案貫近刻漢高帝六年封呂博為侯

國。百尺溝東南散流。逕歷鄉東而南入泚湖。東注衡水也。斯浚水自枝津東逕貫城北。又東積而為陂。

謂之陽廩淵。淵水左納白渠。枝水俗謂之泚水。水承白渠於藁城縣之烏子堰。案近刻又東逕肥壘縣

之故城南。又東逕陳臺南。臺甚寬廣。今上陽臺屯居之。又東逕新豐城北。按地理志云。鉅鹿有新市縣。

侯國也。王莽更之曰樂市。而無新豐之目。所未詳矣。其水又東逕昔陽城南。世謂之曰直陽城。非也。本

鼓聚矣。春秋左傳昭公十五年。晉荀吳帥師伐鮮虞。圍鼓三月。鼓人請降。穆子曰。猶有食色。不許。軍吏

曰。獲城而弗取。勤民而頓兵。何以事君。穆子曰。獲一邑而教民怠。將焉用邑也。案近刻無也字。有邑以

後人以左傳賈怠無卒。棄舊不祥。鼓人能事其君。我亦能事吾君。率義不爽。好惡不愆。城可獲也。案近

也字有而民知義所五有死義而無二心不亦可乎鼓人告食竭力盡而後取之克鼓而返不戮一人

字亦後人以左傳增改以鼓子鳶鞮歸既獻而返之鼓子又叛荀吳略東陽使師偽糴負甲息於門外案近刻脫外字襲而滅之以鼓

子鳶鞮歸使涉佗守之者也十三州志曰今其城昔陽亭是矣京相璠曰白狄之別也下曲陽有鼓聚

故鼓子國也白渠枝水又東逕下曲陽城北案枝原本及近刻並訛作沘復脫下字又逕安鄉縣故城南地理志曰侯國

也又東逕貫縣案近刻訛作育縣入斯浹水斯浹水又東逕西梁城南又東北逕樂信縣故城南地理志鉅鹿

屬縣侯國也又東入衡水衡水又北為袁譚渡蓋譚自鄴往還所由故濟得厥名

又東北過下博縣之西

衡水又北逕鄆縣故城東竹書紀年梁惠成王三十年秦封衛鞅於鄆改名曰商即此是也故王莽改

曰秦聚也地理風俗記曰縣北有鄆阜蓋縣氏之又右逕下博縣故城西王莽改曰閏博應劭曰太山

有博故此加下漢光武自滹沱南出至此失道不知所以遇白衣老父曰信都為長安守去此八十里

世祖赴之任光開門納焉漢氏中興始基之矣尋求老父不得案老父近刻訛作父老議者以為神衡漳又東北

歷下博城西透迤東北注謂之九繹案近刻訛作爭西逕樂鄉縣故城南王莽更之曰樂丘也又東引葭水注

之案近刻作列葭水注也

又東北過阜城縣北又東北至昌亭與滹沱河會

經敍阜城於下博之下。昌亭之上。考地非比。於事爲同。勃海阜城。又在東昌之東。故知非也。案後漢安平國之阜

城。即前漢信都國之昌成。故道。元明其非勃海之阜城也。漳水又東北逕武邑郡南。魏所置也。又東逕武強縣北。又東北逕武隧縣

故城南。按史記秦破趙將扈輒於武隧。斬首十萬。即於此處也。王莽更名桓隧矣。白馬河注之。水上承

漳沱。東逕樂鄉縣北。饒陽縣南。又東南逕武邑郡北而東入衡水。謂之交津口。衡漳又東逕武邑縣故

城北。王莽之順桓也。晉武帝封子於縣。以爲王國。後分武邑武隧觀津爲武邑郡。治此。衡漳又東北。右

合張平口。故溝上承武強淵。淵之西南。案此下。近刻衍之字。側水有武強縣故治。故淵得其名焉。東觀漢記曰。光

武拜王梁爲大司空。以爲侯國。耆宿云。邑人有行於途者。見一小蛇。疑其有靈。持而養之。名曰擔生。長

而吞噬人。里中患之。遂捕繫獄。擔生負而奔。邑淪爲湖。縣長及吏咸爲魚矣。今縣治東北半里許。落水

淵水。又東南結而爲湖。又謂之郎君淵。耆宿又言。縣淪之日。其子東奔。又陷於此。故淵得郎君之目矣。

淵水北通。謂之石虎口。又東北爲張平澤。澤水所泛。北決堤口。謂之張刀溝。北注衡漳。案近刻訛作衡河。謂之

張平口。亦曰張平溝。水溢則南注。水耗則輟流。衡漳又逕東昌縣故城北。經所謂昌亭也。王莽之田昌

也。俗名之曰東相。案近刻脫曰字。蓋相昌聲韻合。故致茲誤矣。西有昌城。故目是城爲東昌矣。衡漳又東北。左

會漳沱故瀆。謂之合口。衡漳又東北分爲二川。當其水洑處。名之曰李聰渙。

又東北至樂成陵縣北別出。案近刻訛作別出北。

衡漳於縣無別出之瀆。出縣北者。案近刻脫出字乃滹沱別水。分滹沱故瀆之所纏絡也。衡漳又東分爲二水。

左出爲向氏口。瀆水自此決入也。案近刻訛作溝水自始決水也衡漳又東逕弓高縣故城北。漢文帝封韓王信之子

韓隤當。案近刻訛作高帝封韓信兄子韓隤當爲侯國。王莽之樂成亭也。衡漳又東北右合柏梁澆。水上承李聰渙。東北

爲柏梁澆。東逕蒲領縣故城南。案蒲近刻訛作扶漢武帝元朔三年封廣川惠王子劉嘉。案近刻脫惠字爲侯國。地理

風俗記云。脩縣西北八十里有蒲領鄉。故縣也。又東北會桑社枝津。案社近刻訛作杜下同又東北逕弓高城北。

又東注衡漳。謂之柏梁口。衡漳又東北右會桑社溝。溝上承從陂。世稱盧達從薄。亦謂之摩訶河。案近刻訛

作詞摩河。東南通清河。西北達衡水。春秋雨泛。案此下近刻有漳澤津渚今五字係衍文觀津城北方二十里。盡爲澤藪。蓋水所

鍾也。其瀆逕觀津縣故城北。樂毅自燕降趙。封之於此邑。號望諸君。王莽之朔定亭也。又南屈東。逕竇

氏青山南側。堤東出青山。卽漢文帝竇后父少翁冢也。少翁是縣人。案近刻脫少翁二字遭秦之亂。漁釣

隱身。墜淵而死。景帝立。后遣使者填以葬。父起大墳於觀津城東南。故民號曰青山也。又東逕董仲舒

廟南。仲舒廣川人也。世猶謂之董府君祠。春秋禱祭不輟。舊溝又東逕脩市縣故城北。案脩近刻訛作循下同漢

宣帝本始四年。封清河綱王子劉寅爲侯國。王莽更之曰居寧也。俗謂之溫城。非也。地理風俗記曰。脩

縣西北二十里。有脩市城。故縣也。又東會從陂。陂水南北十里。東西六十步。子午潭漲。淵而不流。亦謂

之桑社淵。從陂南出。夾堤東派。逕脩縣故城北。東合清漳。漳泛則北注。澤盛則南播。津流上下。互相逕

通案近刻從陂北出東北分爲二川一川北逕弓高城西而北注柏梁澇一川東逕弓高城南又東北

楊津溝水出焉案楊近刻作陽下同又此下原本及近刻有左瀆北入衡衡水東逕阜城縣故城北樂

成縣故城南河間郡治地理志曰故趙也漢文帝二年案近刻脫別爲國應劭曰在兩河之間也景帝

九年封子德爲河間王是爲獻王王莽更名郡曰朔定縣曰陸信褚先生曰漢宣帝地節三年封大將

軍霍光兄子山爲侯國也章帝案近刻訛作封子開於此桓帝案桓帝上近追尊祖父孝王開爲孝穆

王以其邑奉山陵故加陵曰樂成陵也案近刻今城中有故池方八十步舊引衡水北入城注池池北

對層臺基隍荒蕪示存古意也

又東北過成平縣南案近刻此下有合清河三字

衡水又東逕建成縣故城南案漳近刻按地理志故屬勃海郡褚先生曰漢昭帝元鳳三年封丞相黃

霸爲侯國也成平縣故城在北漢武帝元朔三年封河間獻王子劉禮爲侯國王莽之澤亭也城南北

相直衡水又東右會楊津溝水水自陂案此三字近刻東逕阜城南地理志勃海有阜城縣王莽更名

吾城者非經所謂阜城也建武十五年世祖更封大司馬王梁爲侯國楊津溝水又東北逕建成縣左

入衡水謂之楊津口衡水又東左會滹沱別河故瀆又東北入清河謂之合口又逕南皮縣之北皮亭

而東北逕浮陽縣西東北注也案近刻

又東北過章武縣西。又東北過平舒縣南，東入海。

清漳逕章武縣故城西。案逕近刻作自故濊邑也。枝瀆出焉，謂之濊水。東北逕參戶亭。案戶近刻訛作后，下同。分爲二瀆。

應劭曰：平舒縣西南五十里有參戶亭，故縣也。世謂之平虜城。枝水又東注，謂之蔡伏溝。又東積而爲

淀。一水逕亭北，又逕東平舒縣故城南。代郡有平舒城，故加東。地理志：勃海之屬縣也。魏土地記曰：章

武郡治，故世以爲章武故城，非也。又東北分爲二水：一右出爲淀。案一下近刻有水字一水北注，滹沱謂之濊口。

清漳亂流而東注於海。

清漳水出上黨沾縣西北少山大要谷。案要近刻訛作匣南過縣西，又從縣南屈。

淮南子曰：清漳出謁戾山。案謁近刻作揭高誘云：山在沾縣。今清漳出沾縣故城東北，俗謂之沾山。案近刻訛作漳山

後漢分沾縣爲樂平郡。案近刻脫後字治沾縣。水出樂平郡沾縣界。故晉太康地記曰：樂平縣舊名沾縣。案近刻訛

作舊名清漳縣。漢之故縣矣。案近刻脫縣字其山亦曰鹿谷山。水出大要谷，南流逕沾縣故城東，不歷其西也。又南逕

昔陽城。左傳：昭公十二年，晉荀吳僞會齊師者，假道於鮮虞，遂入昔陽。杜預曰：樂平沾縣東有昔陽城

者是也。其水又南得梁榆水口。水出梁榆城西大嶮山，水有二源：北水東南流，逕其城東南，注於南水。

案近刻脫於字南水亦出西山，東逕文當城北，又東北逕梁榆城南，卽闕與故城也。秦伐趙，闕與。案趙近刻訛作韓惠

文王使趙奢救之，奢納許歷之說，破秦於闕與，謂此也。司馬彪袁山松郡國志並言：涅縣有闕與聚，盧

譙征艱賦曰訪梁榆之虛郭弔闕與之舊都案近刻闕駟亦云闕與今梁榆城是也案闕駟二字近漢  
高帝八年封馮解散為侯國案近刻作為闕氏侯國其水左合北水案左近刻  
清漳又東南與轅水相得轅水出轅陽縣西北轅山案轅陽近刻訛  
粟城注於清漳也案轅陽近刻訛  
南流逕轅陽縣故城西南東流至

東過涉縣西屈從縣南

案涉近刻作沙漢志亦作沙沙涉字形相似而三國志有涉長之稱今從原本

按地理志魏郡之屬縣也漳水於此有涉河之稱蓋名因地變也

案近刻脫河字蓋字

東至武安縣南黍窖邑入於濁漳

### 卷十一

#### 易水 澹水

易水出涿郡故安縣閭鄉西山

易水出西山寬中谷

案此道元所謂北易今名中易水

東逕五大夫城南昔北平侯王譚不從王莽之政

案從近刻作同子興

生五子並避時亂隱居此山故其舊居世以為五大夫城即此岳讚云五王在中龐葛連續者也易水

又東左與子莊溪水合水北出子莊關南流逕五公城西屈逕其城南五公即王興之五子也案即近刻作猶

光武即帝位封為五侯元才北平侯益才安熹侯案熹近刻顯才蒲陰侯仲才新市侯季才為唐侯所

謂中山五王也案近刻作中山之五王也俗又以五公名居矣二城並廣一里許俱在岡阜之上上斜而下方案二

下十八字近刻訛在後館之于此下其水東南入於易水易水又東右會女思谷水水出西南女思澗東北流注於易謂

之三會口易水又東屆關門城西南即燕之長城門也與樊石山水合水源西出廣昌縣之樊石山案

上近刻東流逕覆釜山下東流注於易水易水又東歷燕之長城又東逕漸離城南蓋太子丹館高漸

離處也易水又東逕武陽城南案近刻蓋易自寬中歷武夫關東出是兼武水之稱故燕之下都擅武

陽之名左得濡水枝津故瀆武陽大城東南小城即故安縣之故城也漢文帝封丞相申屠嘉為侯國

城東西二里南北一里半高誘云易水逕故安城南城外東流案近刻即斯水也誘是涿人事經明證

案近刻訛作今水被城東南隅案被近刻世又謂易水為故安河武陽蓋燕昭王之所城也東西二十

里南北十七里故傅逮述遊賦日出北薊歷良鄉登金臺觀武陽兩城遼廓舊迹冥芒蓋謂是處也易

水東流而出於范陽

東過范陽縣南又東過容城縣南

易水逕范陽縣故城南案逕下近刻秦末張耳陳餘為陳勝略地燕趙命蒯通說之案命字近刻范

陽先下是也漢景帝中二年案近刻訛作封匈奴降王代為侯國王莽之順陰也案近刻訛作昔慕容

垂之爲范陽也。戍之卽斯。案此十三字近刻訛在後臺北有意欲圖還上京。阻於行旅。造次不獲。遂中

案此十六字近刻訛在後可得而尋下。又上下當有脫文。未詳。易水又東與濡水合。水出故安縣西北窮獨山南谷。案此道元所謂北

東流與源泉水合。水發北溪。東南流注濡水。案南流近刻濡水又東南逕樊於期館西。是其授首於荆

軻處也。濡水又東南流逕荆軻館北。昔燕丹納田生之言。尊軻上卿。館之於此。二館之城。澗曲泉清。山

高林茂。風煙披薄。觸可棲情。方外之士。尙憑依舊居。取暢林木。案二館以下三十三字近刻訛

東逕武陽城西北。案近刻舊竭。濡水枝流南入城。逕柏冢西。冢垣城側。卽水塘也。四周塋域深廣。有若

城焉。案近刻柏訛作垣其水側有數陵墳高壯。望若青丘。詢之古老。訪之史籍。並無文證。以私情求

之。當是燕都之前故墳也。或言燕之墳塋。斯不然矣。其水之故瀆南出。屈而東轉。又分爲二瀆。案此下

一水東注金臺陂一水逕故安城西側。城南注易水。夾塘崇峻。邃岸高深。左右百步。有二釣臺。案近刻

二訛參差交峙。迢遞相望。更爲佳觀矣。其一水東出。注金臺陂。陂東西六七里。南北五里。案近刻訛作

步南有金側陂西北有釣臺。高丈餘。方可四十步。陂北十餘步。有金臺。臺上東西八十許步。南北如減。

案此下近刻有北有小金臺。案近刻脫臺北有蘭馬臺。並悉高數丈。秀峙相對。翼臺左右。水流

徑通。案徑近長廡廣宇。周旋被浦。棟堵咸淪。柱礎尙存。是其基構可得而尋。訪諸耆舊。咸言昭王禮賓。

廣延方士。至如郭隗樂毅之徒。鄒衍劇辛之儔。宦遊歷說之民。自遠而屆者多矣。不欲令諸侯之客。伺

隙燕邦。故脩連下都館之南垂。言燕昭創之於前。子丹踵之於後。故雕牆敗館。尚傳鐫刻之石。案近刻

雖無經記可憑。案近刻訛作察其古跡。似符宿傳矣。案近刻濡水自堰。又東逕紫池堡。西屈而北流。又

有渾塘溝。水注之。水出遼縣西白馬山南溪中。東南流入濡水。濡水又東至塞口。古累石堰水處也。濡

水舊枝。分南入城東大陂。陂方四里。今無水。陂內有泉。淵而不流。際池北側。俗謂聖女泉。濡水又東得

白楊水口。水出遼縣西山白楊嶺下。案縣下近東南流入濡水。時人謂之虎眼泉也。濡水東合檀水。案

刻作檀山水。水出遼縣西北檀山西南。南流與石泉水會。水出石泉固東南隅。水廣二十許步。深三丈。固在

衆山之內。平川之中。四周絕澗。阻水八丈有餘。石高五丈。石上赤土。又高一匹。案近刻訛作四。上有壁

立直上。案近刻作廣四十五步。水之不周者。路不容軌。僅通人馬。謂之石泉固。固上宿有白楊寺。是白

楊山神也。寺側林木交蔭。叢柯隱景。沙門釋法澄。建刹於其上。更爲思玄之勝處也。其水南流。注於檀

水。故俗有并溝之稱焉。案近刻其水又東南流。歷故安縣北。而南注濡水。濡水又東南流。於容城縣西

北大利亭。東南合易水。而注巨馬水也。故地理志曰。故安縣閭鄉。易水所出。至范陽。入濡水。關駟亦言

是矣。又曰。濡水合渠。許慎曰。濡水入涑。涑渠二號。卽巨馬之異名。案巨馬河。注云。卽涑水也。又云。亦曰

名。原本及近刻。兩涑字並訛作深。而說文然二易俱出一鄉。同入濡水。南濡。案南濡見滹水內。南易南

入涑。今各本又訛作入漆。涑皆輾轉訛誤。北易。至涿郡。范陽縣。會北濡。又

入易。蓋以下流既合。互攝通稱。北易可言入北濡。南易可言入南濡。故北易至涿郡。范陽縣。會北濡。又

並亂流入涑。案此即上所謂濡水也。東是則易水與諸水互攝通稱。東逕容城縣故城北。渾濤東注。至勃

海平舒縣。與易水合。案道元敘北易源流。然二易混舉。幾于不分。非尋求端緒。竟似訛舛。故附釋之。闕駟曰。

涿郡西界代之易水。而是水。案此南出代郡廣昌縣東南郎山。東北燕王仙臺。東臺有三峯。甚為崇峻。

騰雲冠峯。高霞翼嶺。岫壑冲深。含煙罩霧。耆舊言燕昭王求仙處。其東謂之石虎岡。范曄漢書云。中山

簡王焉之窆也。案近刻脫焉字。厚其葬。探涿郡山石以樹墳塋。陵隧碑獸。並出此山。案此下近刻有謂之石虎

有所遺二石虎。後人因以名岡。山之東麓。案近刻脫山字。即泉源所導也。經所謂閭鄉西山。案近刻西訛

東流。有毖水南會。渾波同注。俗謂之為雹河。司馬彪郡國志曰。雹水出故安縣。世祖令耿況擊故安西

山賊吳耐。蠡符雹。上十餘營。皆破之。即是水者也。易水又東逕孔山北。山下有鍾乳穴。穴出佳乳。探者

篝火尋沙。入穴里許。渡一水。潛流通注。案近刻訛作潛通流注。其深可涉。於中衆穴奇分。令出入者疑迷。不知所

趣。每於疑路。必有歷記。返者乃尋孔以自達矣。上又有大孔。豁達洞開。案豁近刻訛作壑。故以孔山為名也。其

水又東逕西故安城南。案城下近刻衍其字。即閭鄉城也。歷送荆陘北。案送近刻

名焉。世代已遠。非所詳也。遺名舊傳。不容不詮。庶廣後人傳聞之聽。易水又東流。屈逕長城西。又東流

南逕武隧縣南。新城縣北。案隧近刻作遂。下同。史記曰。趙將李牧伐燕。取武隧方城是也。俗又謂是水為武隧津。

案近刻脫是字。津北對長城門。謂之汾門。案汾近刻作分。下同。史記趙世家云。孝成王十九年。趙與燕易土。以龍兌汾門

與燕。案近刻脫王字土字燕以葛城武陽與趙。即此也。亦曰汾水門。又謂之梁門矣。易水東分爲梁門陂。易水又

東。梁門陂水注之。水上承易水於梁門東。入長城東北。入陂。陂水北接范陽陂。陂在范陽城西十里。方

十五里。俗亦謂之爲鹽臺陂。陂水南通梁門。淀方三里。淀水東南流出長城。注易。案近刻脫城字謂之范水。易

水自下有范水通目。又東逕范陽縣故城南。即應劭所謂范水之陽也。易水又東逕樊輿縣故城北。漢

武帝元朔五年。封中山靖王子劉條爲侯國。王莽更名握符矣。地理風俗記曰。北新城縣東二十里有

樊輿亭。故縣也。易水又東逕容城縣故城南。漢高帝六年。封趙將夜于深澤。景帝中三年。以封匈奴降

王唯徐盧于容城。案唯近刻訛作攜皆爲侯國。王莽更名深澤也。易水又東。溼水注之。案溼近刻訛作濕下同水上承二

陂于容城縣東南。謂之大溼淀。小溼淀。其水南流。注易水。謂之溼洞口。案洞近刻訛作同水側有渾溼城。易水

逕其南。東合漑水。故桑欽曰。易水出北新城西北。案西近刻訛作城東入漑。自下漑。易互受通稱矣。易水又東

逕易京南。漢末。公孫瓚害劉虞于薊下。時童謠云。燕南垂。趙北際。惟有此中可避世。瓚以易地當之。故

自薊徙臨易水。謂之易京城。在易城西四五里。趙建武四年。石虎自遼西南達易京。以京障至固。令二

萬人廢壞之。今者城壁夷平。案城近刻訛作地其樓基尙存。猶高一匹餘。基上有井。世名易京樓。即瓚所保也。

案保近刻訛作堡故瓚與子書云。袁氏之攻。狀若鬼神。衝梯舞于樓上。鼓角鳴于地中。即此樓也。易水又東逕

易縣故城南。昔燕文公徙易。即此城也。闕駟稱太子丹遣荆軻刺秦王。與賓客知謀者。祖道于易水上。

燕丹子稱荆軻入秦。太子與知謀者。案近刻無此十四字。係後人妄刪。考渭水注內。皆素衣冠送之于易水之上。荆軻起為壽。歌曰。風蕭蕭兮易水寒。壯士一去兮不復還。高漸離擊筑。宋如意和之。為壯聲。士髮皆衝冠。為哀聲。士皆流涕。疑于此也。余按遺傳舊跡多在武陽。似不餞此也。漢景帝中三年。封匈奴降王僕隴為侯國也。

又東過安次縣南。

易水逕縣南。鄭縣故城北。案鄭近刻訛作鄭。

東至文安縣。與滹沱合。史記蘇秦曰。燕長城以北。易水以南。正謂

此水也。是以班固關駟之徒。咸以斯水謂之南易。

又東過泉州縣南。案泉近刻訛作東。東入于海。

經書水之所歷。沿次注海也。

澹水出代郡靈丘縣高氏山。

即漚夷之水也。案漚近刻訛作漚。周禮作嘔。

出縣西北高氏山。山海經曰。高氏之山。澹水出焉。東流注于河者也。其

水東南流。山上有石銘。題言冀州北界。故世謂之石銘陁也。其水又南逕候塘。案近刻訛作塘。川名也。又

東合溫泉水。水出西北暄谷。其水溫熱若湯。能愈百疾。故世謂之溫泉焉。東南流逕興豆亭北。亭在南

原上。敝傾而不正。故世以敝城目之。水自原。案近刻脫三字。東南注于澹。案南近刻訛作流。澹水又東。莎泉水注之。

案近刻水道源莎泉南流水側有莎泉亭東南入于瀧水瀧水又東逕靈丘縣故城南案此下近刻有

脫莎字重出衍文係應劭曰趙武靈王葬其東南二十里故縣氏之縣古屬代漢靈帝光和元年中山相臧昊

上請別屬也瓚注地理志曰案近刻脫靈丘之號在武靈王之前矣又按司馬遷史記案近刻脫趙敬

侯九年案九近刻敗齊于靈丘則名不因武靈王事案近刻如瓚注案近刻瀧水自縣南流入峽謂

之隘門設隘于峽以譏禁行旅歷南山高峯隱天深溪埒谷其水沿澗西轉逕御射臺南臺在北阜上

臺南有御射石碑南則秀嶂分霄層崖刺天積石之峻壁立直上車駕沿瀧案近刻每出是所遊藝

焉案近刻瀧水西流又南轉東屈逕北海王詳之石碣南御射碑石柱北而南流也案射碑近刻訛作

脫是字瀧案近刻東南過廣昌縣南案近刻脫案東字

瀧水東逕嘉牙川有一水南來注之水出恆山北麓稚川三合案雜近刻逕嘉牙亭東而北流注于瀧

水水之北山行即廣昌縣界瀧水又東逕倒馬關關山險隘最為深峭案最近刻勢均詩人高岡之病

良馬傳險之困行軒故關受其名焉關水出西南長溪下東北歷關注瀧瀧水南山上起御坐于松園

建祇洹于東圃東北二面岫嶂高深霞峯隱日水望澄明淵無潛甲行李所逕鮮不徘徊忘返矣

又東南過中山上曲陽縣北恆水從西來注之

又東南過中山上曲陽縣北恆水從西來注之

瀧水自倒馬關南流。與大嶺水合。水出山西南大嶺下。東北流出峽。峽右山側。案近刻有祇洄精廬。飛

陸陵山。丹盤虹梁。案此二語。有舛誤。長津泛瀾。縈帶其下。東北流注于瀧。瀧水又屈而東。合兩嶺溪水。水出恆

山北阜。東北流。歷兩嶺間。北嶺雖層陵雲舉。猶不若南巒峭秀。自水南步遠峯。石磴逶迤。沿途九曲。歷

睇諸山。咸為劣矣。抑亦羊腸邛嶮之類者也。齊宋通和。路出其間。其水東北流。注于瀧水。又東。左合懸

水。水出山原岫盤谷。輕湍澹下。分石飛懸。案此下。近刻一匹有餘。直灌山際。白波奮流。自成潭渚。其水東

南流。揚湍注于瀧。瀧水又東流。歷鴻山。案近刻世謂是處為鴻頭。疑即晉書地道記所謂鴻上關者也。

關尉治北平。而畫塞于望都。東北去北平不遠。兼縣土所極也。案極。近刻瀧水于是左納鴻上水。水出

西北近溪。東南流。注于瀧水也。

又東過唐縣南。

瀧水又東。逕左人城南。應劭曰。左人城在唐縣西北四十里。案近刻左訛作中。三字。縣有雹水。案近刻脫亦

或謂之為唐水也。水出中山城之西。如北城內有小山。在城西側而銳上。若委粟焉。案而。近刻疑即地

道記所云望都縣有委粟關也。俗以山在邑中。故亦謂之中山城。以城中有唐水。案此二字。近刻訛因

復謂之為廣唐城也。中山記以為中人城。案中山記上。近刻衍故字。又以為鼓聚。殊為乖謬矣。言城中有山。故曰中

山也。案近刻訛作中人山也。案東。近刻訛作西。下云但中山郡治。京相璠曰。今中山望都東二十里。有故中人城。苦其不東觀。辯此言東之

誤。望都城東有一城名堯姑城。案姑近刻作始。本無中人之傳。中山之傳。璠或以為中人所未詳也。中山記

所言中人者。城東去望都故城十餘里。二十里則滅。但苦其不東觀。夫異說案夫近刻咸為爽矣。今此

城于盧奴城北如西六十里。城之西北泉源所導。西逕郎山北。案郎近刻郎唐音讀近。實兼唐水之傳。

案近刻西流歷左人亭。注澹水。澹水又東。左會一水。水出中山城北。郎阜下。案近刻亦謂之唐水。

也。然于城非在西。案在西近刻俗又名之為雹水。案近刻又兼二名焉。西南流入澹。並所未詳。蓋傳疑

耳。澹水又東。恆水從西來注之。自下澹水兼納恆川之通稱焉。即禹貢所謂恆衛既從也。澹水又東。右

苞馬溺水。水出上曲陽城東北馬溺山。案山近刻東北流逕伏亭。晉書地道記曰。望都縣有馬溺關。中

山記曰。八渡馬溺。是山曲要害之地。二關勢接。案近刻疑斯城即是關尉宿治。異目之來。非所

詳矣。馬溺水又東流注于澹。澹水又東。逕中人亭南。春秋左傳昭公十三年。晉荀吳率師侵鮮虞。及中

人大獲而歸者也。澹水又東。逕京丘北。世謂之京陵。案近刻南對漢中山頃王陵。案近刻澹水北對

君子岸。岸上有哀王子憲王陵。坎下有泉源積水。亦曰泉上岸。澹水又東。逕白土北。南即靖王子康王

陵。三墳並列者是。澹水又東。逕樂羊城北。史記稱魏文侯使樂羊滅中山。蓋其故城。中山所造也。故城

得其名。澹水又東。逕唐縣故城南。此二城。案此近刻俱在澹水之陽。故曰澹水逕其南。案近

作城西又有一水。導源縣之西北平地。案近刻是城西平城之地。泉湧而出。俗亦謂之為唐水也。東流

至唐城西北隅。竭而爲湖。俗謂之唐池。蓮荷被水。嬉遊多萃其上。案嬉近刻。訛作勝。信爲勝處也。案勝近刻。訛作嬉。其

水南入小溝。下注澗水。自上歷下。通禪唐川之兼稱焉。應劭地理風俗記曰。唐縣西四十里。得中人亭。

今于此城取中人鄉。則四十也。唐水在西北入澗。與應符合。又言堯山者。在南則無山以擬之。爲非也。

闕駟十三州志曰。中山治盧奴。案近刻。唐縣故城。在國北七十五里。駟所說北則非也。案北近刻。訛作此。史記

曰。帝譽氏歿。帝堯氏作。始封于唐。望都縣在南。今此城南對盧奴故城。自外無城以應之。考古知今事

義全違。俗名望都故城。則八十許里。案此句之上。當有脫文。距中山城則七十里。驗途推邑。宜爲唐城。城北去堯

山五里。案近刻。脫堯字。與七十五里之說相符。然則俗謂之都山。案近刻。訛作都香山。卽是堯山。在唐東北望都界。皇甫

謐曰。堯山一名豆山。今山于城北如東。案近刻。訛作北而如東。嶄絕孤峙。虎牙桀立。案虎近刻。訛作唐。山南有堯廟。是卽

堯所登之山者也。地理志曰。堯山在南。今考此城之南。又無山以應之。是故先後論者。咸以地理記之

說爲失。案近刻。脫記字。此謂應劭地理風俗記。又卽俗說。以唐城爲望都城者。自北無城以擬之。假復有之。途程紆遠。案

刻脫遠字。山河之狀全乖。古證傳爲疎罔。是城西北豆山西足。有一泉源。東北流。逕豆山下。合蘇水。亂流轉

注。東入澗。是豈唐水乎。所未詳也。又于是城之南如東十餘里。有一城。俗謂之高昌縣城。或望都之故

城也。縣在唐南。案近刻。此下有昌字衍。皇甫謐曰。相去五十里。稽諸城地。猶十五里。蓋書誤耳。此城之東。有山孤

峙。世以山不連陵。名之曰孤山。孤都聲相近。疑卽所謂都山也。帝王世紀曰。堯母慶都所居。故縣目曰

望都案此六字近刻訛在前張晏曰堯山在北堯母慶都山在南登堯山見都山故望都縣以為名也

唐亦中山城也為武公之國周同姓周之衰也國有赤狄之難齊桓霸諸侯疆理邑土遣管仲攘戎狄

築城以固之案此三十字原本及近刻並訛在治水南盧奴縣之故城其後桓公不恤國政周王問太

史餘曰今之諸侯孰先亡乎對曰天生民而令有別所以異禽獸也今中山淫昏康樂逞慾無度其先

亡矣後二年果滅魏文侯以封太子擊也漢高祖立中山郡景帝三年為王國案近刻訛王莽之常山

也魏皇始二年破中山立安州天興三年改曰定州治水南盧奴縣之故城昔耿伯昭歸世祖于此處

也滏水之右盧水注之水上承城內黑水池案此二十七字原本及近刻並訛在今府地理志曰盧水

出北平疑為疎闊闕駟應劭之徒咸亦言是矣余按盧奴城內西北隅有水淵而不流南北百步東西

百餘步水色正黑俗名曰黑水池或云水黑曰盧案近刻訛作不流曰奴故此城藉水以取名矣案此

城北刻訛作池水東北際水有漢中山王故宮處案近刻脫臺殿觀榭皆上國之制簡王尊貴壯麗有加始

築兩宮開四門穿北城累石為竇案近刻通池流于城中案近刻訛作通涿造魚池釣臺戲馬之觀歲

久頽毀遺基尚存今悉加土為利刹靈圖案利刹近刻池之四周居民駢比填編穢陋案編近刻而泉

源不絕暨趙石建武七年遣北中郎將始築小城興起北榭立宮造殿後燕因其故宮建都中山小城

之南更築隔城興復宮觀今府榭猶傳故制自漢及燕池水逕石竇案漢近刻訛作漢石竇既毀池道

亦絕。水潛流出城。潭積微漲。涓水東北注于瀨。瀨水又東逕漢哀王陵。北冢有二墳。故世謂之兩女陵。

非也。哀王是靖王之孫。康王之子也。瀨水又東。右會長星溝。溝出上曲陽縣西北長星渚。案出近刻。訛作在。渚

水東流。又合洛光水。水出洛光溝。案近刻。訛作涓。東入長星水。亂流東逕恆山下。廟北。漢末喪亂。山道不通。此

舊有下階神殿。中世以來。歲書法族焉。晉魏改有東西二廟。廟前有碑闕。壇場列柏焉。案列柏近刻。訛作相列。其

水又東逕上曲陽縣故城北。本岳牧朝宿之邑也。古者天子巡狩。常以歲十一月至于北岳。侯伯皆有

湯沐邑。以自齋潔。周昭王南征不還。巡狩禮廢。邑郭仍存。秦罷井田。因以立縣。城在山曲之陽。案城近刻。訛作

縣。是曰曲陽。有下。故此為上矣。王莽之常山亭也。又東南流。胡泉水注之。水首受胡泉。案近刻。脫。逕上

曲陽縣南。又東逕平樂亭北。左會長星川。東南逕盧奴城南。又東北。川渠之左。有張氏墓冢。有漢上谷

太守議郎張平仲碑。光和中立。川渠又東北合瀨水。水有窮通。不常津注。

又東過安熹縣南。案近刻。過訛作。逕。熹訛作喜。

縣故安險也。其地臨險。有井塗之難。漢武帝元朔五年。封中山靖王子劉應為侯國。王莽更名寧險。漢

章帝改曰安熹。中山記曰。縣在唐水之曲。案曲近刻。訛作西。山高岸險。故曰安險。邑豐民安。改曰安熹。秦氏建

元中。唐水汎漲。高岸崩頽。城角之下。有大積木。交橫如梁柱焉。後燕之初。此木尚在。未知所從。余考記

稽疑。蓋城地當初山水洊盪。漂淪巨楫。阜積于斯。沙息壤加。漸以成地。案近刻。脫。漸字。訛作城池。板築既興。物固

能久耳。澹水又東逕鄉城北。舊盧奴之鄉也。中山記曰：盧奴有三鄉，斯其一焉。後隸安熹城。郭南有漢

明帝時孝子王立碑。案明帝時近刻訛作朝時。

又東過安國縣北。

澹水歷縣東，分爲二水。一水枝分東南流，逕解瀆亭南。漢順帝陽嘉元年，封河間孝王子淑于解瀆亭，爲侯國。孫宏卽靈帝也。又東南逕任丘城南，又東南逕安郭亭南。漢武帝元朔五年，封中山靖王子劉傳富爲侯國，其水又東南流入于滹沱。澹水又東北流，逕解瀆亭北而東北注。

又東過博陵縣南。

澹水東北逕蠡吾縣故城南。地理風俗記曰：縣故饒陽之下鄉者也。自河間分屬博陵。漢安帝元初七年，案元初近刻訛作永初。封河間王開子翼爲都鄉侯。順帝永建五年，更爲侯國也。又東北逕博陵縣故城南。案北二字，即古陸成。案近刻訛作城。漢武帝元朔二年，封中山靖王子劉貞爲侯國者也。地理風俗記曰：博陵縣

史記蠡吾故縣矣。漢質帝本初元年，繼孝沖爲帝，追尊父翼陵曰博陵，因以爲縣。又置郡焉。漢末罷還

安平。晉太始年，復爲郡。今謂是城爲野城。澹水又東北逕侯世縣故城南，又東北逕陵陽亭東，又北左

會博水。水出冀都縣東，南流逕其縣故城南。王莽更名曰順調矣。又東南潛入地下。博水又東南循瀆

重源湧發。案循近刻訛作於。東南逕三梁亭南，疑卽古勺梁也。竹書紀年曰：燕人伐趙，圍濁鹿。趙武靈王。案近刻脫

武及代人救濁鹿。敗燕師于勺梁者也。今廣昌東嶺之東有山，俗名之曰濁鹿邏。案近刻城地不遠。案

刻城訛作地。土勢相鄰，以此推之，或近是矣。所未詳也。博水又東南逕穀梁亭南，又東逕陽城縣，散為澤渚。

渚水瀦漲，方廣數里。案近刻匪直蒲筍是豐，實亦偏饒菱藕。至若變婉卯童，及弱年崽子。案近刻作變

女子，角字女字，皆後人所改。方言江湘之間，或單舟採菱，或疊舸折芰。案近刻長歌陽春，愛深綠水，掇

拾者不言疲，謠詠者自流響。案近刻于時行旅過矚，亦有慰于羈望矣。世謂之為陽城淀也。陽城縣

故城，近在西北，故陂得其名焉。郡國志曰：蒲陰縣有陽城者也。今城在縣東南三十里，其水又伏流循

瀆，屆清梁亭西北，重源又發。博水又東逕白堤亭南。案白近刻又東逕廣望縣故城北。漢武帝元朔二

年，封中山靖王子劉忠為侯國。又東合堀溝，溝上承清梁陂，又北逕清涼城東。案涼近刻即將梁也。漢

武帝元朔二年，封中山靖王子劉朝平為侯國。其水東北入博水。博水又東北，左則濡水注之。案此南

名祁水出蒲陰縣西昌安郭南。中山記曰：郭東有舜氏甘泉，有舜及二妃祠。稽諸傳記。案諸下近無聞

此處。世代云遠，異說之來，于是乎在矣。其水自源東逕其縣故城南，枉渚迴湍，率多曲復，亦謂之為曲

逆水也。張晏曰：濡水于城北。案濡近刻曲而西流，是受此名。故縣亦因水名而氏曲逆矣。春秋左傳哀

公四年，齊國夏伐晉，取曲逆是也。漢高帝擊韓王信自代，過曲逆，上其城，望室宇甚多，曰壯哉。吾行天

下，惟洛陽與是耳。詔以封陳平為曲逆侯。王莽更名順平。濡水又東與蘇水合。水出縣西南，近山，東北

流逕堯姑亭南。案姑近刻又東逕其縣入濡。濡水又東。案兩濡字近刻並訛作湍得蒲水口。水出西北蒲陽山西南

流積水成淵。東西百步。南北百餘步。深而不測。蒲水又東南流。案蒲近刻作其水側有古神祠。世謂之為百祠。

亦曰蒲上祠。所未詳也。又南逕陽安亭東。案陽安近刻訛作安陽下同晉書地道記曰。蒲陰縣有陽安關。蓋陽安關

都尉治。世俗名斯川為陽安壙。蒲水又東南歷壙。逕陽安關。下名關臯。為唐頭坂。案臯近刻作畢出關北流。又

東流逕夏屋故城。實中險絕。竹書紀年曰。魏殷臣趙公孫哀伐燕。還取夏屋。城曲逆者也。其城東側因

阿仍墉築一城。案阿近刻訛作河世謂之寡婦城。賈復從光武追銅馬五幡于北平所作也。世俗音轉。故得是

名矣。其水又東南流。逕蒲陰縣故城北。地理志曰。城在蒲水之陰。漢章帝章和二年。行巡北岳。以曲逆

名不善。因山水之名。改曰蒲陰焉。水右合魚水。水出北平縣西南魚山。山石若巨魚。案近刻訛作山石善巨焉水發

其下。故世俗以物色名川。又東流注于蒲水。又東入濡。故地理志曰。蒲水蘇水。並從縣東入濡水。又東

北逕樂城南。又東入博水。自下博水亦兼濡水通稱矣。春秋昭公七年。齊與燕盟于濡上。案近刻訛作會于濡水

杜預曰。濡水出高陽縣東北。至河間鄭縣入易水。是濡水與滹沱濇易互舉通稱矣。案此下近刻有地志理曰博水東至

高陽入河十二字係重出衍文博水又東北。徐水注之。水西出廣昌縣東南大嶺下。世謂之廣昌嶺。嶺高四十餘里。二

十里中。委折五迴。方得達其上嶺。故嶺有五迴之名。下望層山。盛若蟻蛭。實兼孤山之稱。亦峻竦也。案竦

近刻訛作嶽徐水三源奇發。齊瀉一澗。東流北轉。逕東山下。水西有御射碑。徐水又北流西屈。逕南崖下。案崖

近刻作巖。下同。水陰又有一碑。徐水又隨山南轉。逕東崖下。水際又有一碑。凡此三銘。皆翼對層巒。案近刻巖

障深高。壁立霞峙。石文云。皇帝以太延元年十二月。車駕東巡。逕五迴之險。邃。案近刻覽崇岸之竦峙。

乃停駕路側。援弓而射之。飛矢踰于巖山。刊石用讚元用。夾碑並有層臺二所。即御射處也。碑陰皆列

樹碑官名。徐水東北屈逕郎山。案東北屈近刻又屈逕其山南。衆岑競舉。案衆字近刻訛若豎鳥翅立。

石嶄巖亦如劍杪。極地險之崇峭。漢武之世。戾太子以巫蠱出奔。其子遠遁斯山。故世有郎山之名。山

南有郎山君碑。事具其文。案近刻訛作山內。徐水又逕郎山君中子觸鋒將軍廟南。案中子近刻訛作

廟前有碑。晉惠帝永康元年八月十四日壬寅。發詔錫君父子法祠。其碑。劉曜光初七年前頓丘太守

郎宣。案頓丘近刻北平太守陽平邑振等。共修舊碑。刻石樹頌焉。徐水又逕北平縣。縣界有漢熹平四

年幽冀二州。以戊子詔書。案戊近刻遣冀州從事王球。幽州從事張昭。案近刻郡縣分境。立石標界。具

揭石文矣。徐水又東南流。歷石門中。世俗謂之龍門也。其山上合下開。開處高六丈。飛水歷其間。南出

之崖。傾澗洩注。七丈有餘。漉盪之音。奇為壯猛。觸石成井。水深不測。素波自激。案自近刻濤襄四陸。瞰

乘者驚神。臨之者駭魄矣。東南出山。逕其城中。有故碑。是太白君碑。郎山君之元子也。其水又東流。漢

光武追銅馬五幡于北平。破之于順水北。案近刻乘勝追北。為其所敗。短兵相接。光武自投崖下。遇突

騎王豐。于是授馬退保范陽。案退近刻順水。蓋徐州之別名也。徐水又東逕蒲城北。又東逕清苑城。又

東南與盧水合。案盧原本及近刻並訛作泚下同。今據漢書改正。又近刻脫合字。水出蒲城西。案近刻脫城字。俗謂之泉頭水也。地理志曰北

平縣有盧水。案此下近刻有東。即是水也。東逕其城。又東南左入徐水。地理志曰東至高陽入博。案近

作入河。今漢書各本亦訛。今不能也。徐水又東左合曹水。水出西北朔寧縣曹河澤。案合下近刻衍會字。水東南流

左合岐山之水。水出岐山東逕邢安城北。又東南入曹河。曹水又東南逕北新城縣故城南。案此下近

又逕北新城故城北。王莽之朔平縣也。曹水又東入于徐水。徐水又東南逕故城北。案近刻故

北十字。係衍文。案近刻。地理志曰徐水出北平東至高陽入于博。又東

隅城。案隅近刻。所未詳也。徐水又東注博水。案注近刻。地理志曰徐水出北平東至高陽入于博。又東

入澠。地理志曰博水自望都東至高陽入于澠是也。案近刻訛作入于河。又脫是

又東北入于易。世謂之依城河。地說無依城之名。案地近刻。即古葛城也。郡國志曰高陽有葛

澠水。又東北逕依城北。世謂之依城河。地說無依城之名。案地近刻。即古葛城也。郡國志曰高陽有葛

城。燕以與趙者也。澠水又東北逕阿陵縣故城東。王莽之阿陸也。建武二年更封左將軍任光為侯國。

澠水東北至長城。注于易水者也。案此易水謂南易。至文安與滹

沱合者。長城在今文安縣界。



國家圖書館



004759315

